

78  
STEPHANI  
RODERICI

Castrensis Lusitani

OPUSCULA DVO,

*Videlicet*

Variae Exercitationes Medicæ,

E T

Expositiones in Aliquos Ægrotos

HIPPOCRATIS.

STEPHANI  
RODERICI

Castellus Indus

OLASCA D.V.

Indus

Indus Exercitationes Medicae

ET

Exercitationes in Indus Exercitationes

HISTORIAS

38993

VARIÆ  
EXERCITATIONES  
MEDICÆ

(Pauca sed valdè Doctæ) priuatæ lectiones,

STEPHANI RODERICI  
Castrensis Lusitani,

OLIM SERENISSIMI MAGNI DVCIS ÆTRVRIÆ  
Sanitatis Confiliarij, & in Pisana Academia  
Medicinam, supra ordinario loco Docentis.

*His accesserunt in hac secunda editione Expositiões in  
aliquos Hippocratis Aegrotos admodum  
practicabiles.*

AD CLARISSIMVM, ET EXCELLENTISSIMVM

Virum ~~PAVLO~~ Michaelē Angelum Rota Medicum,  
& Philosophum, Ciuem Venetum.

EX P R I O R V M P E R M I S S V.



VENETIIS, M. DC. LVI.

Apud Franciscum Brogiollum.

V A R I A

EXERCITATIONES

M E D I C A E

(The title of this book is) original lectures

ST. JOHN AMT. RODERICI

Castellus Ludovici

OLIV. FRANKLINI M.D. & A.D. 1734

Solent (London) & in Pisoni A. 1734

Med. & Chir. in Pisoni A. 1734

His. & Chir. in Pisoni A. 1734

in Pisoni A. 1734

in Pisoni A. 1734

AD. C. 1734. M. D. & A.D. 1734

in Pisoni A. 1734

in Pisoni A. 1734

in Pisoni A. 1734



V E N E T I S , M . D C . L V I .

Printed in London, Prolegator.





# PERILLVSTRI, ET EXCELLENTISSIMO

D. Michaeli Angelo Rotæ Doctori Eximio,  
Patrono suo Colendiss.



*Longæ artis elucubratum  
opus, ut cum medicorum  
Principe loquar, vitæ bre-  
vis iactura pæne sub frigi-  
dis Patris mei cineribus humatum  
odiſſe lucem crederetur, niſi mearum  
partium eſſe duxiſſem ipſius editione,  
Paternis non tam conſulere vigilijs,  
quàm & Publicæ utilitatis commodo  
inſervire. Prodit autem vir Excellen-*

tissime tui nominis patrociniò insigni-  
tum, ut spiritum, quem Stephanus Ro-  
dericus de Castro Pater meus huic sa-  
tui decumbens abstulerat, ipsum denuo  
à summa Virtutis tuæ auctoritate re-  
cipiat, confugit siquidem vitæ beneficia  
flagitaturum ad te, qui artis medicæ  
munere, fugientes agrorum spiritus sæ-  
pè soles ad vitæ ministeria reuocare,  
Et velut Posthumum in Patris Et au-  
toris defectum te prepollentem implo-  
rat Tutorem. Equus enim non pote-  
rat cuiuspiam de arte medica liber of-  
ferri, quàm tibi, qui cœu Numen inter  
huiusce doctrinæ Professores fulgentis-  
simum Venetis non tantum, unde  
virtutis tuæ iubar maximè enitescit,  
sed Et ubiq; terrarum omnium ore ce-  
lebraris. Libens igitur tuo dicatum no-

mini opus amplectere, fove, faueq; be-  
nignus, nam quantum dignitatis ex  
Patrocinij tui titulo ipsi conciliabitur,  
talis antiquae rei meritum me non mi-  
nus in perpetua erga te officia devin-  
cietur, dum non solummodo hos Pa-  
tris labores, sed & obsequentes animi  
mei affectus in virtutis obsequium of-  
fero & exhibeo Auctoris filius, &  
Tibi vir Excellentissime.

Addictissimus

Franciscus Castrensis, &c.



# CANDIDO LECTORI.

¶



IBI metipſi gratula-  
re, Amice Lector,  
Tefaurum inueniſti;  
auro eo pretioſiorem,  
quo ſapientia Diui-  
tijs preſtat. Opes Philoſophia, Ve-  
ritas cuncta, ad quæ cæca Mortalium  
obſtupescit Ambitio, antecellit;  
quantò altius acumine ingenij effo-  
dies, ditior euades: Opus hoc decies  
repetitum placebit, quod nec Tem-  
poris ira, nec vetuſtas edax vnquam  
abolebit, Stephani de Caſtro Philo-  
ſophi, ac Medici præclariffimi par-  
tus

tus ingenij, & labor est; cuius No-  
men in Cælo litterario veluti Sydus  
primæ magnitudinis micat inter om-  
nes, velut inter ignes Luna Minores:  
Cuius libros Docti Nocturna manu,  
atq; Diurna versant; Imago inter  
alios sapientiæ procures in Musæo  
Serenissimi Magni Ducis Hetruriæ  
ad viuum expressa suspicitur. Meri-  
to igitur tanti viri lucubrationes Cla-  
rissimo viro inscribuntur, quæ ali-  
qua ex parte luces prius quasi per ri-  
mas aspexere: si Vacat Audi quomo-  
do. Vir ingeniosus, & eruditus eas  
Nactus, Captusq; earum pulchritu-  
dine, & sapore mirificè legendo re-  
creatus, his condidit sui ingenij opu-  
scula, imò verius miscuit, & ex illis  
aliqua in Hetruscum Idioma con-  
uertit; Sanè prudenter: Pulchrum, &  
bonum omnibus arrident: Candidè  
ille

ille egit, nos candidè referimus; frue-  
re lector, non experiendo, quod  
omen Deus auertat, sed legendo, ac  
dicendo lætus hos morbos tibi neque  
obesse, neque adesse: Vale



# INDEX EXERCITATIONVM

Quæ in hoc opere continentur .

1.	<b>E</b> xercitatio de liuore .	C.I
2.	Exercitatio de respiratione magna , & rara .	8
3.	Exercitatio de paribus inuasionum, diebus .	11
4.	Exercitatio de humore syncero .	14
5.	Exercitatio de spumosa deiectione .	22
6.	Exercitatio de curatione febris cum alui fluxu .	24
7.	Exercitatio de syntexi .	29
8.	Exercitatio de tenesmo .	42
9.	Exercitatio de inflammatione , & erysipelate .	44
10.	Exercitatio de paraphrenitide , & consensu diaphrag- matis .	50
11.	Exercitatio de phrenitide .	58
12.	Exercitatio de rigore .	65
13.	Exercitatio de dolore capitis in febris .	76
14.	Exercitatio de vrinarum rubore .	82
15.	Exercitatio de vrina nigra .	87
16.	Exercitatio de atrabile .	92
17.	Exercitatio de recidua .	108
18.	Exercitatio de Conuulsione .	120
19.	Exercitatio cur ægrotantes interdum propè mortem melius habere videantur .	155
20.	Exercitatio de die vigesimo .	157

21. *Exercitatio de partu laborioso.* 165  
 22. *Exercitatio an computatio in puerperis febre laborantibus, debeat fieri à die partus an à die febris.* 174  
 23. *Exercitatio de tempore lochij expurgandis destinato.* 180  
 24. *Exercitatio de curatione coacta.* 189  
 25. *Exercitatio de potu frigida in febribus.* 196  
 26. *Exercitatio de morbis ex nimio vini potu.* 204  
 27. *Exercitatio de recta exercitij norma.* 208  
 28. *Exercitatio an natura sit morborum medicatrix.* 209  
 29. *Exercitatio Vtrum medicus sit imitator naturæ.* 215  
 30. *Exercitatio de fluxu sanguinis è naribus in febribus.*

222

F I N I S.

VARIE



# VARIÆ EXERCITATIONES MEDIÆ.

AUTHORE STEPHANO  
Roderico Castrense Lusitano.

## Exercitatio de liuore.



Olor, qui Græcis *λευκός*, Latini liuidus, vulgò plumbeus solet appellari, multifariam fieri, & subinde multa etiam potest significare. Si hunc colorem in lacte consideratis, laudabilis est, dicente Aristotele *lac liuorem trahens commodius esse, quam id quod exquisitè album est*, quod tamen in semine Galenus negat. Sed tamen in lacte & semine diuersa est ratio: vtroque enim agens, passum sibi assimilât; quandoquidem enim testes & vasa seminaria exquisitè alba sunt, exquisitè album semen conficiunt, at mammillarum glandulæ in liuorem vergentes, aliquantulum liuidum colorem lacti, quod conficiunt, imprimunt.

In alui excrementis paruum atram bilem

A

à liuo-

3. Hist. animal. c. 21.

Gal. 1. pro- g. vlt.

G. 1. p. 108.  
22.

G. 1. c. 15. c.  
31.

à liuore indicari voluit Galenus, qui, ait, *nigram deiectionem ab atrabile syncera tingi, liuidam verò, vbi modica modicè permiscetur*; sibi tamen contrarius mihi videtur: quippe alibi *liuidum quoddam in excremento apparens, vbi non fuerit tale aliquid intus assumptum, partium internarum valldum frigus, ac veluti mortificationem indicare*, ait. Omitto quòd pauca atrabilis permixta, non liuidum efficiet colorem in excrementis, sed eum qui *φαῖός* siue *ὀρόμελας* aut *μελαςμός*, hoc est fuscus vel subniger appellatur. Nec recipio illorum sententiam, qui dicunt liuidum colorem posse etiam fieri expulsionem humoris melancholici ad partes corporis extimas; verumtamen, quia humor iste mole exiguus est, non poterit morbum per abscessum iudicare. Non, inquam, istam sententiam recipio, quia paruus humor melancholicus vel æqualiter funditur, vel inæqualiter; si inæqualiter, vbi maior copia aceruabitur, nigror aderit; si æqualiter, colorem efficiet subnigrum, non liuidum. Potest quidem succus albus, ut est pituita illa, quam Praxagoras vitream appellauit, vel crudus humor, (qui cum de genere sit pituitæ, minùs tamen humidus, quàm pituita habet) poterunt inquam ista ob eximiam frigiditatem liuescere, & hoc Galeno admitto, ceterum non ob mixtionem atri succi. An verò quæ suppurantur liuescant, si ab

atro

G. 4. fanit.  
tuend. c. 4.

atro humore fiant, Galenus in commentario de fracturis admittit; at tunc liuidus color diceretur à calore contractus, quippe suppuratione a calore fit naturali, & præternaturâ, simul mixtis. Præterea in hoc casu bonum esset signum: siquidem abscessus ex atro humore, aut non suppurant, aut difficulter saltem suppurant, qui, si suppurent, ad bonum tendunt, maximum enim signum vlceri ad securitatem pus esse, dixit Galenus.

Et quoniam liuorem non prauum perquirimus, in medium adducere oportet sugillata, quæ Galenus pelidna vocat, ea fiunt sanguine è venis effuso, nunc per tunicas contusas, nunc vero in finibus reſeratas, exiguum malum, & quod facilibus remedijs curatur, verò noctu ambulans percutiebatur, & remedium familiare habebat, quo sugillata statim sanabat. Qui exercentur, aut per ſotus caleſcunt, ſi vires mediocres & bonum ſanguinem habeant (inquit Galen. in epidemijs) rubicundi fiunt, ſi verò debiliores ſint, & vitioſis humoribus repleti, euadunt liuidi. Prauum humorem liuido colore ſignificari author eſt idem in prognosticis. Nihilominus in omnibus hiſ casibus liuor per *vaucioſiv* fit, diffuſione ſcilicet ſanguinis, vt plurimum ſubtilioris, nam craſſior ad nigredinem ſtatim accedit; in neruis verò ſemper fit per *véxpoſiv* hoc eſt mortificationem; neque enim ſubſtantia nerui diſ-

Gal. 2. de  
ſrat. com-  
12.

G. 5. aph.  
22.

G. de tum  
præternat.  
64.

G. 6. Epid.  
ſectio. 3. &  
comm. 33.

Gal. 3. pro-  
gn.

fusionem suscipit, sed extinctionem caloris vivifici, quem à corde accipit.

Quando autem in morbis acutis color lividus in extremitatibus apparet, per *véxposis*, mortificationem, scilicet fieri dicitur, & non solum mortem, sed iam iam instantem mortem significare, ait Hippocrates in prognosticis, & author coacarum passim: Adeò prauus est, ut in malitia nigro præferatur, dicente Hippocrate *si verò digiti ac pedes omninò nigrescant, minùs perniciosi sunt, quàm si liveant.* At Cur livor nigrore deterior est, si livor ad nigrorem est via? Respondent communiter interpretes, liuorem solius frigiditatis esse sobolem, quod ex Galeno accipiunt, nigrore verò & a frigiditate posse ortum ducere, & ab humoris decubitu; si à frigiditate, non negaret Hippocrates, nigrorem deterio-rem liuore esse; sed quoniam lividus color semper est à praua causa, nempe à frigiditate, niger autem aliquando ab hac, aliquando ab humoris decubitu, qui potest esse utilis, si reliqua consentiant, quæ ibi consideranda proponit Hippocrates, præcipue facilem tolerantiam, tunc bona crisis erit, ita ut æger sit cōualiturus: quæ verò nigra facta sunt è corpore casura; Itaque, proderit abscessus iste in pedibus, tum quia materia non occupans solum digitos aut ungues, sed totos pedes, tanta erit, quæ liberare ægrum possit, alioquin

Hip. 2. progn.  
8. & 9.

G. 1. crisis,  
18.

H. 2. progn.  
9.

alioquin erit decretorium non decernens,  
 quod ab Hippocrate damnatur, tum quia ad H. 2. epid.  
sect. 1.  
 pedes, hoc est, ad partem longinquam de-  
 fluxa fuerit: idem namq; scriptū reliquit, opti- Ibid.  
 mum abscessum infernè fieri debere & longis-  
 simè infra ventrem, & remotissimè à loco af-  
 fecto. Adiecit, partem in quā humor ater de-  
 cubuit casuram, quia pars illa emortua est, nō  
 potest autem mortuū viuo coherere. Aphro- Alex. Aphr.  
sec. 1. prob.  
43.  
 disæus casum istum extremorum, quæ in sum-  
 mis frigoribus liuent, & tandem nigrescunt  
 ac decidunt, comparat casui foliorum in hye-  
 me, utrobique enim calor abiit, & omnino hu-  
 mor deficit, quare exsiccata prorsus pars non  
 potest retineri, quippe deest illi humiditas, quæ  
 agglutinationi inseruit, fitque superficies in-  
 termedia inter partem viventem, & mor-  
 tuam. Vnum est contrarium inter folia, &  
 membra, quod folia mouentur, aut percussa,  
 aut agitata à vento, ac proinde decidunt;  
 In corpore mouetur pars viuens, & cum è  
 mortua non possit simul moueri, necessario  
 separatur, quod si non decidat, secunda est  
 diligenti opera chyrurgi, ne pars sincera tra-  
 hatur. Nam ut Auicenna ait, *ab agitudine* Auic. 1. 4.  
tract. 2. c. 2.  
*interficiēte acuta rarò fit euasio absque contra-*  
*ctione membri.* Simile quidpiam dicitur ab  
 Hippocrate videlicet, *abscessu in cruribus* Hip. 2. pro-  
g. 7.  
*erumpente, liberari hominem à pulmonia vehe-*  
*menti, & periculosa, articulum tamē in quem*  
 fluxio

*fluxio decumbit claudicare, vel multum negotij imminere.* Ratio huius rei est, quia periculosus morbus à prauo humore fit, hic autem non potest non partem in quam decumbit prauè afficere.

Præfatam expositionem non damno, aliam tamen afferre non piget. Niger color, vel fit à frigore mortificante, & tunc fit præcedente liuido, vel à calore adurente, & præcedit viridis. Quando Hippocrates ait, deteriorem esse liuidum nigro, non intelligit de nigro, qui fit à frigore, esset enim error intolerabilis dicere, malum in suo termino minùs graue esse, quàm in medio; Intelligit ergo de nigro factò per adustionem, color niger per adustionem factus, etiam si in parte, in qua est, extinctum habet calorem, nihilominus ratione signi, significat incendium. At liuidus color, qui fit à frigiditate, & extinctione caloris ob prauitatem humoris, significat ab eodem humore, spiritus interiùs esse extinctos; quare totius corporis grauitatem secum affert, hoc est, virtutis impotentiam ob deperditionem spirituosæ substantiæ.

Hæc autem spirituum extinctio est, ob quam liuidus color contrahitur; siquidem color floridus, & splendor sanguinis à spiritibus accidit, rubeus autem color sanguinis, extinctione caloris liuescit, & tandem in nigredinem terminatur. Quod autem per extinctionem

nem

nem caloris liuidus color adueniat, ex eo constat, quia pars liuida frigida simul est, immo ante liuorem frigiditas adest quasi per absentiam caloris, qui in spiritibus consistit, unde pars frigefacta prius, postmodum liuescit.

Dixi simul cum liuore grauitatem, hoc est H. 2. progn. 8. impotentiam sentiri, quoniam liuor in extremitatibus apparens iam prius interna ferè emortua relinquit. Emoriuntur tamen prius externæ, tum quia longè magis absunt à fonte caloris, hoc est à corde, tum quia facultas interiùs potentior est, & magis apta ad resistendum, quæ nihilominus, non valdè post, etiam concidit. Conspicitur autem liuidus iste color magis in vnguibus quia diaphani sunt veluti vitrum, ac proinde colores subtus existentes representant; ita etiam in sanis optimo sanguine perfusi rubedinem representant. Præterea, cum, authore Galeno, in radicem Gal. 2. de anatom. ad min. ipsorum, non modo neruus, sed etiam arteria, venaque inseratur, unde ex eiusdem sententia, *vitam alimentum sensumque recipiunt*, fit vt firmiter non tantum cordis, sed & iecoris, & cerebri affectiones ostendant.

Manifestè ergo constare arbitror cur liuiditas cum extremorum frigiditate adueniens, *vix peris* seu morticinium quoddam censeatur; Intelligite tamen dummodo non sit a causa manifesta; manifestam causam appello, tum eam, quæ externa est, vt ambientis nimia frigi-

ditas, tum etiam accessionis principium, in quo liuescunt vngues, propter frigiditatem, qui recalescunt postea. Liior igitur in acutis fit, partibus frigescentibus, non recalescentibus.

*Exercitatio de respiratione magna & rara.*

**R**espiratio magna, & rara, authore Galeno in prorrheticis, delirij signum inseparabile censetur. Intelligite tamen ita esse inseparabile signum delirij, vt non è conuerso delirium sit inseparabile ab hac respiratione, quod idemmet Galenus annotauit. Non potest, inquam, in febre acuta respiratio magna, & rara reperiri, quæ delirium non significet, potest tamen delirium esse sine magna, & rara respiratione, vt si concurrant potentiores causæ, quæ eandem crebram efficiant. Dolor. e.g. ex inflammatione in partibus, quæ sunt in septo transverso, aut iuxta ipsum, frequentem, & paruam efficit, delirium, magnam, & raram, si vtraque causa coniungatur, & delirium vincat, respiratio ad magnitudinem, & raritatem inclinabit, vbi autem superet dolor ad paruitatem, & frequentiam tendet, cum vero medio modo se habent, aliquando in hanc, aliquando in illam recurrit differentiam, vt accidit Dealcis uxori, quæ spiritum habuit magnum, & rarum,

G. 1. prorr.  
section. 1.  
comm. 4.

G. 2. differ.  
ref. 7. c. 4. c.  
5.



ac rursus facta fuit brevispira.

Magnam in delirantibus respirationem intelligite, quæ verè magna est. Galenus vos admonet, ne in hoc decipiàmini putantes, eam respirationem, quæ ob virium imbecillitatem omnibus agentibus musculis efficitur, eandem esse cum magna. Hanc non magnam, sed meteoram, hoc est, sublimem appellat, quæ sublimioribus etiam thoracis partibus peragitur. Est quædam respiratio, in qua sine obstructione, sine angustia, sine virium imbecillitate, multum aëris attrahitur, hæc propriè magna appellatur; cum verò Hippocrates in prognosticis ait *spiritum magnum*, & ex longis intervallis, delirium significare, magnum H. 1. progn. 14. dicit, hoc est multum. Hæc magna respiratio dupliciter fieri potest; vel sine superiorum musculorum actione, vel ipsis quoque concurrentibus; nam plerumque intercostales muscoli, vna cum septo transverso ad multam thoracis elevationem, quam multus spiritus attrahatur, superiorum musculorum auxilio non indigent.

Porro cum tribus de causis thorax plurimū distendatur, aut quia angetur calor, viribus constantibus, aut quia angustia impedimento est, ne multus aër subeat, aut quia vires deficiunt, vt imminente morte. Prima thoracem dilatare maxime potest, secunda minus, tertia minimum, licet operentur omnes muscoli.

Ob id hæc respiratio maior apparet, quàm fit, quia non amplius septum tenditur, quantum ante solebat, in cuius subsidium, naturæ instinctu, intercostales, & sublimes veniunt. Omnium deterrima est in qua iunguntur omnes causæ, ut in pulmonia, in qua adesse potest calor, angustia, infirmitas.

Quare ratum firmumque esto, quod Galenus citatus nos docet, magnæ respirationis geminas esse differentias: fit enim interdum ob dilatationis thoracis magnitudinem, interdum ob multitudinem aëris, qui inspiratur. Si fiat ob dilatationis magnitudinem, potest quidem esse sine delirio: nam quibus tumor vel angustia sine flammeo calore spiritalibus mēbris infidet, in his thoracis quidem dilatatio maxima est, id vero quod inspiratur, non solum proportionem dilatationem non assequitur, verum etiam minùs quàm secundum naturam solet inspirari, attrahitur. Meatum autem angustiam multa efficere possunt, ut angina, copiosa destillatio pulmonis arterias opplens, tuberculum durum pulmonis, suppuratio, & similia. Præterea, propter virium languorem, magna fit respiratio omnibus agentibus musculis, adeò, ut aliquando etiam narium pinnae concurrant. Itaque magna respiratio, quæ aucto duntaxat usu fit, sine instrumentorū vicio, si simul adsit raritas, quam obliuio inuehit, delirii est signum proprium, non

non tamen necessarium, hoc est; proprium est huius respirationis delirium significare, non tamen est necessarium, ut delirio hoc semper signum adsit.

*Exercitatio de paribus invasionum diebus.*

**T**ertiana intermittens necessariò moueri debet per dies impares: cum enim repetitio fiat de tertio in tertium, primæ debet respondere tertia dies, & tertiæ quinta. Sed nunquid in continuis repetitio non fit de tertio in tertium? fit quidem, ceterum potest prima die febris esse adhuc mitis, & in secunda exacerbari, cumq; secundæ respondeat quarta, ac proinde licet correspondentia sit per impares, hoc est de tertio in tertium, dies tamen in quibus cōtingunt exacerbationes, sunt pares. Cum ergo, iuxta opinionem meliùs sentientium exacerbatio non tam expulsionì humoris à vasis, quàm aggressioni naturæ in humorem expulsum attribuat, peculiare congressus efficiunt accessiones; consentaneum autem est, ut cum natura ad peculiarem pugnam exurgit, exurgat ad vniuersalem; ideo in morbis, qui mouentur in paribus diebus, diebus quoque paribus fient crises, è contra qui imparibus mouentur, imparibus crises cōtingent, quod adeò verum est, ut in intermittentibus, per accessiones dierum computatio fiat;

4.Aph.59. fiat ; hinc Galenus , *quod in continuis una dies potest, hoc in intermittentibus, accessio.*

H. 4.Aph.  
61.

Propter hanc causam laudat idem indicationes quæ ita fiunt , vt quæ febres paribus diebus exacerbantur paribus quoque iudicentur , quarum autem in imparibus exacerbationes fiunt , fiunt & in imparibus indicationes . Sed non videtur sibi constare : siquidem in aphorismo ait *febricitantes, nisi diebus imparibus, febris reliquerit, solent recidivare* Galenus ab hac difficultate se expedit , damnans hunc aphorismum tamquam falsum, & suppositiciū , aut saltem correctione indigentem , vt non dicatur *nisi diebus imparibus*, sed *nisi in diebus indicatorijs* . Huic correctioni consonat sententia Concarum, quæ sic habet, *quibuscunque febres desinunt non in diebus decretorijs his recidivæ fiunt*. Philotheus aphorismum intelligit de solis morbis acutis : quippè hos solos ait moveri per impares , sed fallitur , nam Philisci morbus satis acutus fuit , & tamen per pares movebatur ; forsitan ille hanc difficultatem prævidit , neque expositioni priori acquieuit , propterea explicat aliter , nempe pro imparibus assumi debere indicatorios, & sic coincidit cum mente Galeni, & hanc magis necessariam explicationem esse agnoscit. Verum per viam explicationis ad libitum loquitur ; cur enim impares significabunt indicatorios ? Melius est ita accipere, per viā emendationis contextus.

Varij vario modo interpretantur; ceterum nemo negabit si pro imparibus iudicatorios dicamus, doctrinam esse veram, & omnis difficultatis immunem. Quod interest scire, conuenit, iudicationes in diebus, quibus exacerbationes fiunt, prouenire, dummodo tamen dies isti iudicandi vim habeant: si enim non sunt iudicatorij, quæcumque alteratio in his accidat, non supernis influxibus, sed humoris irritamento tribui debet. Sunt autem dies vacui in quibus iudicatio, vel non fit, vel rarò fit, alij intercalares, critici quidem sed minus nobiles, alij decretorij præstantissimi, & horum aliqui pares, alij vero impares, & pares alij sunt pares ratione arithmetica, alij ratione critica, vt decimusquartus, & vigesimus. Impares omnes præcipuè in ratione critica primas obtinent in iudicando.

Itaque morbus Philisci cum valde acutus esset, iudicandus erat, ad summum die septimo, cum moueretur per pares, iudicari debuit, sexto. Quoniam autem Hippocrates ait, *febres iudicantur in eisdem diebus numero, ex quibus supersunt homines, & ex quibus moriuntur*, si sexto debuerat iudicari, par fuit sexto quoque die mori. H. 3. prog. 1.

## Exercitatio de humore syncero.

**I**N corpore secundum naturam se habente, debent humores inter se permixti existere, etiam ipse sanguis, quem in Philisco ἀκρατον αἷμα sanguinem merum Galenus κακὸν μικτὸν malè permixtum interpretatur. Est enim permixtio bona ratione signi, & ratione causæ. Quoniam quod permixtum est minus lædit, & insuper significat humorū cōtemperationem. E' contrario si sint impermixti, passim ab Hippocrate damnantur. Dicitur autem ἀκράτος seu Ionice ἀκρητος, aut εἰλικρινής aut ἀμιγής, aut ἀμικτος ille humor, qui latinè impermixtus, syncerus, merus, meracus appellatur. Hanc autem appellationem, ob vnam ex duabus conditionibus suscipit, vel quia ἀμικτος ὑγρότης ὑδατώδης expers omnis aquosificatis, vel quia mixtione caret alterius humoris. Interdum hac eadem appellatione Galenus significat simplicem, & impermixtam substantiam, vt pallidam bilem, purum, rubentem, & floridum sanguinem, sed rarissimè, vt in eo qui in Dealcis decumbebat horto.

Dixi omnem humorem impermixtum prauum esse, neque sanguinem excepi ab hac lege, in quo volens, sciens, Galeno contradixi, qui, præter sanguinem, ait, quemuis alium humorem, si syncerus fuerit, prauam indicare affectionem, quæ flammeo calore generationem obtineat.

*neat.* Cur præter sanguinem? nonne sanguis suum habet ichorem, quo, si priuetur præternaturalem induit conditionem? Sed quem sanguinem intelligit? num eum, qui quartus quidam est humor? iste nec syncerus in venis potest reperiri, teste eodem Galeno, nec, si posset, in statu naturali ita consisteret, quippe naturæ ordo postulat, ut sit alijs humoribus permixtus, num intelligit nomine sanguinis vniuersam massam ex humoribus quatuor constantem, hæc etiam suo indiget ichore & præterea interesse debet, iuxta suam proportionem permixta.

Cæterum ex duplici humoris synceritate illa, quam habet, quia alterius caret consortio, in suis acceptaculis non est præternaturam, ut bilis in vesica fellis, melancholia in liene. Cur ergo si excernatur humor iste syncerus, nulli alteri permixtus malum est? Nempe quia isti humores licet inutiles ad alendum, non sunt inutiles ad alios usus: bilis utilis est, ut ad intestina mittatur ad excitandam expulsionem; & si hoc in mensura fiat, tunc fæces suo colore tingit, si autem mensuram superet, excernetur syncera, neque deiectio erit bile tincta, sed mera bilis; ex hac superflua transmissione bilis ad intestina, sequitur mordicatio, vlceratio, & irritatio ad exsurgendum plus, quam conuenit. Melancholia in splene aceruatur, ut inde ad ventriculum

G. 1. 5. de  
v. u. p.

culum feratur, ut illum contrahat ad se ipsum, & intendat cogatq; cibos ad vnguem amplecti, & retinere quousque fuerint concocti, ut voluit Galenus, quem sequitur Auicenna, qui alium etiam huius humoris reperijt vsum, nempe excitare appetentiam; si ergo melancholicus succus hac viâ, quæ tendit in ventriculum, occlusam, ad intestina feratur; si etiam idem humor à liene non exceptus per eadem intestina exeat, malum est. Sic etiam pituita impermixta magnæ frigiditatis est soboles, si sanguini permisceatur culturam suscipit, ut in sanguinem conuertatur. Merito ergo Galenus biliosum syncerum, caloris copiam, pituitosum verò syncerum, frigiditatem asserit indicare, intelligens syncerum hoc priore modo, nempe nulli alteri humori permixtum. Quod si alibi, ait, synceritatem flammeum demonstrare calorem, intelligit synceritatem secundo modo, nempe eam quam habet humor, suo sero spoliatus.

G. 2. progn.  
35.

Sed nunquid synceritas secundo modo semper fit à calore? maximè: neque est audiendus Iacotius, qui & calorem, & frigus causas synceritatis agnoscit: quippe calor exsiccat, frigus cogit, & compingit. Non est tamen credibile tantam in corpore viuente frigiditatem posse reperiri, quæ humores adeo compingat, ut eos suo sero spoliare, ac proinde congelare possit. Itaque hoc secundo modo  
pitui-



pituita nunquam est syncera: cum enim exsiccatio à calore fiat, nunquam potest permanere pituita, & calorem exsiccantem secum habere. Et quænam quæso pituita erit non humida? nempe illa, quæ gypsia dicitur, quæ pituita dici non meretur. Præterea si idem Galenus alibi, quemuis humorem syncerum à flammeo calore generationem obtinere ait, cur pituitam à frigore synceram esse dicit?

G. 2. progn. 47.

Quoniam autem bilis inter omnes humores maximè aquea humiditate diluitur, si naturalis sit, nempe flaua, & febrem accendat, imò prima, in febre accenditur, ei præcipuè synceritas attribuitur in febribus, adeò vt Galenus multoties ἀκριτω, hoc est syncera, interpretatur biliosa syncera: & in aphorismis vbi communis translatio habet; *in morbo diuturno cibi fastidium, & deiectiones syncera malum*; antiqua translatio non legit, *deiectiones syncera*; sed *deiectiones cholericæ*: & similiter; *ex syncera euacuatione intestinorum difficultas* vtrobi- que quædam exemplaria, pro ἀκριτω ὑποχωρησει, habent χαλᾶν ὑποχώρησιν, hoc est, pro syncera deiectione biliosam deiectionem. Cæterum Galenus duos synceritatis modos in vnum videtur confundere: siquidem in commentarijs prædictorum aphorismorum, synceras deiectiones impermixtas aquosæ humiditati vocat, quoniam solus humor euacuatus deijcitur, siue sit biliosus, siue melan-

H. 7. aph. 6. 7. aph. 23.

cholicus, siue porri colorem præferens, siue bilis, quæ æruginea nominatur. Nam huiusmodi deiectiones exustam esse omnem nativam humiditatem à calore febrili demonstrant. Itaque synceras esse ait impermixtas aquosæ humiditati, quæ habent solum illum, qui infra deijcitur humorem, siue sit flava bilis, siue atra.

Hæc est Galeni sententia, qui humorem aquosæ humiditati impermixtum, & humorem solum sine alterius consortio, siue sit bilis flava, siue atra, siue porracea, siue æruginea, utrumque, inquam, confundit, in quo erit humor syncerus, hoc est à quovis alio humore secretus, & tamen non arguet magnum calorem exhaustentem omnem nativam humiditatem, ut ille voluit. Hanc synceritatem humoris non permixti cum alio videtur intellexisse hippocrates, quando in prognosticis laudans vomitionem ex pituita & bile permixtis, & alteram opponit, quam dicit pravam esse, nempe synceram, hoc est, sine permixtione alterius humoris, vel ut illa quam laudavit. Eius hæc sunt verba: *vomitio autem utilissima est, quæ pituita, ac bile permixta quam maximè est, & non crassa valdè, neque multa: synceriores enim deteriores sunt.* Si quæritis, cur vnum tantum humorem vomitu reiici sit malum? attendite ad illud, *valdè*, & vobis solvet difficultatem: nam permisceri humores inter se  
signum

signum est naturæ suo munere perfungentis, & quo magis permiscantur, melius se habere naturam significatur, si permiscantur valdè, natura in optimo est statu. Atque ideo, ut suspicor, dicit synceriores, non simpliciter synceras, quasi innuens, quò minus permixtas, eò esse magis synceras, & ideo Duretus synceriores existimat minus prauas esse quam synceras. quasi velit Hippocrates vomitiones *ὡς μάλα*, siue *ἀκριβῶς* exactè, quantum potest mixtas esse bonas; eas verò, quæ non sunt ita benè permixtæ, quamuis non sint omninò à sua specie alienæ, tamen minus habere utilitatis, quam prædictæ; neque opposuit valdè mixtis, omninò impermixta: quoniam hæc iam constat ex lege, contrariorum esse praua, sed voluit insinuare quocumque modo ab optima permixtione recedant, tantum habere prauitatis, quantus est recessus. Tres tamen remanent difficultates quas operæ pretium erit soluere, ut penitus syncera maneat, hæc de humorum sinceritate doctrina. Prior igitur est. si bilis syncera, hoc est, nulli alteri humori permixta praua censetur, cur tertiana exquisita, quæ ab hac bile fit salubris est? si loquamur de secundo synceritatis modo, bilis flaua, quæ tertianam efficit exquisitam, non esset syncera: quippe suo sero est diluta, si loquamur de primo modo syncera quidem est: si namque pituitam ha-

beret permixtam, utique iam tertiana non exquisita, sed notha appellaretur. Dicendum arbitror in ratione periculi, tam exquisitam, quam notham, utramque intermittentem, periculo vacare: febres enim, ex decreto Hippocratis, quocumque modo intermiserint, periculo vacare significatur. In ratione durationis diuturnior est notha: quippe pituita, bilis à sua velocitate remoratur, ita ut quo tertiana magis ab exquisita recedat, hoc est, quo maiorem pituitæ copiam habebit admixtam, eò longior erit, sed hoc non denotat, meliorem esse bilem solam quam permixtam, denotat solum motus velocitatem in humore bilioso: quippè, si tertiana utraq; periculosa esset, citius exquisita quam, notha ad mortem terminaretur. Quod verò attinet ad vehementiam symptomatum (& in hoc apparet synceri humoris prauitas) exquisita ferociora habet symptomata, rigorem, vomitum biliosum, caloris acerrimi excessum valde magnum. Est itaque bilis syncera, quæ tertianam efficit exquisitam ferocior, quam sit permixta pituitæ, quæ efficit notham, quod autem salubris sit in hoc non differt ab ea, quæ est notha. Salubritas autem provenit non ratione humoris, sed mineræ, quæ est longissimè à corde.

Altera difficultas. Si syncera dicitur bilis, quæ ab ichore suo est sequestrata, à quo liqui-

dior

dior sit, quomodo ab Hippocrate non semel  
dicuntur excrementa syncera tenuia. Re-  
spondet quidam, tenuia, & syncera non esse  
eadem, sed ægroti, de quibus loquitur Hip-  
pocrates, deijciebant diuersa, quorum quæ-  
dam erant tenuia, quædam verò syncera. Hoc  
quidem ita fuisse credibile est, sed facilius est  
dicere, esse syncera tenuia, hoc est, biliosa  
sine mixtione pituitæ, aut melancholiæ, qua-  
rum vtraque est crassa; atque ita syncerita-  
tem ibi primo modo sumptam, intelligo,  
quamuis enim essent excreta flaua tenuiora  
ac proinde suo sero admixta, erant tamen  
syncera, hoc est, sine permixtione alterius  
humoris.

Tertia difficultas. Serum humorum pernicioſa res eſt, & quæ malignam indicat qualitatem, quod Galeno acceptum refero, & ab Hippocrate colligi poteſt, cur ergo humores ſero privati deteriores cenſentur? Deteriores quidem ſunt humores ſuo ſero privati, ratione ſigni, nam his magnum incendium, quod aqueam humiditatem abſorbet, ſignificatur. Deinde etiam iſtud ſerum, ſi proprium, humoris cuius eſt ſerum, temperamentum ſeruet, non eſt ſuo humore deterius. Si verò à ſuo temperamento recedat (recedit autem quia facile ebullit & putreſcit) tunc deterius eſt ſuo humore. Dum itaque dicuntur ſyncera, intelligantur exhausta, aduſta, dum-

G. 6. Epid. ſect. 2. com. 38.  
H. 6. epid. ſect. 1. in princ.

modo ex alijs cognoscamus esse syncera primo modo, hoc est sine suo sero.

*Exercitatio de spumosa deiectione.*

**V**T spumosa deiectionis prauitatem agnoscatis, oportet prius inquirere a qua causa spuma concitetur: Galenus tum propter frigiditatem, tum propter caliditatem fieri ait; huius rei signum affert: quippe venti in aqua spumam excitantes eam à frigiditate fieri indicant, aqua, quæ in lebetæ ad ignem ebullit, ac spumescit, nos docet spumam etiam caliditatis esse sobolem. Cæterum dum frigiditati concitandi spumas vim tribuit, omninò decipitur, neque exemplo allato quicquam efficit: nam ventus non prout frigidus est, aquam spumescere facit, sed prout agit. Quare melius alibi, causam spumæ duplicem statuit, aut enim fit ab agitatione humidi ob spiritum flatuosum contentum, aut à calore.

Cæterum semper, si fieri possit, causas, quæ variæ apparentes sunt, ad vnam reducere est operæ præmium, quod in presenti me facturum spero. Siue igitur spumam fieri videatis agitatione in aqueo, & aereo, qualem efficiunt venti in mari, & allisio vndarum ad scopulos; siue ebullitione facta à calore, ut in lebetæ aqua pleno, & in ligno viridi dum com-

G.1. prorrh.  
1. com. 21.

G.4. progn.  
com. 20. &  
7. aph. com.  
36. & 2. aph.  
com. 43.

buritur; siue quomodocumque, aliter, semper causam proximam esse experietis attenuacionem partium humidi aquosi, quæ, dum in vapores conuersæ, egressum per crassiorem substantiam quærunt, & à substantia illa, suam integritatem retinere conante, impediuntur, ac propterea in partes minimas franguntur. Quod si substantia illa sit facile cedens vt est aqua, facile exitum præbet, ac proinde citò spuma desinit, si sit viscosa, & difficilius cedat, diutius vapores remoratur, ac propterea diutius spuma permanet.

Itaque biliosa materia in corpore calore febrili correpto, secundum multas partes attenuatur, hæ exitum parant, detinentur tamen, quare ebulliunt, & spumescunt, quapropter spuma meritò ignei caloris soboles dicitur, quippè calor prout attenuat, occasionem præbet attenuatæ materiæ, ac proinde exitum sibi paranti, vt, dum vim patitur à membris exitum prohibentibus, in minimas partes frangatur, & spumescat. Spuma autem ista non facile euanescit, quippè vbi bilis, & igneus calor valde prædominant, aliquod semper colliquationis rudimentum adest, à quo spuma perseverantiam accipit.

Hæc doctrina vobis declarabit sententiam Hippocratis siue authoris prorrheticorum, quicumque ille fuit, qui sic ait. *Deiectiones in spumosas, syncerasque desinentes morbum exacer-*

1. prorrh.  
sect. 2. tex.  
15.

bant, dixit, *desinentes* hoc est, in morbi progressu, seu tractu temporis; dixit *morbum exacerbant* hoc est, morbi exacerbationem significant. Hoc igitur in hunc modum explico. Maiores quidem bullæ in principio excitantur: quia tunc maior adest vaporum copia, qui exitum sibi parant, deinde tractu temporis, deficientibus vaporibus, minuitur spuma. Si igitur tractu temporis, cum spuma debuit minui, tantum abest, ut diminuatür, quin potius denuò maior appareat, signum est exacerbationis, siue nouæ ebullitionis. Itaque spumosa deiectio semper est malum signum, quia significat calorem ebullitionis authorem, longè factum maiorem; quòd est deterius in fine, quando ebullitio cessare debuerat.

*Exercitatio de curatione febris cum alui fluxu.*

**C**um difficilis sit curatio, quando concurrunt simul febris, & alui fluxus, neque Hippocrates quomodo se in hac difficultate gesserit explicat, utilis erit vobis aliqua circa hanc rem disquisitio. Ex vna parte sanguinis missio non videtur conuenire: quippè nec Hippocrates, nec Galenus fluente alio, venam secari iussissent. Hippocrates quidem, *si cuipiam*, inquit, *sanguinem auferre confert,*

*ventrem*



ventrem firmare oportet. Galenus ibidem fluente aluo sanguinem non detrahes: nam si post distractionem perseverauerit fluxus virtutem proster- nit. Ex altera parte, febris acuta, quam putrescens humor concitat præstantissimum habet remedium sanguinis missionem, ut celebris est sententia à Galeno prolata. Præterea, si adsint signa plenitudinis, lumborum dolor, colli tensio, capitis grauitas, plenitudini sanguinis missionem deberi à Galeno satis, superque est inculcatum, & à posteris unanimiter receptum.

G. II. meth.  
c. 15.

Rursus in medicamento purgante eadem vrget contradictio. Nam ex vna parte incendium febrile nos ab hoc auxilio deterret, quippè medicamentum purgans, vigente incendio, ignem igni addit: iccirco sapienter Hippocrates libello de medicamentis purgantibus sic ait. Quicumque igitur à febribus fortibus corripuntur, his medicamenta purgantia exhibere non oportet, donec remiserit febris. Et paulo post, quapropter in febribus vehementibus medicamenta purgantia exhibere non oportet, verum, si alicui opus fuerit infusum per clysterem exhibere potest, quotiescunque volueris: hoc enim minoris periculi est.

Idem faciendum.

Nec dicatis, quod communiter dici solet, hanc cautionem necessariam fuisse Hippocrati, qui non nisi fortia pharmaca cognouit, non autem nobis, qui mitioribus abundamus.

Scire

Scire namque debetis nullum esse medicamentum purgans, quantumvis facile, quod exagitando non calefaciat, præcipuè corpus febre comprehensum. Ex altera parte videtur ad sedandum fluxum biliosum necessariam esse humoris biliosi eradicationem per medicamentum purgans, ut sic causa stimulans, & ægrum ad deiiciendum compellens auferatur. Quapropter Auicenna vomitus, ait, quandoque prohibetur vomitu, & fluxus quandoque prohibetur fluxu. Deinde fluxus alui biliosus indicat cacochymiam, cacochymia conuenit purgatio.

Auf. 16. 3.  
p. 2. c. 3.

G. 1. Art.  
tis Cur. ad  
Glauc. 6. 14.

Denique utrumque remedium, siue sit venæ sectio, siue purgatio, in alui fluxu non admittitur à Galeno, dicente: *Sed neque si fuerit febris cum profluvio ventris alia est opus euacuatione, verum hæc sola sufficit, quamvis non sit pro multitudinis ratione; quicumque enim his plus adimere fore necessarium putantes, aut sanguinem mittere, aut ventrem mouere tentarunt, in grauiora pericula deduxerunt.*

His angustijs circumuentus desistet ne medicus à curatione? minimè; nec enim æger adhuc in ea desperatione est, in qua ægrum debeat solis prognosticis relinquere. Ergo prius, si non agrotanti, saltem adstantibus declarata sanandi difficultate, curationem medicus auspicabitur, admonitus ab Hippocrate & Galeno, quorum vterq; medicum gubernato-

ri navis comparavit . Prudens gubernator pro ratione instantis scopuli , quàm agnoscit , aut procellæ quàm præcognoscit , clauum flectit , vela contrahit , & reliqua quæ præagenda sunt peragit . Sic autem medicinam faciens & præsentis mali , & impendentis periculi rationem habebit ; & ab vno auxilio desistens , ad aliud se confert . Si adest plenitudo simul cum cacochymia , considerabit , an vtraque pariter vrgeat , & tunc incipiet ab ea , sinè qua altera sanari nequit , v.g. si , nisi plenitudo auferatur , cacochymia mederi non possumus , à plenitudine exordium sumendum est . Quod autem plenitudo , siue sit ad vasa , siue sit ad vires , impediat cacochymia curationem , patet ; quia plenitudo est , via ad cacochymiam . Si enim est ad vires , cum in hac sanguinis quantitas à viribus nequeat gubernari , necessarium est , vt putrescat . Si ad vasa sit , neque venas disrumpat , neque ob venarum interceptionem apoplecticum inducat affectum , necessario ad sanguinem , præ multitudine , conculcatum , & subinde non satis difflatum putredo oritur . Itaq; & ob hanc , & ob alias rationes , quas controuersiarum scriptores adducunt , cum par vrget vtriusque remedij necessitas , à sanguinis missione incipiendum est .

♦ Hoc peragendum proponitur ex ea parte , quæ auxilijs medicis vt persuadet . Ex altera verò , quæ prohibet non sunt contemnenda

præcepta, ita tamen, ut non omninò dissuadeant, sed duntaxat moderationem inducant. Sic Avicenna, quando dixit, *cauere ægrum ad alterum duorum perducas, vel chole-  
ricorum ebullitionem, vel frigidiorum incrudatio-  
nem*, videtur admittere quidem venæ sectio-  
nem, sed cautè, ne ad alterum extremorum accedatur. Hippocrates, ante venæ sectio-  
nem ventrem firmare iubens, ita accipitur, ut non prorsus velit expectare, donec prorsus alui fluxus sedetur, deinde sedato, sanguis mittatur, imprudens enim consilium esset tan-  
diù expectare, sed videtur velle, (si æger san-  
guinis missione indigeat, & alui profluuium adsit, propter quod frequenter ad excernen-  
dum cogitur exurgere) prius clystere abster-  
gente, vel quocumque alio remedio esse cu-  
randum, quò nimirum rariores fiant deiectiones, & ne æger dum fluxit sanguis, simul etiam alui excrementa deponat. Galenus admonet aluo fluente, non esse mittendum sanguinem, ne, si fluxus perseveret, vires deiciantur, cum autem his verbis solum futuræ debilitati consulat, quid aliud nobis indicat, nisi parcè extrahendum esse sanguinem? ut sic sine timore inferendi noxam possit iuuare. Hæc autem mensura prudentis medici æstimationi est cõmittenda.

## Exercitatio de Syntexi.

**Q**uamvis Galenus nominum parum, solitus aliquando sit, inquit, ἀνασκοιχείωσις, ἢ σύντηξις ἢ ἀνάλυσις, seu quomodocunque nominare libet, non unquam totius corporis, non unquam succorum, qui in venis continentur; quod autem ex ea colliquatione profluit, alias ad ventrem confluit, alias ad urinas. Ex his verbis recrementatio, & syntexis, & analysis in idem coincidere videntur, nihilominus, syntexis, hoc est, colliquatio, ab analysis seu resolutione differre colligitur ex eodem alibi, dum ait, siquidem, quoad materiam uberem habent hanc colliquant, ubi illis tum adeps, tum caro mollis deficit, duras, & egre liquabiles carnes siccant à quibus propter siccitatem, nihil defluit, atque ita videtur velle non dici colliquationem, nisi in ijs rebus à quibus defluit colliquamentum, quod Aristoteles manifestè docet, inquiens, ligna verò terræ sunt, & æris, quæ colliuari ac mollescere nequeunt. Itaque per insensibilem transpirationem consumi quidem corpus, & attenuari dicitur, colliuari autem, non, nisi in substantiam fluidam vertatur. Quapropter Galenus in aphorismo febricitantium non omnino leuiter permanere corpus, & nihil minui, vel etiam, plusquam ratio postulat, colliquescere, malum Hippocratem, ait, verbo συνθῆκεσθαι, idest colliquescere, non in propria signi-

G. 3. symp. caus. c. 2.

G. 10. met. c. ult.

A. 4. mete. c. 7.

G. 2. aphor. 28.

significatione fuisse vsum, sed magis abusum.

3. epid. sec.  
3. & tot. 1.

Imò si magis strictè loqui velimus, nec pinguedini dissolutæ nomen colliquationis dabitur, dicente Galeno, *colliquationes, quæ per ventrem excernuntur, ex communi usu medicorum differre à pinguibus deiectionibus*; Et hoc quidem meritò: quoniam colliquationes non sunt similes substantiæ, à qua effluunt, vt experimur in carnibus assis nondum exsiccatis; at pingues deiectiones sunt pinguedini colliquatæ similes, solo colore mutatæ, licet non semper colore mutentur, vt cum recens pinguedo non putrescens, à calore non admodum vehementer liquatur.

H. 6. epid.  
sect. 3. tex.  
29.

Porro vera, & propria liquatio contingit carnibus, & solidis corporis membris, exhausto scilicet humore; exhaustur autem prius alimentarius, postea primogenius, siue radicialis, hic vero non omninò, sed aliqua ex parte. Hoc vobis palam faciet Hippocratica sententia *omnis extenuatio laxat cutem, deinde distenditur. Defectio contraria facit; cutis corrugatio concidentis extensio*. Explicat Galenus hanc sententiam exemplo vtrius, aut vesicæ. Vesica e. g. si euacuetur laxa remanet. deinde si euacuata persistat, eius corpus exsiccat. Ita etiam in extenuatione nostri corporis, ob deficientem subiectam carnem, cutis laxatur, procedente autem extenuatione etiam ipsius cutis substantia ficior redditur.

Quare

Quare meritò dixit Hippocrates omnem extenuationem cutem laxare, deinde distendere, nempe laxatur, ob euacuata subiectam carnem, distenditur ob acquisitam propriæ substantiæ duritiem. Addit deinde *Refectio contraria facit* quod in extenuatione prius erat cutim relaxari, quia euacuabatur carnis humiditas; in refectioe, vero prius est, cutim distendi, quia caro iterum reficitur. Rursus in extenuatione posterius erat cutim indurari, in refectioe posterius est cutim mollescere, suscepto, scilicet alimento, cuius beneficio substantificè humectatur.

Ordo colliquationis est, ut prius fundantur humores, deinde adeps (ut Galenus ait) prius recens, deinde vetitior, postea noua, ac recens caro, mox dura, ac vetusta, postremo membra solida; nihilominus tamen sunt sex colliquationes, licet Galenus quinque duntaxat enumeret, omittit ea, quæ est humorum, cuius tamen alibi meminit, dummodò tamen vberem materiam habeant, quæ possit effluere. Nam (si Galenum consulitis) nec fibrosa, nec neruosa, membranosa vè natura, eandem generationem habere cernitur, nec fas est eius modi singularum partium fibras à malignis febribus liquati sicuti carnes: quando animal ipsum, prius quam hæ proflus sint siccata, interemerint. Exemplo carnium, quæ in craticulis assantur hoc fit manifestum

G. 2. prog.  
22.

G. 10. med.  
th. 6. ult.

sues sylvestres vel nihil, vel ferè nihil habent quod ex se defluat si assentur Carnes, domesticis verò plurimum disfluit. Ita carnes humidas pinguesque habentibus per febres liquatio fit, sicciorebus febris in marasmodem transit, nisi priùs æger vel morbi violentia, vel medici inscitia moriatur; & hæc est differentia inter febres syntecticas, & febres marasmodes. In syntecticis magna & penè subita colliquatio ad ventrem mittitur, in marasmodibus caro, quæ sensim colliquatur sicca est, ac in vapores digeritur, & nulla erit sensibilis colliquatio, non aliter quam si ad ignem carnes priùs exsiccatas vel sale, fumoque duratas, torrere velitis.

Ex his cognoscetis parenchymata nostri corporis (ita appellantur viscerum carnes, hoc est iecoris, lienis, cordis, renum, pulmonum) omnia quidem posse contabescere, non omnia colliquamentum ex se diffundere. Iecoris substantiam colliquari his verbis Galenus expressit; *calida igitur intemperie circa viscus existente, colliquationes fiunt, primum humorum; deinde etiam carnis ipsius hepatis, & euacuatur per ventrem bilis crassa, graue olens, & abunde colorata, quemadmodum in pestilentibus febribus contingit. Lienis colliquatio nigra est, & similis substantiæ ipsius, ut in huius visceris inflammationibus conspicitur. Renes ob duritiem suam non facillè liquantur, sed*

G. 8. de  
sp. med.  
iec. loc. c. 7.



sed quæ ex his effunditur pinguedo per vrinas,  
 Ex ipsorum pinguedine effluit, vt testatur Ga- G. 7. aph.  
35.  
 lenus; explicans aphorismum. *Quibus insi-*  
*dens pingue, ac simul totum, ijs renum vitium*  
*auctum significatur.* Liquata tamen eorum ca-  
 ro effundit per vrinas carunculas, & filamen-  
 ta, vt voluit Hippocrates, & sedimentum oro-  
 boidem de quo infra. Acorde in vniuerso cor- H. 4. aph.  
76.  
 pore colliquatio potest euenire, peribit ta-  
 men animal, ante quam contabescat ipsum  
 cor; reliquum prius corpus contabescere est  
 necesse; nam quamuis omnes particulæ nutri-  
 mentum ad se ipsas trahant, æquali tamen at-  
 trahendi robore non vtuntur omnes; ideoquæ  
 in sanguinis indigentia, non æquæ omnes ali-  
 mento destituuntur; cor enim cum vehemen-  
 tissimam habeat attrahendi actionem, ali-  
 mento nunquam indigebit, nisi prius omnes  
 animalis particulæ ad extremam deuenierint  
 inopiam. Sic Galenus in libro de marcore.  
 De pulmone non ausim dicere ipsum marce-  
 scere, quandoquidem crebris destillationibus  
 humectatur, continuaque attractione aëris  
 refrigeratur. Aliundè tamen cum inflamma-  
 ri possit, poterit etiam exsiccari. Galenus  
 dum membra, quæ cor calefaciendo hec-  
 ticam, siccamque inferre possunt febrem, quam  
 marcor consequitur, enumerat, accedens ad  
 pulmonem ita inquit, *quantum igitur ad pro-*  
*pinqunitatem attinet, pulmo quidem omnium ma-* G. lib. de  
Mar. c. 5.  
G. de Mar.  
c. 7.

ximè, ac potissimè, cor calefaciendo, hecticam siccamque inferre febrem, quam marcor consequitur, debuerat: hoc tamen fieri non conspicitur: nec facile vnquam viscus hoc affectionem causæ similem suscipiet, tum quia humidum est, tum etiam quia respiratione refrigeratur: Cæterum debuerat meminisse, hoc solum, ita se habere in statu sanitatis, in quo pulmo refrigerationi cordis inseruit; cæterum non posse affectionem in pulmone gigni, quæ febrem hecticam inducat, falsum omnino est: quippe ex vulceribus pulmonis tabem ortum habere vulgatissimū est. Porro tabescere possunt membra omnia, liquari ea solum, quæ humiditatem, pinguedinemque habeant. Nec video cur Galenus neget, posse membra particularia marcescere, & marcorem dicat esse affectum totius, fatis quidem euidenter pupillæ tabes nobis se se representat, & interiora multa contabescencia autopsia demonstrat.

Colliquationis causa calor est vehemens, vel malignus: de vehemente dubitabit nemo, de maligno quoque non dubitabit, qui considerauerit proprium esse symptomata febrium pestilentium, quod à Galeno poteritis addiscere. Qui etiam meminerit venena dari colliquefaciendi vim habentia; calorem igitur malignum appellabitis in maligna putredine accensum, ex qua vapores eleuantur, qui spirituosam substantiam lancinare; & tanta corruptione

G. de Mar.  
c.1.

G. 3. epid.  
sect. 3. ægr.  
1. & 8. de  
cōp. med.  
secund. loc.  
c.7.

ruptione membra possint tentare, vt dissoluta defluant.

Signa colliquationis in deiectionibus, in vrinis, in vrinarum subsidentijs, & tandem in sudoribus conspiciuntur. Et quod attinet ad deiectiones, Galenus inter pingues, & viscosas hoc discrimen facit, quod pingues, in pinguedine liquefacta fiunt, viscosæ verò in solidis membris contabescentibus. In hoc tamen videtur contradicere & sibi met, & Hippocrati. Sibi, quia in prognosticis glutinosam deiectionem, modicæ consumptioni tribui dixit, at consumptio solidorum immodica quidem est. Hippocrati, qui cum glutinosam malam esse dixisset, magis lethalem dixit esse pinguem. Si ergo pinguis est magis lethalis, non est ex sola pinguedinis consumptione, neque viscosa, si minus lethalis, ex consumptione solidorum.

Vt Galenum à contradictione liberemus, & cum Hippocrate conciliemus, considerare oportet, aliam esse glutinosam, paucam, & non fatidam, aliam glutinosam copiosam fatentem: quando ergo ait glutinosam fieri in partibus solidis liquatis, nisi ex cibo glutinoso assumpto tale accidat, intelligere debemus glutinosam multam, & fatentem. Sic etiam Hippocrates quando pinguem deteriorem statuit, loquitur de pingui, copiosiore, & graueolente.

Auth. lib.  
de urin. ca.  
25.  
ελαιοχρ  
ροα.  
ελαιο-  
φαις.

ελαιοδης.

G. 3. epid.  
sect. 3. agr.  
3.  
H. 2. progn.  
35.

Vrina colliquationis soboles si confidere-  
tur iuxta suam substantiam, author libri de  
vrinis ex oleagineis triplicem speciem consti-  
tuit; prima est clæochroa oleum colorem re-  
ferens, quæ principium colliquationis indi-  
cat; altera eleophanes, olei splendorem ge-  
rens, hanc, ait, habere aliquid magis simile  
oleo, quod supra vrinam insidet, significat-  
que augmentum colliquationis. Tertia elæo-  
des, quæ tota sua substantia, & vndequaque  
est veluti oleum, quæ indicat statum, & sum-  
mum vigorem colliquationis. Verùm Gale-  
nus oleosam vrinam sic dictam ab Hippocra-  
te accipit, quasi colore, ac substantia oleo  
similem. Vrinam autem totam pinguem vt  
oleum à nemine vnquam fuisse visam, neque  
tale quidpiam scripsit in prognosticis Hippo-  
crates, sed in vrinis damnat, pinguedines su-  
pernatantes similes telis araneorum; tale  
quidpiam in pinguioribus iusculis refrigeren-  
tibus cernitur. Hæ semper supernatant, na-  
turam enim omne liquidum pingue habet, vt  
semper reliquis superfundatur.

Ista igitur pinguedo græcè dicta γράυς à  
quo non multum distat vulgare vocabulum  
grasso in sanis, sine vilo prauo signo apparet:  
quippe sanguis pinguem partem secum ha-  
bet, cuius aliquid simul cum sero sanguinis  
percolatur, saltem cum pingue hoc in sangui-  
ne abundat; propterea Galenus sanguinis  
per-

perfectè cocti in sanitate signum esse voluit  
 nubecula desuper tenuis; velut quod in sum-  
 mo lacte colligitur, aut quod in iure pingui  
 concreuit. Hanc autem partem sanguinis te-  
 nuem, & pinguem febris ardentis calor in bi-  
 lem mutat, vt Galenus ait, & nebula quæ in  
 sanitate aderat in febribus non adest.

G. 4. sanit.  
 tuend. c. 4.

G. 2. differ.  
 feb. e. 9.  
 2. Crif. c. 12.

H. 7. aph.  
 35.

Quod si adsit in febribus, considerare oportet ( quod sapienter Hippocrates considera-  
 uit ) an simul totum educatur, an verò paula-  
 tim: inquit enim *quibus insidens pingue, ac si-  
 mul totum, his renum vitium auctum significa-  
 tur*, Galenus hoc annotauit. In alijs, inquit  
 ille, partibus corporis adipēs colliquati pau-  
 latim, & non vniuersim cum vrina exeunt;  
 primū colliquatione recepta à venis illis vi-  
 cinis, deinde ab his quæ continuantur, & rur-  
 sus ab alijs donec ad renes perueniat. Adipis  
 verò circa renes colliquati transumptio ad  
 vrinas celerrima est, & non paulatim, sed si-  
 mul tota fit.

Sedimenta præterea in vrinis colliquatio-  
 nem indicantibus, sunt iudicanda. Id autem  
 In triplici differentia reperietis apud Hippo-  
 cratem, prima dicitur crinnodes, similis par-  
 tibus hordei crassioribus, quæ cum farina hor-  
 dei comparat, quæ exquisitam effugit in mo-  
 le triturationem, vt vult, Dioscorides, &  
 crassiorem farinæ partem esse dicit, siue ex  
 hordeo siue non. Hæc vnum duorum signi-

H. 2. prog.  
 tex. 28.

κρίμνους  
 δ' ες.

Diosc. lib.  
 2. c. 81.

Actuar. 2,  
de Iud. vri-  
n.c.10.

G. 1. cris. c.  
2.

Aut. lib. de  
vri.n.c.6.

ficat, aut sanguinis crassioris afflationem, aut  
carnium inæqualem colliquationem. Vbi san-  
guis affatur rubedinem contrahet sedimen-  
tum, vt Actuarius voluit; vbi carnes inæqua-  
liter colliquantur, aut exiguam, aut nullam.  
Hanc duplicis damni significationem habetis  
apud Galenum, tum in commento prognosti-  
ci, tum in opere de crisibus. Nisi quod in pro-  
gnostico dixit, *carnes inæqualiter colliquari;*  
*indè crisibus magnam pati colliquationem;* sed  
nulla est differentia; ea enim est magnitudo  
colliquationis, quæ ex hoc sedimento signi-  
ficatur, vt ad carnem tum recentem, tum ve-  
tutiorem perueniat. Ioannes Brauus inter  
crimonidem, & oroboidem, differentiam ali-  
quam constituit, & videtur velle oroboidem,  
quæ orobo, idest, eruo similis est, esse magis  
rubram, alteram vero nempe crimnodem il-  
lius comparatione posse dici albam. Verum  
quicquid ille dicat vtraque istarum eandem  
habet significationem: quippè Galenus crim-  
nodem (vt diximus) sanguinis, & carnis con-  
sumptione fieri dixit. Et idemmet oroboidem  
fieri ait sanguine crasso in renibus, aut hepate  
exusto. Et author libri de vrinis, cum caro  
colliquatur fieri, ait, hypostases oroboides.  
Ea tamen conditione, quam author illius li-  
belli ex Hippocrate sumpsit, vt vrinæ, si coctæ  
sint, vitium renum significant, sin' crudæ, to-  
tius corporis. Maior autem, aut minor co-  
loris

loris saturatio non conficit differentiam; neque enim in omnibus (quòd benè Galenus aduertit) aut sanguis exquisitè ruber sit, sed aliquando magis atrum, aliquando magis flavum. Hoc sedimentum crinnoden longitudinem morbi significare ait Hippocrates, quod non tollit exitiale esse signum, sed solum indicat, si æger saluandus sit, longo temporis spatio indigere, vt morbus finiatur.

G. 6. epid.  
sect. 1. com.  
6.

H. 7. aphor.  
31.

Altera species, seu differentia sedimenti colliquationem indicantis est squamosa seu laminea, latitudinem & longitudinem habens citra tamen evidentem altitudinem, atque ita appellatur, quòd foliorum, aut squamarum, aut laminarum instar, lata & tenuia existant. hæc, cum acuta febre solidæ corporis partes depascuntur. Ait Galenus quæ folia representant esse vasorum partes superficiales, quæ cõtabuuerunt. Vt cumque tamen sit, constat hanc præcedentibus deteriolem esse. Et quamuis Hippocrates has squamulas signum esse dicat vesicæ ulceratæ, in hoc eadem habenda est consideratio, quam diximus, in sedimento crinnode, quod cum vrinis coctis renum affectum significat, cum crudis totius corporis. Eodem modo Hippocrates ait si sanguinem, aut pus mingat, grauisque odor fuerit, vesicæ ulcerationem significat, Si igitur vesicæ fiant vitio, exeunt sine febre, cum vrinæ fetore, & coctione, & laborantis loci dolore. quæ verò totius corpo-

μετρίαν  
δυσ.

G. 1. cris. c.  
12.

H. 4. aph. 31.

*vis indicant affectum cum febre & urinarum cruditate iunguntur.*

Tertia species est furfuracea, dicitur etiam similacea, quoniam similæ, idest furfuris, ex tritico cribrati, specimen exhibet. fit autem ubi calor febrilis obsessa profunditate, longè, lateque solidarum partium substantiam exurit. Hæc sedimenta, licet squamulis sint angustiora, crassiora tamen sunt, & consumptio deterior est, quæ penetriora quam quæ extima tantum abradit. Hæc furfuracea significant vesicæ scabiem dicente Hippocrate. *Quibus in urina crassa furfuracea quædam exeunt, his vesica scabie laborat*, sed aduertite dictum *in urina crassa*, nempe in ea, quæ medio-criter crassa est, & subindè cocta, ut etiam hic superior consideratio locum habeat, videlicet, cum urina cocta, indicare vitium visicæ, cum cruda totius corporis.

Atquæ hæc sunt species sedimentorum consumptionem significantiū, in quibus, si Actuarium attentè legatis, aliquantulum ab Hippocrate, & Galeno discrepat. Sed omnia quæ ab his authoribus dicuntur possunt ita in ordinem reduci, ne ex varijs quæ scripta reperiuntur confusio oriatur.

Sedimē- tum cō- sumptio nem si-	Rubrū  inter- album	oroboi- de sādā rachoii- de ruffū	sanguinis cō- sumptionem signicat, & va- rijs isti colo- res
--	------------------------------	--	--



gnifi-  
cans& ru-  
brumres sūt profan-  
guinis varieta-  
te.crimno-  
desQuod est tam-  
quā farina hor-  
dei, quę effuge-  
rat trituram, si-  
gnificat sangui-  
nis & carnis cō-  
sumptionem.

Album

Laminarum significat su-  
perficiei externæ vasorum  
consumptionem, & est  
prauum; quia vasa sunt  
membra solida, quorum  
consumptio magnum in-  
dicat incendium. Furfu-  
raceum omnium pessimū,  
quā habet profunditatē,  
non est tenue sicut lami-  
neum, ac proinde signifi-  
car membrorum solido-  
rum maiorem consum-  
ptionem, ultra quod non  
datur nisi incineratio.

Sador etiam diaphoreticus colliquationis ἰδρῶς δια-  
est soboles, sitque διατλιῶν ἐκλίσιν idest per exo- φορηται -  
lutionem, & hunc sudorem inter colliquamen- κός.

3. Sympt.  
caus. c. 2.

ta collocat Galenus inquit *carnoso verò genere ita colliquato, tum venter fluxionem eius recipit, ubi scilicet ea est crassior, tum sudores multi superueniunt ubi in halitus est resoluta.* Atq; hæc cuncta simul de colliquatione scripsisse volui, ut quoties eius fiet mentio huc recurratis.

*Exercitatio de tenesmo.*

G. 7. aph.  
27.

H. lib. de  
affectioni-  
bus.

**T**Am Græci, quàm Latini, continuam desiderandi cupiditatem solent tenesmum appellare, ab ea (ut Galenus ait,) quæ fit in hoc affectu, tensione; Arabes si cum dolore fiat appellant Zair. Differt à dysenteria locoduntaxat: cum enim utrobique detur intestinorum ulceratio, in dysenteria ulcerantur omnia intestina, præter rectum, in tenesmo nullum præter rectum, ex hac ulceratione sequitur inanis excernendi voluntas, inanem dico, quoniam vel nihil excernitur, vel longè minus, quàm fit pro voluntatis impetu. Describit hunc affectum Hippocrates, inquit *tenesmus ubi apprehenderit secedit sanguis, ac mucus, & dolor fit in ventre inferiore, maxime ubi ad secessum deuenierit, & egerit bilem, & pituitam, ac sanguinem cōbustum* ab ipso Hippoc. exemplū sumpsit eius simia Cornelius, Celsus, qui ita ait, *In hoc æquè ac in torminibus frequens desiderandi cupiditas est, æquè dolor, ubi aliquid excerni-*

*cernitur, descendunt autem pituitæ mucis similes, interdum etiam leuiter subcruentæ.*

Igitur vt sub cruenta fiat deiection, necesse fit, vt adfit exulceratio, quam videtur supponere Galenus dum ait. *In tenesmo eandem habere causam, ac dispositionem, intestinum rectum quam in dysenteria ( sed in hac ) suscipit aliquod ex superioribus.* Imò manifestè alibi vlcerationem in tenesmo dari ait his verbis. *Est autem ex eodem, quo iam dicta dysentiora genere, & qui tenesmos dicitur, cum vlcus in recto intestino est factum.* Is cætera quidem symptomata infert dysenteriaæ similia, nixus tamen multo vehementiores. Ex his patet quàm immeritò, quidam Pereda reprehendat Altimarum, quòd dixerit, citra intestini vlcerationem fieri non posse tenesmum. Profectò melius Arabes, & Arabum sectatores diuidunt tenesmum in verum, & non verum; ita vt verum sit quem dicimus fieri vlceratione; non verum erit desidendi facultas, citra vlcus. In hoc mucus quidam viscosus eijcitur, sine cruore, & aliquando etiam nihil, nempe si tenesmus fiat ex simplici intemperie frigida offendente musculum Sphincterem, vt cõtingit ijs, qui supra lapidem, aut in herboso prato sedentes, circa illam partem refrigerantur.

G. 7. aph. cit.

3. Sympt. caus. c. 2.

Exercitatio de Inflammatione, &  
*erisypelate.*

G. de mor-  
 b. diff. c. 2.

Gal. ad  
 Glau. lib.  
 2. c. 1.

G. 13. me-  
 th. c. 2. 3.

Gal. 2. ad  
 Glau. c. 1.

**V**eteres ante Galenum, quendam veluti  
 feruorem in corporis partibus accen-  
 sum, sed rubescentem, ac renitentem, dolo-  
 rificumque tumorem inflammationis nomine  
 significabant, atque ita comprehendebant om-  
 nem tumorem à quacumque causa calida or-  
 tum ducentem, sic etiam Galenus aliquando  
 accipit, quando exquisitè loquitur *Inflamatio-  
 nem tamquam speciem, quæ retinet generis sui no-  
 men, sicut pleraque species retinere solent.* Si de  
 ea quæ genus est loquamur, communis om-  
 nium inflammationum, ait Galenus, genera-  
 tio ex sanguinis influxu est, copiosioris scili-  
 cet, quàm pars postulet. Si verò de ea aga-  
 mus, quæ sui generis nomen accipit, hæc, san-  
 guine optimo, ac mediocrem crassitudinem  
 habente, ad particulam aliquam vniuersim  
 fluente, atque ob multitudinem conculcato,  
 excitari voluit idem Galenus.

Cum verò sanguis influens calidus suffi-  
 cienter extiterit, & crassus, quodcumq; mem-  
 brorum subitò occupauerit, hoc comburendo  
 facit vlcus cum crusta, quicquid verò circum-  
 iacet, in inflammationem leuat, efferuescētem  
 grauitèrque dolentem, vocatur autem anthrax,  
 idest carbo istiusmodi passio. Cum verò san-  
 guis influens niger extiterit, crassusque sæculen-  
 tus,

tus, ac feruens, qualis, quem antea diximus: simul autē & sanies nonnullas tenues admixtas habuerit, pustulas quasdam per summa cutis excitat, similes ijs, quæ ex igne sunt, quibus disruptis crustosum sub ipsis vlcus inuenitur, hocque etiam carbo est.

Hæ sunt species sanguinis quidem boni, aut crassioris eiusdem partis, quæ adustione sunt; cæterum cum ex sanguinis ardore, rectius dicam, corruptione, non solum partes manent crassæ adultæ, sed tenues etiam, quæ biliosæ vocantur, ex his biliosis, aliæ sunt species inflammationum. Flaua igitur bilis per totum corpus diffusa icteritiam gignit, in aliquo autem membro consistens herpetem. Si autem bilis sincera sit, & suo ichore priuata herpetem gignit exedentem; altera verò herpetem miliarem, quia pustulas habet paruas granis milij similes.

Quod si ex sanguine, & flaua bile calidioribus quam oporteat mixta fluxio fuerit, vel ex sanguine quidem, sed tenuissimo secundum substantiam, Erysipelas, passio ista vocatur, multò quidem inflammatione calidior, magisque colorem flauum representans. Hæc fere omnia ex Galeno ad Glauconem transcribere libuit; ex quibus solum memoriæ mandatis velim. *Inflammationem in suo stricto, & proprio significato fieri ex sanguine, qui, quāuis sit calidior quàm in sanitate, non Dum tamen formam*

san-

H.5.aph.  
43.

*sanguinis amisit*. Ex sanguine verò adhuc calidiore & bile perfuso, vel ex sanguine solum tenuissimo fieri Erysipelata nemini obscurum arbitror vnde quando Hippocrates ait *si mulieri gruida in utero fiat Erysipelas lethale*. Dubitat hic Galenus, an idē possit euenire, si accidat, ea, quæ proprio nomine dicitur inflammatio, quasi de Erysipelate non dubitans infelicem euentum, de inflammatione verò dubitans? quia inflammatio mitior est, quàm erysipelas, mitior inquam, comparatiuè, nam & ipsa est valdè periculosa.

Patet ex his quæ dicta sunt, inflammationis causam efficientem esse calorem, materiale verò sanguinem, si enim de causa proxima sermo sit, vbi sanguis influxus, & impactus, syncerus, & purus sit, exquisita oritur inflammatio, siue phlegmon; si nō syncerus, sed aliorum humorum particeps, phlegmon spurium & non exquisitum sit, & dū ei miscetur bilis vocatur phlegmon Erysipelatodes, si pituita ædematodes, si melancholia scirrholes. Si verò istorum humorum aliquis præualet, ab eo fit denominatio, vt Erysipelas phlegmonodes, ædema phlegmonodes, scirrhus phlegmonodes.

Causa antecedens, est sanguis auctus & excaustus in aliqua parte, vnde transmittitur, vel, quod frequentius est, ex vniuerso corpore, vt in plethorico affectu: dum enim venæ sanguine

guine immoderatè replentur, cogitur natura sanguinem, veluti quid superfluum ad partem aliquam vel laxam, & imbecillam, vel plus iusto excafactam, vel dolore affectam effundere. Porro, cum materia inflammationis sit sanguis copiosior, quàm pars postulet, quem Galenus ait, influere, alijs particulis, aliquando mittentibus, atque ea quæ phlegmone laborare incipit, recipiente: aliquando particula quæ affligitur hunc ad se trahente. Partes quæ mittunt aliàs, vt copia superuacuum, vel vt qualitate molestum, aliàs vtroque homine, succum propellunt: quæ attrahunt, ea morbofo calore trahunt. Porro in doloribus incipit quidem causa ab eo, quod affligitur, sed quicquid est, phlegmonis superpositæ partes efficiunt.

Gal. 13. me  
th. c. 13. c. 13.

Modus autem, quo fit inflammatio eleganter describitur à Galeno, quippè *sanguinea calida vè fluxio, vbi in muscolum, aut aliam partem procubuit, primum maiores arteriæ, venæq; opplentur, aut distenduntur, ab ijs verò minores, atq; ita res procedit, donec ad minimas sit peruentum. In ijs vbi valenter impacta fluxio est, nec amplius contineri potest, partim eius per ipsarum ora, partim per tunicas colatum foras transmittitur: tum verò spatia ipsa vacua, quæ inter prima sunt corpora, fluxione implentur.*

G de inæq;  
intemper.  
c. 3.

Symptomata, quæ plegmonen comitantur sunt rubor, quasi qui ex balneis aduenit, aut ex igne, aut quouis alio modo calefactis: calor

vehement.

vehemens, adeò vt æger comburi videatur, & refrigerari desideret. Venæ quæ priùs latebant, intumescunt & conspiciuntur, fiuntque rubræ, atque aliquantulum nigræ, quia tunc temporis sanguis non valdè nigrescit. tensio sentitur, non solum tactu, quippè etiam pars interior inflammata tenditur, & in ea æger de tensione quæritur, sed etiam alia ratione. Pulsatio etiam adest, sed non semper, nam membranas, Galenus ait, vt quibus nullæ sunt arteriæ, non pulsare, rationi consentaneum est, quemadmodum neque cutem, etiam si vehemens adsit inflammatio: atq; eadem ratione neque adenes, quibus nullæ sunt arteriæ: sed huiusmodi partes, cum inflammatae sunt, vnicò tantum doloris modo vexantur, nempe extensionis; quippè huiusmodi doloris species à nullo sentientium corporum, in inflammatorijs dispositionibus, separari potest. Proindè rectè dixerunt omnes ferè medici, quod inflàmatis partibus accidit, vt rubescant, tendantur, renitantur, intumescant, & doleant. Verùm non omnibus, sed his duntaxat accidit pulsus, quæ arterias habent notatu dignas, & partem sensu præditam, aut, vbi ad notabilem magnitudinem inflammatio attollitur: tunc enim pulsatorium dolorem sentiūt laborantes, vel nullo existente sensibili vase, in affecto corpore.

Sed iam ad Erysipelas deuenio, quod ignis facer etiam appellatur, licet Celsus ignem sa-



crum separet ab Erysipelate. Hoc ex Galeno fieri dixi, vel ex sanguine ex bile calidioribus, quàm oportet, vel ex sanguine tenuissimo. Ex quo, liquet Erysipelas, si ex sanguine fiat tenuissimo, sola materiæ tenuitate à phlegmone differre, si ex bile & sanguine, esse phlegmon compositum, non verò Erysipelas. Hoc tamen longè aliter se habet, nam tùm sanguis, qui cum bile mixtus efficit Erysipelas, tùm sanguis tenuissimus, ex quo solo Erysipelas efficitur; est potiùs (ita Galeno se explicante, in libro de tumoribus præternaturam) sanguinis ichor, quem (vt idem Galenus alibi ait) bilem rubram appellant medici, quàm verus sanguis: fit namque ex vero sanguine dùm propter excessum caloris funditur, attenuatur, & fibris priuatur. Itaque cum Galenus, ex tenuissimo sanguine, Erysipelas fieri dicit, in libro ad Glauconem, intelligite Erysipelas ex ichore sanguinis, estq; exquisitum Erysipelas; cum verò ibidem ex sanguine & bile calidioribus quàm oportet, Erysipelas dicit, accipite ex eodem ichore moderante bilis acrimoniã. Fit etiam Erysipelas ex bile pallida, pallidam dico, quæ sero multo est diluta, ac proinde minùs calida quàm flaua, sic Galenus sæpiissime Erysipelas biliosum tumorem solet appellare, & hoc Erysipelas biliosum aliquãdo cum herpete non exedente, confundit. ita varijs modis loquutus in eas nos angustias detrudit,

G. de tum.  
præternatur.  
c.9.

G.6. epid.  
sect.5.com.  
14.

G. 14. met.  
c.2.

G. 14. met.  
c. 3. & 2. ad  
Glauc. c. 2.

ut quæ eius fuerit sententia, magis diuinare  
quàm cognoscere possimus: neque enim vn-  
quam se de hoc, aut de illo Erysipelate loqui  
declarat, quod saltem facere debuisset, quan-  
do omninò in Erysipelate sanguinis missione  
prohibet, quæ quidem, ut in merè bilioso non  
conuenit, ita in alio quod ex sanguine tenuis-  
simo fit, aut in bile sanguini feruentissimo ad-  
mixta, rectè administratur. Imò verò, cum ex  
sanguine per vltiorem excalfactionem fiat  
bilis semper (etiam in Erysipelate bilioso)  
parca sanguinis missio conferre poterit velu-  
ti refrigerans auxilium; neque verò, si parcè  
sanguis mittatur, timere possumus, bilem red-  
di, sine fræno. nam satis adhuc sanguinis, &  
magis refrigerati relinquitur à quo bilis queat  
refrenari.

*Exercitatio de paraphrenitide ex consensu  
diaphragmatis.*

**P**hrenitis inflammatio est cerebri, aut  
membranarum eius; Vtrum verò inflam-  
mationis nomine phlogosin, hoc est, flammeā  
dispositionem, an abscessum necessariò sit ac-  
cipiendum, & de alijs ad phrenitidis naturam  
spectantibus, alibi pertractandi occasio dabi-  
tur. Nunc eam à paraphrenitide distinguere  
duntaxat est animus; distinguitur autem, quia  
phrenitidis est affectus iam incerebro, aut

mem-

membranis factus, licet prius per consensum inceperit; ita, ut, licet prius per sympathiam sit exorta, non dicatur tamen phrenitis, nisi postquam iam est per idiopathiam. At paraphrenitis per consensum duntaxat est, & delirium appellatur.

Dignoscitur phrenitis à delirio, seu paraphrenitide inprimis ferocitate, quippè ut Galenus ait, quæ calidis febribus sunt desipientiæ ferocitatem non habent, sicut phreniticis appellatis id inest. Cuius rei hæc potest afferri ratio, quò maior adustio in contentis cerebri adest, eo maior sit furor, in phrenitide autem vera, maiorem patitur adustionem humor in cerebro existens, quàm sit calor fuliginum illuc ascendentium. Secundo, discernere possumus phrenitidem à paraphrenitide, perpetuitate delirii, quippè in phrenitide delirium est continuum, in paraphrenitide non item, sed in augmento febris delirium accedit, quando vero remittitur calor, remittitur etiam, aut tollitur deliratio id quod Galenus confirmat.

Cæterum hoc signum non est infallibile; quamvis aliquis possit dicere, in febre continua, licet febris semper adsit, non tamen semper tanta adest fuliginum, aut caloris transmissio ad caput, quanta sufficiat ad concitandum delirium potissimum in declinatione, in qua adest quidem febrilis calor, nec deest ascensus fuliginum; nihilominus tamen paucitas facit,

G. 1. prior.  
rh. com. 25.

G. 5. loc. af.  
f. c. 3. & 2.  
eiusd. c. 16.

vt æger non cogatur delirare: quamuis, inquam, hoc sit verum, nihilominus possunt aliquando, vel in ipsa declinatione febris, fuligines non solum moueri per ambitum corporis; sed etiam ad caput, & tunc non remittetur delirium, licet febris remittatur.

Respondet; hoc non tollere quominus dicamus delirium paraphrenitidis remitti ad remissionem febris, nam in eo casu, cum scilicet multæ fuligines calidæ etiam in remissione febris remittuntur ad caput, non dicitur febris in cerebro remissa, sicut neque calor. Sed nimis latè febris nomine vult uti, vt scilicet febres appellet intemperantias calidas cuiuslibet membri. At cum simpliciter & sine addito febrem dicimus, eam intelligimus, quæ procedit à corde. Et sic remisso hoc vniuersali affectu licet cerebrum adhuc suam caliditatem seruet semper dicitur febris remitti. Deinde si ista expositio reciperetur, quæ nam differentia esset inter veram phrenitidem & paraphrenitidem? non ne etiam phreniticorum febres tertianarias habent exacerbationes? maximè fiunt quippè à bilioso humore. Iam ergo in vera phrenitide erit febris remissa, & delirium dicetur remanere propter calorem remanentem in cerebro, quod quidem verum est, & si eodem modo dicetur de paraphrenitide nulla erit inter vtramque differentia. Sed pergo vltcrius & in mentem reuoco, febres

febres continentes non ne istæ possunt esse cum delirio? & tamen non sequuntur remissionem febris, quia in continentibus nulla datur remissio. Hac ratione conuictus ille confugit ad alia signa, quæ simul esse debent, vel ut est ferocitas, de qua superius diximus.

Est tamen quod eum arguam, qui cum fateatur delirium posse aliquando, licet à febre pendeat, esse continuum, unde cogimur ex alijs quærere an sit vera phrenitis, nihilominus delirium ex inflammatione septi transversæ, quod continuum esse omnes admittunt, ille negat. Pendere à febre, ait ille, & non esse veram phrenitidē ex alijs signis cognosci. cur ita? nempe quia febris potest esse continens, quæ nō habeat remissionem secundum quā etiam delirium remittatur. At si quæram, cur in febre, quæ non remittitur, non remittitur etiam delirium, necessario respondebit, quia non remittitur etiam multitudo fuliginū, aut caloris. At dicam ego, non ne potest dari inflammatio in aliqua parte, quæ propter aliquas conditiones, siue manifestas, siue occultas tantum habeat cum cerebro commercium, ut nunquam desinat fuligines satis multas illuc transmittere? Certè ille occultam analogiam inter septum & cerebrum, vel non negat, vel saltem impugnari nō posse fatetur. Cur igitur non potest delirium ex septo transverso esse perpetuum, & hoc habere parti-

culare membrum illud, quod autogenum id est sui generis esse omnes norunt.

Argumentatur ille sic; sympathia inter duo membra vel fit, quia ex vno in aliud transmittitur id, quod non oportet, vel quia non transmittuntur fuligines, vel & præter hos duos modos non datur alius, fit ergo quia transmittuntur fuligines, vel calor: at ista duo siue à septo proueniant, siue ab alia quacumque parte eiusdem naturæ sunt. Duo tamen hic inuoluit omninò reiicienda, videlicet præter duos sympathiæ modos nullum alium dari, & fuligines, aut calorem ex quocumq; membro transmittantur, eiusdem naturæ esse.

Quod attinet ad primum præter duos prædictos sympathiæ modos alios conuenit statuere. Sabinus referente Galeno tres modos afferbat; fit namque consensus, vel propter viciniam, vel propter familiaritatem generis, vel propter familiaritatem operis. Generis ut quando neruosum cum neruoso, arteriosum cum arterioso consentit; operis ut mammæ, & thorax partibus genitalibus. Ego ex vniuersa Hippocratis & Galeni doctrina quatuor modos aliter reperiō, vnum per communitatem vasorum, ut vterus, qui neruorum arteriarumque myriadibus cum cerebro & corde colligatur, alterum propter continuitatem partium, sic labrum tremens vomitiones antecedit, & ventriculi ore vitia-

G. 7. epid.  
sect. 1. 2 gr.

to accidit in lingua prauus sapor, & balbi alui profluvio maxime capiuntur. hæc inquam omnia accidunt propter continuitatem vnius tunicæ labra, linguam, palatum, esophagum, ventriculum, intestina, vestientis. Tertium propter rectitudinem tantopere ab Hippocrate celebratam; ideo ex iecoris affectu sanguis ex dextra nare egreditur: ex sinistra propter lienem, sic etiam hemicranæ vniuscuiusque partis capitis ad suum viscus sibi recto tramite respondens refertur. Quartum propter occultam, quandam analogiam, quam impugnare quidem nemo potest, fateri autem vel inuitus ex effectibus tenetur. Hoc maxime contagio indicari videtur: nec enim est cur ad morbosum corporis apparatus confugiatis, nam accidit multoties eos affici, quibus corpus est valde purum, impura autem corpora non ita, forsitan ad maiorem resistentiam id referetis, sed robustiora corpora valentius afficiuntur; quid ergo ista resistendi vis iuuat. Quare necessarium est, vt aliquid occultum esse posse inter duo corpora fateamur, neque pudeat aliquando ad qualitates occultas confugere, sicut enim semper ad eas se recipere philosophum, tamquam ad ignorantiaæ asylum, turpe quidem est, sic eas omnino velle fugare temerarium valde.

Sed videamus quid Galenus senserit. Sane manifeste delirium ex septo transverso per-

Gal. 5. lec.  
affect. c. 3.

petuum dicit, his verbis. *Ab aliarum vero partium nulla perpetuum delirium procedit, dempto solo septo transuerso; cuius vitio excitatum delirium parum à continuo distat, adeo ut veteres putauerint hac parte inflammatione affecta, homines phreneticos euadere.* Sic ille. cæterum cum delirium ex septo parum à continuo distare dicat, scrupulum ingessit Carrero, ne forsitan existimauerit habere quidem interruptum delirium, eos qui propter septum transuersum inflammatum delirant, sed proximum continuo. Vallesius illud parum expungendum esse censet. Ego expungendum non censeo, sed dicendum, delirium à septo transuerso parum distare a phrenitide, quam vocat delirium continuum, quoniam principaliter continuum est, quippè habet causam in cerebro existentem, parum inquam distare à phrenitide, quoniam licet delirij continuitas quodammodo conuenire videatur, nihilominus in alijs non conueniunt, ut in respiratione, quæ in phrenitide est rara, & magna, in delirio ex septo transuerso inæqualis, nempe si excedat delirium, magnitudini & raritati magis proxima, si delirium superet, magis affinis frequentia, si equaliter, utrumq; malum vrgeat, modo hanc, modo illam profert differentiam. Differt etiam delirium septi transuersi à phrenitide, quia cum hypochondrij retractione propter inflammationem fit, in phrenitide

autem



autem nil tale accidit .

Item 4. de prælag. ex puls. agens de inflammatione septi transuerfi, ait, *hi delirabunt necessario pulsumque habebunt insigniter durum, itaque etiam paruum*. Sic ille. Si igitur necessario, ergo perpetuo. Erit tamen qui dicat, necessarium & perpetuum esse, vt ex iecoris inflammatione delirium fiat, sed quod nam delirium? non quidem continuum. Verum si legatis verba, quæ in fine capitis scripta sunt, vos, ab omni dubio liberabunt. Cum enim parem in omnibus faciat pleuritidem cum inflammatione septi; adiungit, pleuriticos minus quam quibus inflammatum est septum transuersum, delirare. Vnde colligeris delirium pleuritidis esse minus, hoc est minus continuum; in hoc namque magnitudo aut paruitas delirii spectatur. Non est ergo dubitandum in doctrina Galeni, septi transuerfi inflammationem cum delirio continuo accidere, & in hoc cum vera phrenitide convenire, licet in alijs ab ea discrepet. Hoc persuasit nonnullos, vt delirium septi transuerfi occasione factum; non vt alia deliria paraphrenitidem appellari, sed peculiari quodam vocabulo pseudophrenitidem; in quo non est immorandum, in assis enim est de nomine controuersia.

G. 4. de  
prælag. ex  
puls. c. 5.

## Exercitatio de phrenitide.

**Q**uoniam phrenitis est cerebri inflammatio, sunt aliqui, quibus placet inflammationis nomine cum ijs, qui Galeno fuerunt antiquiores in hoc casu, phlogosin intelligere, ita ut sufficiat ardor sanguinis, qui in venis, & arterijs per meninges, & cerebrum dispersis continetur, ut eueniat delirium continuum, quod simul cum febre, est signum pathognomonicum phrenitidis. Alij nisi humor, siue sit sanguineus, siue biliosus, abscessum, hoc est tumorem præternaturam faciat, non admittunt appellari phrenitidem. Verum quidem est priores illos, qui non necessario tumorem requirunt, non simplicem phlogosin ad phrenitidem inducendam admittere, sed cum putredine, ita tamen, ut, licet non faciat abscessum, possit facere phrenitidem. Dicunt isti, in quorum numero est Carrerus, pluribus modis posse humorem in cerebro, meningibusque esse sine tumore. Primo per irrigationem, & tunc humor erit in superficie contentus. Secundo si humor iam sit non in superficie, sed intra poros substantiæ cerebri, absque eo, quod tanta sit quantitas, ut possit distendere, & tumorem excitare, solumque sit ea quantitas, quæ occupet poros secundum eam distantiam, quam habent latera ex propria natura. Vterque modus colligitur ex Galeno, qui hunc se-

eundum; appellat desipientiam hecticam, & comparat eam, lanis quæ nimis sunt colore imbutæ à tinctoribus, ac vix eluibiles. Tertio si in vasis tenuis meningis cōtineatur humor, ibique putredinem subeat. His tribus modis posse aiunt phrenitidem fieri citra tumorem præter naturam.

Cæterum quoniam mihi opposita sententia verior videtur, antequam suis constituam fundamentis, hos tres modos iuanes esse, & à Galeni mente prorsus alienos monstrabo. Ecce quod attinet ad primum modum; Galenus declarans progressum humoris, à quo fiunt phrenitides, ita incipit *Phrenitide igitur ipsa, ex bilioso succo generationem habente, cum is in cerebrum decubuerit, principio quidem qualitate ipsius, nondum toti cerebri corpori permixta, tumultuose fiunt desipientie.* Ex his Galeni verbis, quid aliud colligere potestis, quam bilis delapsu in cerebro fieri tumultuosas desipientias, hoc est deliria ob calidam scilicet dispositionem cerebri, ideo ait *qualitate ipsius*, quasi dicat, fieri à caliditate bilis phlogosim cerebri, quæ dispositio quædam sit, postea qualitate magis radicata fit calor habitualis, & hunc vocat desipientiam hecticam, hæc autem tanta caloris immersio, quam ille tinctura lanarum comparat, non video quomodo possit fieri ex sola simplice alteratione, nisi aliud addatur. Ad hoc respondet non fieri à simplice alteratione.

ratione, sed à putredine, verumtamen humorem putrescentem, & in cerebrum delapsum non esse tantum, qui possit cerebrum distendere, & tumorem excitare; sed esse solum ea quantitate, quæ occupet poros secundum eorum naturalem amplitudinem. At miraculum quidem est humorem putrescentem, effusum, seu potius expulsum, nec à natura regulatum posse ita commodè per omnes meatus, per omnem cerebri molem distribui, et non magis in unam, quam in aliam partem inclinet.

Tertius etiam modus non est aptus efficere phrenitidem, cum scilicet humores biliaci in meningibus continentur, ibique putredinem subeunt. Nam si ebullitio, & putredo non tanta est, quæ humores alias frequentissimos in aliquam partem extra venas effundat; si rursus calor in cerebro præter naturam contrahitur non est tantus, qui possit humorem istum extra venas ad se trahere, profectò nondum causa est sufficiens ad phrenitidem excitandam. Si verò dicatis in causone humores intra venas vehementer ebullire, ac putrescere, & corpus validè incalescere; neque tamen propterea bilem extra venas effluere, hoc ego negabo, effluit quidem, alias neque fuit, neque lingua tinctura, neque tinctura: facum bilem attestarentur, & aliquando, imò vtro pluries, hæc bilis effusa inflammationem internam parit, & hinc est, quod ratò, sine interea inflam-

inflammatione, fiunt febres ardentes (inflammationis nomine (etiam Erysipelas comprehendendo) quod si interdum non fit inflammatio, id propterea accidit, quod bilis non in vno loco colligitur, sed per plura dispergitur.

Denique Galenus hæc præuidens se declaravit inquiens. *Sin autem in cerebrum, eiusque membranas sit impacta bilis phrenitides inducit, verum prius quam inhaere scat, perfluens venas in his sitas, non phrenitides, cæterum quæ in vigoribus sunt febrium deliria efficit.* Quid clarius dici poterat ad ostendendam differentiam inter delirium & phrenitidem? ut sit delirium ex calore bilis per cerebri substantiam sparsæ, phrenitis autem ex eadem adhærente, ad hæ-  
rere autem nequit, quin excitet erysipelas. quis enim imaginatione concipiet bilem effusam, & alicui membro inhaerentem, simulque putredine efferuescentem, quæ erysipelas non faciat?

Respondet ad hanc Galeni auctoritatem, bilem, prius quam inhaere scat, non dici quasi, prius quam faciat tumorem, sed, prius quam sit per modum permanentis, oportet enim esse impactam bilem, ut dicit Galenus, quæ verba independentiam significant ab alio affectu, quibus opponitur non inhaerere. Cæterum cæcus iste non videt, non posse bilem putrescentem inhaerere, quin faciat erysipelas. Omitto alias subtilitates quibus se tueri conatur, ne videar

G. I. epid.  
sect. 2. c. 6.  
73.

videar in eius naniis incidere. Vniuersa eius ratio consistit in eo, quod citra cerebri inflammationem possunt dari signa pathognomonica phrenitidis, nempe delirium continuum cum febre. Sed oporteret probasse hæc esse pathognomonica signa phrenitidis, pathognomonica signa sunt, quæ conueniunt omni soli, & semper, ita vt si alteri conueniant, vel non omni, vel non semper non erunt pathognomonica. Da mihi melancholicum febrile nunquid hoc est impossibile? minimè. At tunc erit delirium continuum cum febre, quamuis autem melancholicus affectus definiatur delirium sine febre, tamen non est vera definitio; sed quædam descriptio, quæ ponitur id in quo differt melancholia à phrenitide, scilicet quod melancholia possit esse sine febre, non autem phrenitis. hoc tamen non tollit posse melancholia febrem habere adiunctam.

Longe melius videtur dicendum, non posse phrenitidem fieri citra cerebri, aut membranarum eius abscessum: est enim morbi genus (vt inquit Galenus) toto genere exitiale, non tamen ita esse si citra inflammationem confiteretur. Nec valet Carreri responsio esse scilicet exitiale, quia est in membro principe, non valet inquam, nam etiam in membro principe possunt esse morbi non exitiales, quippe in cerebro sunt etiam catarrhales dispositiones neque

neque sunt lethales. Præterea ex eodem Galeno phrenitis non tantum à calidis succis habet ortum, sed & supra id phlegmonem in cerebro, & eius inuolucris excitat. Responde ille Galenum tradere causam & morbum, causa est calidus humor, morbus est ardor siue intemperies, & ita vtrumque coniungens dixit, non solum ex calidis succis habere ortum, sed excitare phlegmonem, idest ardorem, & distemperiem calidam in parte. O fatuam interpretationem, quæ dupliciter à verò toto cælo aberrat. Primo quia statuit humorem calidum esse causam calidæ intemperiei, cum tamen nihil prohibeat multoties calidam intemperiem esse causam cur humor incalescat, & alias etiam vtrum non esse causam alterius, nam cum distinguimus nudam intemperiem ab intemperie cum materia, dicimus intemperiem cum materia simul, sed non dicimus vnum esse causam alterius. Præterea si ibi agit de solo symptomate, hoc est delirio ad delirium efficiendum sufficit, calida intemperies, si loquitur de phrenitide morbo, ad morbum constituendum, non oportet dicere quod concurrat & morbus & causa morbi: quippè erit nugatio, dicit igitur phrenitidem, vt morbus est, constare ex alia causa maiore quàm constet paraphrenitis, nam paraphrenitis & phrenitis possunt in symptomate conuenire, vtrumque est delirium, vtrumque potest

G. 2. caus.  
symp. c. ult.

potest esse continuum, quid ni? cæterum paraphrenitis ita est continuum delirium, ut possit non esse continuum: In phrenitide non ita sed semper est continuum. In causâ non conueniunt, nam paraphrenitis fit ab intemperie nuda, phrenitis ab intemperie cum humore abscessum faciente.

Quod autem sit phrenitis cum inflammatione ostendit eius pulsus, qui iuxta Galeni sententiam, & verissimum experimentum, est durus, & talis non esset, nisi adesset inflammatio. Respondet, Pulsum durum fieri in phrenitide non omni, verum in ea, quæ cum inflammatione fit, assertque Auicennam dicentem & ipsorum pulsus sunt duri propter essentiam aposthematis in membro nervoso duro. Adiungit etiam, non esse verum, pulsum durum requirere necessariò tumorem præternaturam: siquidem ex calore & siccitate possunt pulsus tales provenire, quod Galenus velle videtur dum ait. *Si vero non solum sit calidius, sed & siccus præternaturam, statim utique etiam, meninx ipsa tenuis, quæ tegit cerebrum, in eadem venit affectionem, unâque cum illa cunctinerui, atque arteriæ pulsus duriores facient, quod eorum tunica contendatur, atque desiccetur.* Ego vero persisto pulsus durum esse perpetuum socium phrenitidis, neque vlla est, quæ tali careat pulsu quemadmodum, & pleuritis, & peripneumonia. Galenus ad  
siccita-

G. 4. cant.  
puls. c. 14.

G. 4. præf.  
expuls. c. 8.



ficcitatem meningis hoc iure optimo retulit, sed tanta ficcitas cum calore, quæ pulsibus duritiem afferat non nisi in inflammationibus contingit. Sed de his satis.

*Exercitatio de rigore.*

**E**Xtra aream medicam Latinæ loquutionis proceres *rigere*, accipiant pro *indurari*, sic Virgilius, *vestesque rigescunt*, ubi Servius *durantur, ut frangi potius, quàm scindi posse videntur*, Liuius & Martialis *rigentes*, oculos appellant, qui non circumaguntur. Quintilianus corpus nullo modo flexum *rigidum*, nuncupat. Hæc Quintiliani phrasis vobis poterit in mentem adducere speciem conuulsionis in qua collum nec ad anteriora nec ad posteriora flecti potest & vocatur *τέτανος*, in hoc affectu collum *rigere*, dici potest, imò ita Celsus appellat & similiter quodlibet membrum ob conuulsionem inflexibile redditum, si rigidum dicatis etiam intra medicos fines tolerabilis est loquendi modus. Cæterum conuulsionem non libens appellarem rigorem, (quamvis autem de vocabulis quæstio non sit habenda) oportet, nihilominus, aliquando vocabulorum curam gerere, ne in doctrina oriatur confusio. Celsus ubicumque apud Hippocratem, se se offert *πῆμα* transtulit horrorem. Verum maioris momenti est Galeni authoritas, apud

Virgil. 2.  
Georg.

G. 2. sum-  
pt. ca. 5. 10.  
met. c. 4.

E quem

G. ad Glā.  
lib. i. c. 5.

quem rigor nomen græcum fere retinens, & horror iuxta magis & minus differunt, differre dico, si rigor in suo rigore, hoc est exactissime accipiatur, nam alias apud eundem Galenum late sumitur rigoris vocabulū vt etiam horrorem comprehendat e.g. ad Glauconem dum loquitur de tertianæ rigore ita ait rigor autem veluti si à re aliqua acuta magis quam frigida, cutis pungeretur: cum hi qui quartanam, aut quotidianam patiuntur potius frigidum rigorem sentiant, appellauit rigorem, sed addidit frigidum, ad differentiam rigoris exquisiti, qui sensum infert magis rei pungentis quam frigida, & alibi, rigorem tertianæ & quartanæ similiter adistinguens, ait, & ob eam rem præcedens eas rigor nequaquam similis est, sed in tertiana quasi pungens, ac vulnerans sensum, efficien-tem causam iudicat? in quartana autem quasi refrigerans.

G. 1. diff.  
feb. c. 1.

G. 2. sym.  
pr. caus. ca.  
5.

Externæ causæ, & internæ rigorem pariunt; tam hæ, quam illæ possunt esse aut calidæ, aut frigida, vt Galenus ait. Ab externis causis frigidis rigor fit, vti si quis frigida aqua per corpus aspergatur, aut in frigida aquæ labrum mittatur, aut corpore nudo aëri frigido exponatur. A calidis, vt si acre medicamentum vlceri imponatur, aut feruentem aquam quis super inijciat aut ignis scintille incutiantur, atque hæc de externis causis. Rigor autem qui ab internis accidit & ab Hippocrate πυρος νοσ-

ρὸν καὶ ῥίγαν αὐτομάτως i. rigor morbosus aliquando autem ῥίγος αὐτόματος, idest spontaneus appellatur. causam habet etiam vel calidam, vel frigidam; calidam nempe biliosum humorem; frigidam, scilicet pituitam illam, quam Praxagoras vitream appellauit: quamuis idē Galenus 2. de caus. symptomatum exquisitē loqui volens pituitam istam magis horroris, quam rigoris causam statuit.

Sed iam ad rigoris naturam & causas magis accedamus, & rigorem cum Galeno dicamus esse inæqualem totius corporis concussionem, & conuulsionem. Differt autem hic motus à motu concussionis, palpitationis, & tremoris, quia non est totus præternaturam, vt conuulsio & palpitatio, sed fit & à causa præternaturam irritante, & à natura se se exonerare tentante, nec pertinet ad facultatem animalem veluti tremor, sed ad naturalem expultricem. Hinc iam intelligatis ad rigorem efficiendum cōcurrere causam vnā naturalem, nempe vim expultricem, alteram præternaturam, hoc est celer motus rodentium excrementorum. Dixi celerem motum, vt insinuem rigores à delatione biliosi humoris semper fieri, cuius est proprium velociter moueri non à pituitosis, qui motiones habent tardiores: quippè frigidi succi nec impetum inferre, nec celeriter moueri ob substantiæ lentorem, & crassitudinem queunt, nec præ-

C. 5.

G. I. symptom.  
pt. caus. ca.  
vlt. 10. meth.  
c. 4.

G. 5. aph.  
20.

terea non ita ut biliosi mordent, quia (ut Galenus testatur) si proprie utamur vocabulo calidum mordax est, sensus autem similitudine frigidum mordax vocatur.

G. 10. met.  
cap. 4. & 3.  
c. 11.

Exigitur autem in rigore celer motus, impetus humoris, mordacitas eiusdem, & alia quæ habetis apud Galenum in methodo concussio quidem illa succedit propter eorum, quæ feruntur, excrementorum, cum multitudinem, tum acrimoniam, tum impetus celeritatem, tum laborantis virium infirmitatem. Nam & quæ multa paucis & quæ qualitate sunt insigni, ipsæ quæ ita non sunt, mordent magis: pari modo & quæ cum celeritate feruntur, ipsæ quæ tarde. Iam vires ubi valentes sunt omnia contemnunt, ubi infirmæ sunt reddunt, à quovis offenduntur. Horror fiet, ubi & qualitas eorum, & impetus velocitas est remissa, tum copia minor, ac potentissimum cum vires tristanti obsistunt. Hactenus Galenus; ex cuius verbis addiscite, quo motus humorum, vaporumque fuerit validior celeriorque & natura mordacior, eo concussiones fore vehementiores. Quare Avicenna, inquiens, de causis vehementis rigoris est vehementia virtutis expulsiuæ, in lacertis, & propter illud quanto est causa rigoris viscosior, vel est emendandus iuxta marginalem correctionem, & ubi habet viscosior dicendum mordacior, vel omnino reiiciendus simul cum Averroë, qui ex frigore maiores rigores fieri existimat,

Avic. 1. 47.  
tract. 2. c. 6.

Auer. 3.  
coll. 20.

stimat, tum quia ex frigido aëre non ex calido rigemus, tum etiam quia rigor fit contractione caloris, calori autem magis frigus, quam calor opponitur. Sed sophismata sunt hæc Auerroi valde familiaria. Nam aëris frigiditas est externa rigoris causa, nos loquimur de internis, quamvis autem innato calori magis oppositum sit frigus quam calor, nihilominus in corpore viuento non potest dari frigiditas tanta quæ rigere faciat. Neque vero vnquam pituitosus succus rigoris causa erit nisi sit pituita, quam Praxagoras vitream appellauit, vtpote quæ mordax est, aut alia quæuis putrescens, quæ licet potentia sit frigida, tamen putredine calorem præternaturam actu habet.

Feruntur ergo per membra sentientia vapores, aut humores qui concussionis sunt causa. Vapores nequimò maximè. Mordentem halitum, & succum vbi per sensibilia corpora fertur horrorem rigoremvè excitare dixit Galenus, dixit mordentem halitum, & succum, non vtrumque simul, sed alterum eorum; multoties enim particula, &, disiunctiua est non coniunctiua, & flatuosam substantiam per se solam rigorem posse efficere, testantur Hippocrates & Galenus, quamvis autem Galenus multoties bilem delatam per habitum corpus rigoris causam statuatur, & rigore dicat naturā à biliosis excrementis exonerari, nihi-

G. 10. met.  
c. 4.

H. lib. de  
flat. Gal. 2.  
symp. cauf.  
c. 5.

Iominus non negaret, putridas etiam fuligines rigoris causam esse, quod verum esse patet in suppurationibus siquidem ab acrimonia puris acres fuligines eleuatæ rigorem efficiunt. Feruntur, inquam, hæc acria excrementa per membra sentientia, hoc est per nervosum, musculosumque genus. Nam cum (vti diximus) rigor sequatur celerem motum acrium humorum, & humoris intra venas reclusi (si non rigeant) non ferantur veloci motu, necessario materia extra venas debet egredi; cum rursus exquisitus partium sensus requiratur, aut pungentis humoris molestiam sentiat, & venæ vel non sentiant, vel obtuse nimis, ac præterea humores assuetudine quadam reddantur vasis familiares, & tandem sanguine permixti magnam mordacitatis partem amittant, recte dicimus materiam acrem, vt rigorem faciat, debere per habitum corporis deferri.

Hinc colligetis id quod Stephanus Atheniensis in lib. 1. Galeni ad Glauconem optimè adnotauit, nempe solas febres putridas rigorem comitem habere, nam hectica, & diaræ non habent irritantem materiam nec effluxum acrium fuliginum. Colligetis amplius febres continuas, quarum minera est intra vasa, non habere secum rigorem neque horrorem, quod Galenus non siluit. Cum enim continuarum materia intra vasa inclusa, nec motum

tum habeat celerem, nec partes valdè sentiētes occupet, quæ duo ad rigorem requiruntur, non habet unde rigorem concitet. In intermittentibus rigor excitatur, qui singulis accessionibus repetit, in eis namque materia extra venas defertur, cur autem repetat mox declarabo.

Contingit interdum in prima febris apprehensione rigorem adesse, ut in hac Philini vxore videtis contigisse, & in multis alijs ægrotis, quorum historias narrat Hippocrates, potestque febris siuè continua proportionalis, siue synocha hoc est continens cum rigore prima die inuadere; neque est assentiendum Trincauellio contrarium asserenti contra experimentum, & rationem. Experimento quidem constat, cuius rei fidem facere possunt medicinam facientes; hæc etiam Philini vxor, quæ in febrem incidit cum rigore, febrem habuit continuam, & infra Dromeadis vxor febrem sexta die interimentem habuit, quæ cepit cum rigore, & tertio eiusdem operis anginosa apud Bitonem in febrem acutam cum rigore incidit, & quinta die obiit. Nec est dicendum mulieres istas febribus intermittentibus laborasse, quippe perierunt, ut ex Hippocratis decreto, quæ intermittunt periculo vacant. Præterea febris erat acuta, ut acuta intermittens sola est tertiana exquisita, quæ salubris est, minime lethalis. Plures alijs ægroti

H. sect. 2. x.

Ecol. 7.

H. 4. aph. 43

fuerunt, quos febris acuta primo die cum rigore inuasit, qui deinceps in toto febris progressu non repetijt. Ratio huius rei est, primo impetu delatam aliquam materiam extra venas rigorem excitasse, magnam vero materie partem intra venas relictam continuitatis febris causam fuisse.

Contingit multoties in huiusmodi cōtinuis rigorem superuenire salutarē propterea Hippocrates ait, *à causone habito rigore superueniente solutio*, non quod rigor refrigeret aut febrem tollat, vt aliqui putarunt, contra quos inuehitur Galenus, sed quoniam bilis illa, quę in rigoribus extra venas fuit delata, vel per sudorem, vel per alui deiectionem aut vomitum euacuatur, propterea aphorismus ille de rigore debet intelligi quem euacuatio aliqua subsequatur, adiungite etiam si fiat in die decretorio: nam quibus in febribus sexta die rigores fiunt, difficile iudicantur, & quod de rigore ait de iudicatione intelligitur: solet enim rigor iudicationes antecedere, quippe ante euacuationem criticam sequitur perturbatio, vt ex aphorismo, *quibus crisis futura est, his nox quę antecedit grauis*, grauitas ista & perturbatio rigorem, horroremve secum solet habere. Itaque rigor, vt sit bonus bonę crisis conditiones habeat necesse est. Aliās ex eiusdem sententia. *si rigor incidat febre non deficiente, agro iam debili existente, lethale*. Nempe si incidat



cidat pluries, & nullam secum afferat euacua-  
 tionem ægro debili, lethale est, inquam, hoc  
 est prauum, sed prauum, & vt causa, & vt si-  
 gnum, vt causa, quia crebra concussione lan-  
 guentis ægri vires omnino prostermit, vt signū,  
 quia cum non sequatur euacuatio, quæ sequi  
 solet, impotentiam arguit naturæ tentantis  
 expellere, sed nequeuntis. Hinc intelligetis  
 Auicennæ mentem, quem putant aliqui sibi  
 met contradicere, cum tamen, si ea, quæ in  
 duobus locis diuersis scripsit coniungatis non  
 contradictionem, sed optimam doctrinam in-  
 uenietis, quippe in vno loco ait, *quandoque si-* Auic. 2. 4. tit.  
2. c. 6.  
*gnificant rigor & horripilatio sanitatem in febri-*  
*bus inseparabilibus: quoniam significant, quod*  
*materia expellitur è venis & egreditur.* In alio, Auic. 2. 4. tit.  
2. c. 1.  
*Paroxysmi febris inseparabilis, quæ tepescit, &*  
*non eradicatur, non incipiunt cum frigore, nisi pro-*  
*pter debilitatem virtutis, aut propter profunda-*  
*tionem caloris innati, quare refrigerantur extre-*  
*mitates, & illud est signum malum si refrigera-*  
*tio in continuarum paroxysmis est signum*  
*prauum, si rursus rigores afferunt secum refri-*  
*gerationem, cur illic laudauit rigores, hic au-*  
*tem vituperat refrigerationem? Nempe aliud*  
*est paroxysmos incipere cum frigore, aliud*  
*incipere cum rigore, aut horrore. primum in-*  
*dicat naturam tentare euacuationem contra*  
*res noxias, non tamen perficere posse, sed vi-*  
*ctam remanere. Secundum significat, non*  
 solum

solum naturam tentare, sed efficere euacuationem sensibilem, si sensibilis adsit, vel si non adsit, saltem materiam proiecisse extra vasa. Quod quidem sufficiet cum duabus conditionibus, una ut vires aegri sint validæ, altera ut febris remittat de sua magnitudine alias aegro debili existente, & febre non deficiente tam prauus est rigor sine subsequente euacuatione, quam praua refrigeratio.

Sed quoniam dixi rigorem ex se non esse qui febrilem calorem refrigeret sed id deberi euacuationibus subsequentibus, hoc etiam explicatione indiget. Porro in rigoribus biliosus humor, qui calidus est, cum defertur per partes sentientes deberet calorem excitare, verum, quia dum mouetur pungit, & mordet has partes spiritum cum sanguine cogit ad interiora retrahi, propterea externa frigescent, sed una etiam interna valde calent (ut

G. 2. caus.  
sympt. c. 5.  
in fine.

G. de rig. &  
palpit. &  
trem. c. 6.

Galenus ait) postea accessionis progressu eadem partes incalescunt calore ad eas reuocato, & iterum accenso tum bilis contactu, & putredine, tum partium singularum motu ac vehemente per rigorem facto, ut Galenus inquit; Prædicta tamen materia, si intus pellatur vomitu, aut deiectione finiet accessionem, si ad cutem madore aut sudore, quod si non integre humor ille qui veluti cinis quidam est humoris putrefacti, expellatur, sed in corpore relinquatur, in continuis recidivam, in in-

termit-

termittentibus accessionum repetitos facit ; circuitus . Non euacuatur autem integre ob multam quantitatem , aut ob qualitatem crassam , & lentam , aut ob ægrotantis habitum , corporis densum , & sensu obtuso præditum , aut ob ægri naturam delicatam & parum cuiuslibet molestiæ patientem , si stragulis calefacientibus tegi non toleret , si sudorem fluentem interrumpat si , & deterfionem conuenientem non admittat , si se iacet in lecto & membra detegat .

Atque ita rigor febrem finit , hoc est ex rigore euacuatio , quæ potest aliquando triplex simul euenire dicente Galeno , *non raro simul intro , forasque eadem die materiam delatam , esse ita ut sudata sit , & vomita , & deiecta . Cum verò flatuosa tantum sine humore substantia* (inquit Galenus) *vel iusto calidior , vel frigidior per corpus permeat , utique horrent tunc quoque aliquando etiam , & cum concussu rigent eadem ex causa . Nihil tamen sensibile his vel vomitur vel sudatur vel infra deijcitur : utpotè cum ærea sint , quæ expultricem vini laceffunt .*

Tandem , sine febre rigor ob antiquis non fuit visus , à Galeno autem multoties obseruatus non tamen (ut idem fatetur) ita validus ac ille qui legitimas tertianas , quartanasve præcedit , aut qui ardentes febres terminat ; Solet huiusmodi rigor vitiosam sequi victus rationem , cum homines in desidia se repleu-

G. 2. symp.  
caus. c. 5.

ibidem.

G. 2. differ.  
febr. c. 5.

2. Caus. sym.  
prom. c. 5.

De inx-  
qual. intē.  
p. c. 8.

De rig.  
trem. palp.  
c. 7.

runt ,

runt, aut sæpe à cibo se lauerunt. Cum vero istæ ciborum qualitates frigidioris sæpe, ac pituitosioris temperamenti sint; promptissimè, qui sic sunt affecti, rigoribus, quibus ægrè calecant apprehenduntur. Refert igitur idem Galenus mulieribus magis quam viris istiusmodi rigores accidere. Narrat tandem historiam adolescentis, qui in Alexandria ex palmularum glandibus in magna copia in victu assumptis, incidit in rigores, qui ordinatim, sine febre tamen reperebant, quem victu excalfaciente curauit.

*Exercitatio de dolore capitis in febris.*

**N** Escio quid melius circa dolorem capitis, qui febris adest, dici possit, quam quod Galenus ad Glauconem scripsit; quare vos ad ea, quæ ibi dicta sunt, libens remitto. paucæ tamen, quæ ex re esse arbitror adiungam. Illud primum in mentem reuocans quod Galenus ibidem admonet, dolores capitis, qui sanguinis fluxum, aut vomitum decretorium significant, non esse remedijs profligandos. Neque enim accidens quoddam, sed bonum signum potius sunt, sicut & multa alia, quæ ante crises contingunt, quæ plurimis quidem terrorem incutiunt, bonum tamen quoddam ostendunt. Sed quomodo cognoscemus quando ægrotus de dolore capitis conqueritur, an sit

G. r. ad  
Glauc. c. 15.

fit prænuntius futuræ crisis, vt eū nulla curationem adhibita relinquere possimus?

Porro si simul cum dolore capitis praua alia signa adsint, nihil boni ex eo sperare licet, verū multum de futura cerebri inflammatione timere: sunt autem praua signa bilis prasinæ vomitus, deiectæ vires, yrina velut iumentorum, vel etiam nigra, delirium vehemens, difficilis respiratio, pulsus intercicens, & his similia. Quod si sine prauis signis dolor in febribus adueniat, tunc quidem considerare oportet vtrum morbus sit ex ijs, qui per crissim terminantur, vti sunt febres ardentes, nam hæ per excretiones subitas terminari solent; quemadmodum febres lentæ, vel per simplicem solutionem, vel abscessum aliquem terminantur. Si morbus sit in statu, in quo perfectæ fiunt crises, si sit in die decretorio, cumque perspectum vobis sit morbum terminandum esse per crissim, tunc quoniam, vt inquit Galenus, dolor capitis commune signum est tum ad vomitum significandum, tum ad sanguinis fluorem enaribus, quæ nam ex his, crisis futura sit cognoscetur ex specie doloris: nam qui velut mordaces sunt, vomitum, qui vero quodammodo graues, atque extendentes, pulsantesque, & calidi, sanguinis fluxum proprie significant, sunt quidem alia fluxus sanguinis indicia, vt si ægri nolentes illachryment, sunt & futuri vomitus, vt tremor

G. 3. c. 11. c.

mor labri inferioris, sed nunc ea solum quæ ad dolorem capitis spectant consideramus; illud vnum aduertite, sanguinis fluxum, vt plurimum, septem dierum spatio euenire raro ad quadragesimum accedere; nam frequenter post septimum dolor capitis puris excretionem terminatur: Sic Hipp. *Caput dolenti, aut vehementer laboranti pus, aut aqua, aut sanguis fluens per nares, aut os, aut aures morbum soluit.* Hoc optime declarat. Auicenna, iudicatio per hæmorrhagiam frequentior, est 7. post 7. per puris exitum, post 20. raro per hæmorrhagiam frequenter per puris eruptionem, frequentius, per abscessum ad inferas sedes.

H. 6. aphor.  
10.

Auic. 2. 4.  
tr. 1. c. 27.

Relicta igitur prognosi, vt causam cephalalgiz assequamur, ad multa respicere oportet. Nam vt plurimum anterior pars dolet à calidis siue humoribus, siue vaporibus; vt posterior à frigidis, & crassioribus; cuius rei triplex ratio potest assignari. Prima, quia multi in translatione sanguinis vapores calidi ad caput feruntur, cumque hæ arteriæ ex colli appellata fornace vtrunque ad synciput ascendant, temporalis musculus, & partes vicinæ afficiuntur 2. quia omnes prope venæ in cerebro à posteriore parte in anteriorem desinunt, per quas agitatus sanguis, cum vltius progredi nequeat, sistitur instar aquæ fluentis, quæ fluctibus vehementioribus ripam alluit. Ob idque per sanitatem etiam vaporosa excrementa

menta cerebri per synciput. transpirare maximè consueverunt, ad idq; confert suturarum raritas, & cranij constitutio ibidem subtilior ac magis fistulosa: 3. propter exactiorem illius partis sensum: sunt enim in illis futuris pelliculæ quædam, quæ duram menÿngem cum pericranio coniungunt, & per quas tenuium vasorum copia penetrat. Pericranium autem acrius dolet; quia maximè tensum; nec nisi vi à cravio diuelli potest: quæcumque enim partes tensioni cedunt, minus dolent, & è contra. Itaque cum causa doloris à vasis quæ in occipitio sunt ad vasa syncipitis permeet; cumque vasa in syncipite angustiora sint, ampliora in occipite, materia crassa & frigida in amplioribus occipitis permanet; calida vero & subtilis ad angustiora syncipitis permeat.

Potest quidem caput dolere per consensum à ventriculo cum quo maximum habet commercium propter communes & satis magnos nervos, à iecore propter venas, à corde ob arterias, ab utero & liene; ac denique ab omnibus visceribus; fitque consensus, vel ascendente per continuitatem partium solo calore, vel spiritu vaporoso, vel fumoso, aut fuliginoso, nonnunquam etiam per metastasim, seu transfusionem humorum excrementitiorum. Quod si à materia afficiatur eadem etiam inferiores partes coafficit, ut tamquam in circulo versatis affectibus non nobis innotescat  
quod

quod nam est membrum quod primario patitur. Cerebrum namque (vt in libro de glandulis habetur) si ægrotat magnam affert cladem, siquidem humoris acredine atroditur, vigilias, mentisque perturbationem adducit, conuulsiones adfunt, suffocatur æger & aphonicus fit.

Vt autem in febribus cognoscatis an dolor fiat per consensum à ventriculo, representabitur vobis ante cephalalgiam cardialgia; ac tunc non est valdè timorofum symptoma. Si verò primaria affectione caput laboret, à plenitudine & oppreffione pendet, vnde non solum dolor, sed vertigo & scotomia oboritur, si aurium tinninus, olfactus & cuiuslibet alterius sensus amiffio adfit suppreffa in capite materia significatur, quæ nisi euacuetur, exeunte sanguine, aut pure, aut seroso humore, vt ex aphorismo Hippocratis diximus, diffunditur in propinquas partes, ac debiles, & tunc offenso neruorum principio conuulsio oritur, vel materia in neruos decumbente paraplegia; vel cerebrum occupante fit apoplexia.

Ex specie autem doloris eiusdem causam venabimur, flatus dolores inducunt tenui, biliosa excrementa mordaces, plenitudo grauitatis sensum affert, cui si rubor & calor accedat calidorum humorum copiam, sine his frigidorum multitudinem indicat. Etiam eisdem dolorum differentijs pars affecta cognoscitur:



scitur : nam si dolor pulsatorius sit, membranosæ corporis inflammatio adest ; si grauitas, multitudo intra membranas contenta significatur . Quæ etiam pars dolet vobis signum afferet à quo nam membro consensus fiat , vti pars dextra, dolet ob consensum iecoris, sinistra lienis, posterior pars renum; anterior vetriculi, media vteri, atque hæc, dum inodo ex alijs signis dolorem non esse per essentiam cognoscatis, sunt autem hæc interpollatio, doloris, membri mittentis manifesta læsio, & ad eiusdem curationem mitigatio doloris. Attamen neque sit manifesta est isthæc cognitio, vt Galenus testatum.

G. 3. local.  
c. 1.

Est autem dolor capitis, vti iam diximus, ob mala quæ afferre potest periculosus, nempe ob conuulsionem, paraplegiam, apoplexiamve; nam quod attinet ad vehementiam doloris nunquam in capite tanta est, quæ per se, sola possit interimere, dicente Galeno, ob capitis dolorem vehementem neminem vnuquam; animi deliquio comprehensum periisse, neque se ipsum occidisse, quemadmodum quidam ex colico dolore vexati fecerunt. Vt cumque autem doleat longe minor dolor est, quam qui colli, auris, aut oculi, aut dentis dolore vexatur. Plinius tamen asperrimum ait dolorem calculorum esse à stilleidio vesicæ, proximum stomachi, tertium eum qui in capite continetur. Forsitan tamen Plinius ca-

G. 2. local.  
c. 1.

Plin. l. 25.  
c. 3.

pitis nomine aures, aut oculos, quippè in capite sunt, comprehendit.

*Exercitatio de ruinarum rubore.*

**C**olor rubeus in vrinis triplex spectatur præruber, seu valde ruber; ruber, & sub ruber. Vrina prærubra interdum ab Hippocrate dicitur *ἰξυρῶσα* hoc est valde rubra, interdum *αἱματώδης* hoc est cruenta, & licet hæc duo vocabula indistincte ab eo accipiantur, nihilominus ad confusionem tollendam *αἱματώδης* appellabo eam, quæ rentum vitio mingitur, quando scilicet sanguis, vel solus exit per viam vrinæ, vel simul cum vrina emittitur. So-

H 4. aph. 78

let autem hoc contingere quia (vt Hippocrates ait) *si quis sponte sanguinem mingat, à renibus venula rupta significatur*, renum autem nomine venulas renibus vicinas intelligite, præcipuè emulgentes, quæ satis pendulæ sunt, & facile possunt rumpi. Rupturæ autem nomine nō solum intelligatis *ῥήξις* hoc est ruptionem, quæ est vnus ex modis quibus sanguis effluit, scilicet per vasorum ruptionem, sed intelligite omnes alios videlicet *ἀνὰ σπυώσιν* anastomosis, hoc est apertionem osculorum venarum, *ἀνὰ βρωσίῃ* anaurosis, hoc est erosionem quæ fit ob vlcus à materia corrodeute & *διὰ τοῦ ποδὸς* diapedesin, hoc est transcolationem.

Itaque duo vasa in renem dextrum, & totidem

tidem in sinistrum in quinque ramos diuifa ingrediuntur, hæc vniuersam renis vtriusque molem circumdant, & extremis osculis mutuo coeunt. Per hæc vasa serum paucissimo sanguini mixtum distillat in renum carnem. Sed quomodo? non per ora nam hæc (vt dixi) mutuo coeunt. Ergo per laterum poras. Quare si sanguis plus solito distillat, vel fit per harum venarum vulnus, aut vlcus, & sic est per ruptionem, aut erosionem, vel rarefactis hisce venis; & tunc erit per diapedesin, vel oscula illa quæ mutuo coeunt, disgregantur, quod calculosis contingit calculo ita se habente, vt coitum osculorum impediat. Potest etiam contingere, vt renum substantia rarefacta, vel debilitata, vt in senibus sanguinem à sero non secernat, atque ita fiet vrina cruenta similis excrementis, quæ in hepatico fluxu ob iecoris imbecillitatem conspiciuntur: nempe velut aqua in qua carnes recenter mactatæ fuerunt lotæ. His omnibus modis fit vrina *αἱματώδης*, seu cruenta aut sanguinolenta, quæ magis aut minus periculosa est iuxta affectum, à quo pendet. Fit etiam in mulieribus ita sanguinea, propter menstruas purgationes, & est per diapedesin, seu per transcolationem: quoniam tenuior pars sanguinis confluentis ad vterum resudat in vesicam. Cæterum quot modis vitium renum exeat ex authoris libri de renū affectibus sententia manet explicatū.

C.3.

Vrina autem præ rubra, non quæ ex mixtione sanguinis fit, sed ex inflammatione sanguinei biliosique ichoris, cum ex valde magno intra arterias ac venas incendio talis gignatur, periculosa est, iccirco breuitatem & periculum indicat, sicut sub rubra longitudinis securitatisque est index. Est, inquam, index longitudinis, quoniam, ut inquit Galenus, sanguinis serosa super fluitas istas vrinas tingit: oportet autem, non modo hanc, sed etiam aliquid rufæ bilis admisceri. Si vero calor naturalis adeo est imbecillis, ut neque rufam generet bilem, neque sanguinem exquisite coctum, sed adhuc serosum, atque humidum, quod quidem ad sui coctionem tēpore egeat, est manifestum. Temporis autem spatium Auicenna ausus fuit præscribere, nempe ad diem quadragesimum, interdumque ad sexagesimum. Sed non debuit meminisse Cleanactem ad octogesimum ægretudinem prorogasse.

G. 1. cris. c. 12.

Au. 2. 4. tr. 1. c. 38.

H. 4. aph. 71.

Poterit tamen aliquis obijcere aphorismum Hippocratis. *Quibus septima die crisis futura est, his nubecula rubra quarta die in vrina apparet*, vbi Galenus ait nubeculam rubram bonam esse, & cito futuram iudicationem ostendere. Neque vero interest quod dixerit rubram, nos autem de subrubra sermonem habemus, nam si rubra bona est & breuitatem ostendit, multo melius subrubra id efficiet: quip-

G. r. prorr.  
sect. 2. cō.  
25.

A. r. 2. de  
iud. urin. c.  
8.

quippe Galenus urinam rubram, ait, in medio prærubræ & subrubræ, medium tum laudis, tum vituperij obtinere, & rubra etiam hominem diu laboraturum, non tamen moriturum significat, ut sentit idem Galenus; quare si nubecula rubra cito futuram crisin pollicetur, subrubræ multo magis. Igitur si nubecula rubra, & sub rubra breuitatem morbi significat, nos diximus urinam rubram significare longitudinem: nam & urinæ, & contentorum eadem est coloris ratio. Actuarius fatetur contenta rubra, & subrubra cruditatem significare, ac propterea si Hippocrates dixisset sedimētum quarta die, non inde possemus, crisin septima sperare, quia sedimentum demonstrat materiam non solum crudam, sed multam dixit autem nubeculam, quæ materiæ paucitatem indicat, unde si quia cruda, indiget tempore ad sui coctionem, quia pauca tempus erit breue. Sedimentum quidem melius est quam nubecula in materia cocta: quoniam cocta; quo copiosior est eo melior. Sed quando significat imperfectam coctionem, uti significat si rubra, aut subrubra fit, tunc quanto paucior, tanto melior, quia quod exiguum est facilius vincitur à natura, quam quod multum.

Dixi insuper urinam subrubram non esse periculosam, hoc ostendendum est ex qualitate humoris cuius indicat prædominium. In-

dicat autem prædominium, abundantiamve sanguinis, non exquisita ratione confecti, à quo ægritudines prouenientes, inquit Galenus, moderatiores habentur. Est enim sanguis ex eodem de temperamentis succorum optimus, & maxime proprius atque domesticus, quo, quemadmodum idemmet, de usu part. scriptum reliquit, nihil est vtilius, aut benignius ad nutritionem. propterea affectiones ab eo ortæ salutares habentur. Præterea natura nihil cōcoquit, aut elaborat nisi commercio sanguinis, quod constat ex Auerrois sententia, & multo magis ex assiduo experimento. Ouum quod vitam suscepturum est, antequam animal fiat rúbescit; semen etiam ante fætus formationem rubrum accipit colorem, nulla nutritio sine sanguine fit, nulla etiam abscessus suppuratio, siue tumor ex flaua, siue ex atra sit bile, siue sanguine fit. Vt ex his intelligatis sanguinem naturæ esse familiarem & ab ea elaborationem faciliè suscipere, nisi aut ille multitudine peccet, aut illa imbecillitate, nam tunc licet periculum absit, longitudo adest, abesse periculum dico, dummodo facultas alias languida tantum habeat virium, quantum ad portandum per plures dies onus sufficiat.

## Exercitatio de Urina nigra.

**D**E nigredine urinarum dicturus, Galeni G. I. crisp. c. 12.  
 prius verba scripta in memoriam reuocabo, sunt autem hæc. *Pessima igitur est, tota urina denigrata, adeo ut neminem unquam seruatum viderim ex ijs, qui talem urinam minxerunt, minus vero perniciofa, si solum id quod subsidet, nigrum fuerit, atque adhuc minus, si solum id quod in medio iacet, ac multo minus etiam si nebula.* Haftenus ille; ex quibus verbis colligeris id, quod in bonis urinis est optimum, in malis esse pessimum. In bonis urinis optimum est imo salutare totam urinam esse bonam: in prauis perniciosum totam esse nigram; rursus in bonis urinae contentis id, quod subsidet, si bonum sit, primum bonitatis locum obtinet; in prauis id, quod subsidet, primum obtinet locum prauitatis; secundo loco in bonis æneorema ponitur, idem etiam in prauis; tandem nebula omnium minimum bonitatis gradum possidet, omnium minimum etiam in prauis.

Porro urinarum nigrarum triplex est ratio: aut enim fiunt propter adurentem caliditatem; aut propter nigrum humorem, tum qui decretorie à toto expurgatur; tum qui ab aliqua parte v.g. à liene; aut tandem propter frigiditatem ab extinctione caloris natini ortam. Quælibet autem differentia istarum, sic

6. Epid.  
sect. 5. cxx.  
14.

internoscitur: si sitis adsit, anxietas, iactatio, & reliqua incendium significantia, præcipue linguæ ariditas, asperitas, nigredo (nam lingua lotium significat) hæc nigredo à calore adest. Si autem nigras urinas liuidæ præcesserunt, & aliqua concurrant signa, quæ mortem in propinquo esse denuncient, tunc frigiditas, extincti caloris soboles huic nigredini urinarum causam præstat. Tandem si nigra urina, secum afferat ægri leuamen & symptomatum remissionem, sit quæ superueniens in die critico expulsio hæc decretoria est & bona, à toto quidem si vniuersalis est affectus, ab aliqua vero parte si particulare viscus v. g. lien laborauit. Itaque possunt urinae nigre aliquando vtilis esse, vt in expulsiōe critica, aliquando inutiles, vt in icteritia in qua, nec bonū aliquid, secum afferunt, nec malum præter ipsum morbum. Vt plurimum tamen sunt perniciosæ, vt quæ adustione fiunt; perniciosissimæ, quæ extinctione.

H. 2. progn.  
32.

Arbitrantur aliqui nigras crassas, nigris tenuibus deteriores esse, seducti verbis Hippocratis, quem perperam interpretantur. Nam cum magnus Senex inter exitiosas urinas reponat nigras, & crassas, accipiunt has duas differentias coniunctiue, dicuntq; nigras dummodo crassæ sint, valde exitiosas esse. Afferunt in suæ opiniones confirmationem historias Herophontis, & Nicodemi qui urinas nigras  
tenues

H. 3. epid.  
sect. 3. ægr.  
9. & æg. 10.



tenues minxerunt, & euaserunt sicut Hero-  
phon, de quo in præsente, cum vrinis nigris  
tenuibus euasit.

Verum si ad historias respiciendum est, etiā  
eodem lib. agr. 2. mulier, quæ apud frigidam  
aquam in Thaso habitabat, octogesimo obiit,  
vrinæ huius nigræ erant, tenuesque, & aquo-  
sæ. Refertur etiam à Galeno quidam, qui vri-  
nam substantia tenuem colore nigram excre-  
uit, & visus est quarto die bene habere, adeo  
vt sequentibus diebus lauaret, septima feбри-  
re cæpit, & tabefactus obiit. Itaque euentus  
nihil probant, quandoquidem stant pro vtra-  
que parte.

Si vero ratio spectanda est, tenues & nigræ  
deteriores sunt: utpote quæ duplici nomine  
sunt prauæ, tum quia nigræ, tum quia tenues,  
de nigredine; per se solam iam diximus, de te-  
nuitate hoc solum possumus dicere, eam nun-  
quam esse bonam, vt pote quæ cruditatis est  
soboles, crassities aliquando iuuat, vt in feбри-  
bus quartanis, & in ijs quæ ab humore atro  
expurgantur. Videtur tamen contrarium sen-  
tire Galenus, qui obseruasse se ait, vrinas ni-  
gras, quo crassiores, eo esse deteriores. Cæ-  
terum debetis considerare crassitiem per se  
solam absque mutatione coloris (vt ibidem  
Galenus vult) duplicem habere euentum, in-  
terdum ad mortem, interdum ad sanitatem  
propinquam terminando.

inter-

G. 1. progr.  
rh: sect. 2.  
com. 17.

G. 2. progr.  
32.

interdum bona est, poterit nigritiei adiuncta  
saltem non esse mala, tenuitas (vtri diximus)  
semper est mala, si ergo semper mala cense-  
tur, tunc cum nigredinem secum habet, cen-  
sebitur deterior. Porro cum Herophontis de  
quo præsens est sermo fuissent nigrae tenues,  
merito Galenus initio comentarij inquit, hūc  
præter spem seruatum fuisse, quem scilicet pri-  
mis statim diebus merito quispiam moritu-  
rum suspicatus fuisset: etenim nigra minxit,  
hoc est (vt ex historia constat) nigra tenuia.

Ceterum dum vrinas nigras & simul tenues  
dico, chrymæram me loqui existimant aliqui,  
quibus Aetij sententia, & Auicennæ placet;  
quippe isti duo authores impossibile esse cen-  
sent reperiri vrinam, quæ simul & tenuis sit, &  
nigra eandem sententiam sequitur author li-  
bri de vrinis, nullus enim ex modis, quibus vri-  
nam nigrescere diximus, tenuitatem secum  
admittere posse videtur. Nam in remissione  
quartanæ febris, & solutione melancholiæ, vri-  
næ apparent nigrae. Redduntur autem nigrae  
propterea quod humor nigrae bilis per has ex-  
purgatur, qui sua substantia terreus est, & gros-  
sus, quare & vrinas efficit grossas. Simili mo-  
do, & hæ vrinae, quæ ex assatione, adustioneque  
sanguinis nigrae fiunt, grossæ sunt: si enim vstio  
nimia exsiccat humiditatem sanguinis, constat  
quod etiam grossam efficit eius substantiam: qua-  
re manifestum est, quod & vrinae grossæ fient; à  
san-

Aet. retr. 2.  
serm. I. ca.  
44.  
Au. 2. 4. tr.  
I. c. 82.  
C. 10. c. 11.

*sanguine enim, & coloris mutationem accipiunt, & substantiæ vsti sanguinis grossitiem referunt. Frigiditas vero, quæ ingrossat materiam, etiam urinæ substantiam facit humoris similem, ita igitur urinæ fiunt grossæ, ut docui. hæc sunt verba illius authoris, quæ gratis dicta mihi videntur.*

Nam in primis inflammatio non tanta est, quæ siccitatem actualem inducat, alias urina absumeretur: quippe calor non aliter exsiccatur, quam substantiam humidam absumendo. Dum igitur calor non absumit, potius dicendum est solvere, & liquefacere, si enim ipse vult sanguinem à frigiditate concreescere, eodem iure fateri tenetur eandem dissolui à calore, iuxta, normam traditam ab Aristotele. Deinde bilis atræ permixtione, urinas nigras crassitiem habere satemur, addita tamen conditione si bilis atræ multa sit (quod iam supra dicebamus dum egimus de liuore) nam pauca crassitiem non inducit.

Arist. 4. meteor.

Sed obicietis à nobis fuisse superius dictum ex paucò humore atro permixto non nigredinem, sed liuorem fieri, quod Galeno acceptum referendum est: siquidem deiectionem,

G. 2. progn. 22.

inquit, si pauca atræ bilis misceatur non nigram, sed liuidam fieri. Hoc quidem ego in deiectione admitto, in urina nego: etenim urina, cum fluxio quædam, & liquor sit, facile à substantia tingente penetratur, deiectionis vero ob substantiæ crassamentum non facile

cile secundum se totam tingitur .

Sed adhuc nō cessat difficultas; vrina enim rubra non nisi crassa reperitur , cur ergo idem de nigra non est dicendum? non ne ideo rubra crassa est, quia sanguinem habet admixtum? at nigra admixtum habet melancholicum succum sanguine crassiores . Ita est . verumtamen animaduertite colorem , quo intensior est , eo efficacius tingere , quo remissior , remissius . Niger ergo color intensissimus , utpote in extremo positus, efficaciter tingit, non sic tamen color rubeus, qui medius est, neque omnimodam intensiorem habet , quapropter pauca atra bilis sufficere ad saturandam vrinam colore nigro , non sufficere paucus sanguis ad ruborem inducendum , si ergo rubra vrina est ex multo sanguine admixto, necessario simul erit & crassa .

*Exercitatio de atrabile :*

**N**Iger succos in triplicè est differentia : in primis μέλαναίμα, idest sanguis niger, qui quoniam colore à sanguine degenerat, non tamen adhuc ab eo forma recedit, hoc peculiare habet, ut concreescere possit, & ingrumum, seu trombum verti: quippè nec pinguedinem adhuc, nec fibras ammisit, non sicut aliæ differentiæ, quæ non concreescunt. & hæc sit prima humoris atrii differentia, seu  
spe-

species. Cæterum quando Hippocrates inquit ποχωρήματα μέλανα οκοῖον αἷμα μέλαν deiectiones nigre, qualis est sanguis niger, alteram differentiam humoris nigri intelligit priori similem, quod indicat particula, qualis, quasi dicat deiectiones. quæ sunt similes sanguini nigro. Est autem hæc sæx sanguinis, quæ à sanguine differt: quoniam non concrefcit: sic exponit Galenus infra aphorismum 23. inquit enim, hæ, sanguini denigrato similes videntur, differentes in eo quod fusæ sunt, & non concretæ, vt ille. Ist hæc secunda species, quam sanguinis veluti limum solet Galenus appellare, assumitur à Liene ad suos vsus, quæ etiam per hæmorrhoides excerni solet, per eas enim niger sanguis egreditur, qui iam sanguinis nomine non est dignus: si quidem nequit concrefcere. Appellatur, vt plurimum μελανχολικὸς χυμὸς melancholicus succus. Istæ ergo duæ partes τῶν μελάνων idest nigrorum nomine conueniunt. Tertia differentia, cum qua secunda splendore conuenit, non autem prima: quippe, vt diximus, non splendescit, tertiam inquam, ἡ μέλαν χολή idest atra bilis fit vel à sanguine vel à succo melancholico, vel à flauabile quoties vruntur, aut malignam suscipiunt qualitatem, differentiam inter hanc tertiam & secundam optime exprimit Galenus, interim nobis notum sit hanc tertiam splendidiorem esse secunda, & magis dilutam, tamen si cras-

Libello de  
atrabile c.  
3.

si crassitiei nō est omnino expers. Hæc in terram effusa fermentat eam, & musca quidem, nec aliud quoduis animal gustare eam vult, propter suum acore, sicut neque meram falsedinem: neque enim in ea degit animal, vt mare quod mortuū vocant argumēto esse potest.

Duo igitur hæc, terram fermentare, & animalia abigere, quomodo contingant accipite, quod ad primum attinet potestis id addiscere à Galeno in hunc modum dicente. *Cum igitur in terram acetum acre effusum fuerit, protinus intumescens, sursum quasdam terræ partes simul tollit: fitque compositū quoddam ex terrestri substantia & aceti humiditate, & ex factō vaporoso spiritu. Simile rei huic contingit, cum atra bilis in terram effusa fuerit: nempe & in utroque spirituosā quædam motio euidenter fieri videtur, ei similis quæ in feruente musto apparet, & quæ sequuntur. Itaque quia flatum in se continet intumescit, flatus vero ob crassitiem exire nequit, quare in minimas partes frangitur, quæ bullas quasdam & efferuescentiæ specimen exhibent.*

Quod autem ad secundum spectat, Galenus, *bilem atram*, inquit, *tum gustu ipsam vomentibus, tum olfactu, non illis solum, sed alijs quoque innotescere.* Hinc colligite acerbitatē, & acorem licet qualitates sint gustabiles, nihilominus olfactu quoq; posse percipi: ea enim est inter hos duos sensus communitas, vt se inuicē alter ab alterius obiecto lædatur, sic factor efficit

G. 1. prorrh.  
sect. 2. com.  
40.

G. de attrabi  
le c. 3.

ficat dapes iniucundas, sic sapor insuavis olfactu apprehenditur. Sed quorsum ista? nempe ut sciatis vanum esse quod quidam putant, mures, muscas, & alia animalia atram bilem naturali quodam nocua fugiendi instinctu effugere; cur enim ad instinctum effugiemus, cum videamus animalia quidem propè ad locum in quo atrabilis effusa est accedere, deinde effugere, quasi olfactu iniucundum saporem agnoscentes quem propterea euitant. Has tres humoris nigri species paucis verbis comprehendit Galenus, inquiens, ostendit autem & nos G.4.aph.25  
*bene à nigris deiectionibus bilem nigram separasse. Hæ enim sanguinis denigrato similes videntur, differentes quod fusæ sunt; & non concretæ, ut illæ. Nigra autem bilis & quod fusæ est absque concretione, & quia fulgentem habet nigredinem; & præterea mordax est, sicut acetum; & terram, abradit, atque fermentat, quorum nihil nigris adest.*

Itaque atri humoris secunda species, quæ melancholia dici solet, & tertia quæ atrabilis nominatur, quoniam tertia fit ex secunda, quamquam etiam ex flaua bile fiat, ut postea dicemus: ac proinde secunda materia, tertiæ esse potest. Sed præter hanc distinctionem an distinguantur etiam ex parte agentis, in dubium potest reuocari. Atram bilem, hoc est tertiam differentiam nigri succi ab immo- dico calore fieri, nemo est, qui neget, secunda  
spe-

species, quæ cōmuniter melancholia, seu melancholicus succus appellatur, an à calore generationem suam habeat, non constat apud omnes. Peramatus, cui assentitur Mercatus tres gradus melancholici humoris intra limites sanitatis constituunt. Primus est, qui fit à calore diminuto: dum enim iecur frigidius, & ficius est redditum, etiam ex mediocri alimento hunc succum generat. Secundus sæx sanguinis, quæ secundum naturam est, & iste humor ab eodem fit calore à quo sanguis: differt autem secundus iste à priore: quia prior nullum præstat corpori nutrimentum, iste verò maximè. Tertius procedit ab intensiore, & adurente calore, non tamen adeo ut atrabilis euadat. Differt tertius iste ab alijs, quoniam alij humores fiunt ex alimentis à calore vel diminuto, vel moderato, iste fit ex alio humore, & authorem habet calorem immodicum.

Hæc opinio, saltem in eo quod humorem melancholicū ex diminuto calore factum nobis tradit, non est digna, quæ recipiatur: quippe nusquam in doctrina Galeni ex frigore per se, aut ex diminuto calore, melancholicum, sed pituitosum humorem fieri conceditur. Deinde cum negare non possent, isti authores, pituitam fieri ex frigore, & apud eosdem melancholicus quoque succus ex frigore gignatur, tenebantur saltem declarare, unde nam euenit,



euenit, vt pituitofus, & melancholicus fiut humores diuerfi.

Aliter fentit Chriftophorus à Vega, nempè humorem iftum de quo agimus fola feparatione abfque aduftionis nota fieri, non aliter ac fit muftum, quod à vino feparatur. Verùm cum humor melancholicus propriam, & peculiarem habeat formam, fuos etiam vfus, non potefit dici fieri per folam refultantiam, fed per peculiarem actionem. De mufto autem diuerfa eft ratio: quippè mufti fax eft ad nullos vfus comparata. Præterea fi ex fola feparatione fieret melancholia, ex eadem fieret flaua bilis, proindè in iecore effet virtus duntaxat fequeftratrix, nõ humorum generatrix. Dicerentur etiam ifti humores præexiftere in alimento: fiquidem denuò non generantur, hoc autem Galenus non admittit, imò vero ibidem contrarium non fine demonstratione tradit.

Veg. 2. pg. 27. & in fua arte medici- ca c. 2.

G. 2. de nat. facult. c. vlt.

Magis confentaneum eft, quod Vallefius refoluit, videlicet ab vno & eodem calore diuerfos humores fieri, pro diuerfa difpofitione materiæ, nihilominus quando plus nigri humoris generatur, quàm debita humorum inter fe proportio exigit, tunc exceffu fieri caloris, minore tamen quàm eft ille, à quo producit bilis atra. Si verò quærat, quæ nam fit illa difpofitio materiæ, refpondebo effe craffitiam, vel meliùs terreftrem naturam, quæ apta

Vall. 6. con- tr. c. vlt.

est, vt ex illa melancholia, proportionē respō-  
dens elemento terræ gignatur. Quod autem  
melancholia à calore gignatur sãpius à Gale-  
no est inculcatum. Nam melancholica tem-  
peramenta ex sanguinis aduisione fieri ait,  
humorem melancholicum in ijs potissimum  
redundare, qui macri sunt, & nigri, & hirsuti,  
& qui colorem habent prærubrum, & quibus  
latæ sunt venæ, hæc autem signa omnia caloris  
excessum attestantur.

Si quis autem obijciat in autumnō, quæ pars  
anni frigida est, melancholicum humorem gi-  
gni, vt hinc constare possit huius humoris ge-  
nerationem ex frigore esse. Respondet Ga-  
lenus, gigni quidem in autumnō, non ob frigi-  
dam intemperiem, sed ob eum, qui in æstate  
præcessit feruorem. Si vltterius quærat, cur in  
senibus magis, quàm in iuuenibus succus iste  
redundet? respondet idem Galenus, eos qui  
frigido, & sicco temperamento sunt præditi,  
non esse melancholicos, nisi ex habitus cor-  
poris mutatione tales euaserint: in his nam-  
que humor abundat melancholicus, non ob  
frigidam intemperiem, sed ob præcedentem  
in iuuentute sanguinis feruorem. In illis vero,  
qui à primo exortu frigidi sunt ac sicci, potius  
pituita abundat: quippè ob caloris inopiam  
imperfectas coctiones moliuntur.

Sed manet adhuc difficultas, si enim me-  
lancholia elemento terræ respondens frigida  
est

G. 2. de tēp.  
c. vlt.

G. 3. loc. aff.  
c. 7.

Dena. hum.  
com. 35.

G. 2. de tēp.  
c. vult.

est ac sicca, si rursus effectus suæ causæ debet respondere; quomodo causam habet caloris excessum? fateor ego melancholicum succum adustione fieri, imo etiam ex putredine, ut colligere licet ex Galeno; cæterum quod aduritur, & putrescit calidum esse non negamus, quod vero adustum, putrefactumve est calorem ammisisse constanter asserimus: quippe calor non durat, nisi quandiu materiam habet quam depascitur, cum vero ad siccitatem deuentum est, ablato caloris nutrimento, aufertur calor, exemplo vobis sint cineres, qui nullum habent calorem, quia nullam humiditatem. Melancholicus ergo succus, postquam in eo vis caloris deferbuit manet succus, ac proinde siccus.

G. 4. aph. 21

Sed ex hac responsione posset aliquis colligere me Arabum Zinariam bilem admittere, quæ omnino sicca, adeo ut cinereum colorem præferat, hanc autem Zinariam bilem Vallesius meritò damnat, & tacite Christophorum à Vega præceptorem suum eam admittentem suo more vellicat. Nam potest quidem substantia liquida, quæ adhuc humoris nomen meretur ad eam deuenire siccitatem, ad quam deueniunt cineres. Verum tamen ego, dum omnem humiditatem humori melancholico denego, eam intelligo, quæ pinguis est, & subinde calori præstat pabulum, hac ablata calor extinguatur, esse verò omnino à

Vall. 1. cōt. c. 19.

H. li. de ge-  
nit. & in li.  
de morbus.  
6. Epid. sec.  
2. tex. 38.  
6. Aph. 23.

succo melancholico ablatam ostendit huius  
succu ichorositas, propter quam ab Hippocra-  
te aqua appellatur. Immo etiam sanguinem  
ichoroidē in pavidis agnoscit, pavidos autem  
melancholicos esse ipsemet fateri debet, qui  
metum, & mæstitiam melancholicis comites  
adiungit.

Sed adhuc dicetis, cineres aptissimos esse  
ad conservandum calorem; unde ea, quæ ca-  
lida conservare volumus super cineres cali-  
dos collocamus, erat & quidam medicus, qui,  
ut longius mali suspicionem produceret, sem-  
per post extinctum feruorem per plures dies  
remanere aiebat cineres calidos. Respon-  
deo cineres propter epireusin minimas quas-  
dam habere partes igneas, in quibus scintillæ  
possunt aservuari, nec facile extinguui, quippe  
latent, ac propterea nulla aëris motione ex-  
tinguntur.

Ratum ergo sit in doctrina Galeni, quæ om-  
nino vera est, melancholicum sanguinem, si quan-  
titate excedat, excedētis caloris sobolem esse.  
Si vero quispiam mihi obijciat eundem Gale-  
num dicentem, *aliam esse nigram, quæ dum  
animal naturaliter se habet quotidie gignitur,  
aliam, quæ ex vstione, ac velut assatione con-  
flatur.* Quibus verbis velle videtur atram bilem  
esse, quæ adustione fit, non vero melancholiam,  
respondebo diversam esse vstionem, quæ atre-  
bili debetur, à calore, à quo conflatur humor

G. 14. meth.  
c. 9.

me-

melancholicus vnde Galen. *supra modum autem affatur*, inquit, *propter vehementem caliditatem*, sic ille. at in melancholici succi generatione non supponimus vehementem caliditatem, neque superaffationem, & de his fatis.

G. I. pror.  
com. 4.

Cæterum cum bilis atra non nisi a ductione, & veluti affatione, ac etiam putrefactione fiat, ex aliquo humore fieri debet, hoc est vel à sanguine, vel à pituita, vel à bile flava; vel à melancholia. Ex melancholia quidem, & ex flava bile superaffata atram bilem fieri non est negandum, & simul longe ferociorem esse illam, quæ fit ex bile flava; quam quæ ex melancholico fit succo quod Galenus tradit.

G. 3. progn.

Sed videtur non fieri immediatè atrabilis ex flava: nam Galenus sic ait, *flava autem bilis, cum supra modum affatur, primum quidem in æruginosum migrat succum, deinde nigrum*.

27.

G. I. pror.  
cc m. 10.

Quibus verbis velle videtur ex flava bile per torrefactionem fieri æruginosam, ex æruginosa nigram. Verum flauabilis latè sumpta omnes alios colores comprehendit, vnde & vitellina, & porracea, & æruginosa, & aliæ similes vnam duntaxat speciē per suos gradus distinctam faciunt. Vnde licet æruginosa bilis sit gradus quidā per quē flava ad nigrā ascendit, nihilominus rectè dicetur ex flava fieri nigrā, maxime quod, nisi occurratur, paruo tēporis momento ex æruginosa in nigrā fit transitus.

De sanguine non ita dicendum est: quippe

hic vnus ex quatuor humoribus est, nec in atram bilem potest transire, nisi prius fiat melancholicus succus sæculentus, qui alter ex quatuor etiam est, ac proinde non dicetur, vnquam ex sanguine immediatè fieri atrā bilem; siquidem fit mediante melancholico succo, in quem sanguis transit ante quàm atra bilis euadat. Sed est locus apud Galenum ex quo contrarium elici potest; quippè atram bilem dupliciter fieri posse ait, ex crasso sanguine, & ex bile flaua combusta. Verum huic difficultati occasionem præbet ipse Galenus, qui dum parum exquisitè loquitur, doctrinam confusam reddit. Reperietis apud eum multoties distinctionem factam inter succum melancholicum, & atram bilem, ita vt nihil in eius libris frequentius sit, & tamen aliquando v.g. loquitur de succo melancholico, eumque atram bilem appellat, hanc autem locutionem non exquisitam esse idemmet fatetur, inquiens, *ea quæ est veluti fax sanguinis cum volumus exquisitè loqui, non dum atram bilem nominamus, sed humorem melancholicum*. Porro duplicem atræ bilis generationis modum, vnum ex melancholico succo, quem sanguinis veluti facem appellat, alterum ex flaua bile, tum secund. Cris. & tert. loc. affect. tum multis alijs in locis scriptum reliquit.

G. 6. epid.  
sec. 6. com.

3.

G. 1. de facult. nat. c.

9.

G. 6. aph. 53

G. 2. crif. c.  
12.

3. loc. affect.  
c. 6.

An vero ex pituita quoque possit fieri bilis atra dubitare aliquis posset. Author defini-

tio-

tionum medicarum ex terrificata, putrefacta-  
que pituita, atram bilem fieri admittit, non  
minus quàm ex faculento sanguine. Subscri-  
bit Auicenna. Auicennæ subscribunt aliqui,  
sed quo fundamēto? nempe eo præcipue quòd  
ex quotidianis quartanæ fiunt febres, leue qui-  
dem & contemnendum. Nam ex multis fe-  
bribus & morbis, abscessus fieri in quartanas  
obseruauit Hippocrates præcipue vero quar-  
tana eas febres, quæ errabundæ, auterraticæ  
sunt insequitur, ad quotidianas sequi non ac-  
cepi à viris magnis, neque mihi contigit vidiſ-  
ſe. Sed esto sequatur quartana ad quotidia-  
nas, num ideo huius euentus ratio à muta-  
tione pituitæ in nigrum succum petenda est?  
non ne potest diuturnus calor febrilis (diutur-  
na est amphimerina febris) sanguinis portio-  
nem comburere, adeò vt in melancholicum  
tranſeat humorem, & ſimul pituitæ par-  
tem abſumere; vt ſic typus quartanam refe-  
rat. Nec vero neceſſe eſt, omnem pituitam  
abſumi: quippe quartanarij, vt plurimum cru-  
ditatibus, ob caloris innati imbecillitatem,  
ſolent abundare, ſed ſatis eſt paululum pitui-  
tæ minui, paululum melancholiæ augeri, vt  
auctum humorem melancholicum redoleant  
paroxyſmi quartanarij.

Adducit rationem Auicennæ Scholiaſtes,  
nempe ex ſanguine fieri melancholicum ſuc-  
cum, quoniam vero ſanguis nuſquam purus

Auic. fec.  
1. doct. 4.  
c. 1.

H. 1. epid.  
ſect. 2. 153.  
22.

est, sed pituitam multam habet admixtam profecto ex pituita etiam simultanea ratione fiet succus melancholicus. Cæterum si hæc valeret ratio, cum sanguis bilem etiam flavam comitem habeat, fiet melancholicus humor ex flava bile adusta, quod falsum est, nam bilis flava degenerans per adustionem, non melancholicum succum, sed atram efficit bilem, quæ sæviora efficit symptomata, quam ea, quæ quartanæ debentur, si quis vero ex atra bile quartanam fieri dixerit, tenebitur fateri, quartanam morbum esse perniciosissimum, & valde lethalem, quod tantum abest, ut sit verum, quin potius à magnis morbis liberat authore Hippocrate.

Aliam adiungit, nempe melancholicus humor frigidus & siccus est, à quo pituita humiditate duntaxat differt, quid ergo humiditatem duntaxat calore absumi prohibet, quod si absumatur melancholia fit? Cæterum interrogo Scholiastem istum, quomodo fiat pituita illa, quam gypseam Galenus, & alij celebres authores nuncupant, nihil aliud respondebit, nisi fieri quia humiditas pituitæ naturalis absumitur. Iam ergo absorptione duntaxat, non fit melancholicus succus, sed humor gypseus. Porro debuerat recordari melancholicum humorem (quod iam supra satis est demonstratum) non fieri solum propter humiditatis absorptionem, sed propter inductam adustio-



duſtionem, quam non facile ſuſcipit pituita  
vtpotè quod aquea humiditate, qua abundat,  
aduſtioni obſtat.

Urget adhuc inquiring, ſi non ex alio pitui-  
tæ genere melancholicus humor poteſt pro-  
creari, negari non poſſe ait, quin ſalfa altera  
pituita, quæ ad bilis naturam accedit, aſſari,  
atque caloris acrimonia vri & in atram bilem  
poſſet conuerti. Hoc tamen argumentum in  
authorem ſuum retorqueo. Cum pituita ſal-  
ſa adeo ſit acuta vt febres cauſodes, ideſt ar-  
dentes, non minus quàm flaua bilis accendat,  
& tamen ſemper pituita ſalfa permaneat, nec  
in alium degeneret humorem, proſectò ſignū  
eſt maximum, poſſe quidem pituitam accipe-  
re ſalfedinem, poſſe incendi, poſſe fieri acrem,  
mordacem, febrium ardentium materiam,  
non tamen poſſe in bilis ſpeciem aliquam mu-  
tari.

Argumenta vero quibus probatur impoſſi-  
bilitas conuerſionis pituitæ in atram bilem,  
fortia quidem ſunt, & quæ aduerſarij fruſtra  
infringere conantur. Primum Galenus ſic  
ait, ſiquidem, vt rubrum flauum fiat, aut flauum  
rubrum, vnica ſimplice commutatione eſt opus:  
vt vero album nigrum, vel nigrum album omni-  
bus, quæ in medio ſunt. Ex hac Galeni do-  
ctrina elicitor, pituitam albam in humorem  
nigrum non niſi per medios colores mutari  
poſſe. Respondet ſcholiaſtes, Galenum dum

G. i. facult.  
nat. c. 10.

G. i. loc. af-  
fect. c. 7.

diſtin-

distinguit pituitosos à melancholicis, dixisse pituitosos, simpliciter humores nominari, in quibus humiditas frigiditasque, melancholicos verò in quibus siccitas, & frigiditas dominantur: quamvis magnæ peculiareque interrim differentia, tum pituitosorum, tum melancholicorum humorum inueniantur: quibus verbis insinuat, hos duos humores non coloribus, sed primis qualitatibus differre. Ceterum animaduertere debuerat iste author, colores non spectari à medico, nisi prout qualitatum primarum sunt indices, est ergo albedo index frigiditatis, ideo competit pituita, melancholia verò ex præterita vstione nigredo adest, quamvis iam extinctus in ea sit calor, ut in carbonibus & lignis ambustis videre licet.

Carrerius aliter respondet, non esse necessarium, ut à pituitæ albedine ad nigredinem atræ bilis per omnes medios colores fiat transitus: nam lana alba igni admota nigra fit, & transitus fit, aut per subnigrum, aut per flauum, aut rubrum. Ad Galenum verò respondet inter album & rubrum medios esse colores, non tamquam media necessaria. Adiungit auctoritatem Aristotelis, qui ab albo ad nigrum mutationem perfusum fieri ait, non tamen per alium medium colorem. Tandem exemplum affert chyli, qui in ventriculo secundum aliquas partes fit immediatè humor niger,

ger, secundum alias flauus, quare secundum diuersitatem materiæ, ait ille, aut causæ agentis fit transmissio per hoc, aut per illud medium. His putat se effugisse difficultatem, quam neutiquam effugisse arbitror. Nam in primis exemplum sumptum à lana nihil ualet, quippè violentia agentis efficit, vt ab vno extremo ad aliud per insensibilia media fiat transitus. Quod in ipsa lana agnoscetis, quippè quæ, si igni applicetur, parum tamen remota, paulatim colorem mutabit, neque ad nigrum accedet, nisi prius flauo imbuatur. Galenus verò medios colores tamquam media necessaria constituit, ea tamen condicione, vt gradatim transmutatio à nigro ad albū fiat. Aristoteles ex albo ad nigrum per fuscum colorem transmutationem fieri dixit, non tamen verum est illū alios colores negasse. Tandem ex chylo naturaliter se habente non fit transitus ad alium colorem, nisi in iecore vbi rubedinem induit, quod si pars quædam, flaua hoc est bilis, flaua, euadit pars nigra, vt sanguis niger seu fæx sanguinis, fiunt quidem hæc per sequestrationem diuersarum partium in quas diuersimode agens operatur, (quod Carrerus misfatetur) sed pituitam secundum se totam atræ bilis colore imbui, non videtur possibile. Quod si dicatis vt se habet pars ad partem, ita, totum ad totum, si ergo pars chyli albi in partem sanguinis nigram potest transmutari,

poterit consequenter tota pituita alba, in totam atram bilem conuerti. Sufficit ergo quod argumentum probet, posse aliquam substantiam effici nigram, sine medio alio colore. Cæterum ego axioma illud falsum esse existimo, neq; enim verum est, ita se habere totum ad totum, vt se habet pars ad partem. nam datur aliquid tantæ efficaciz, vt possit partem aliquam omnino transmutare absq; transitu per sensibile medium, non datur autem tanta vis quæ totum immutet. Exemplum habetis in elementis, quorum partes corrumpi quidē possunt, totum autem incorruptibile manet, quoniam non datur agens adeo efficax, vt totam v.g. spheram aëris possit corrumpere. Itaque accedit chylus ad calorem hepatis, qui magnus quidem est, comburet aliquas partes, quas iccirco nigras efficiet propter omnimodam combustionem, alias minùs comburet, & has relinquet flauas, alias adhuc minùs, & erunt rubræ, qui alias etiam immutatas relinquet, vnde pituita cum sanguine permixta remanet. At de nigro humore plura diximus, quàm initio dicere proposuimus.

*Exercitatio de recidua.*

H. 2. aph. 12

2. & 4. & 6.  
epid.

**R**eneruntur morbi, non semper, sed ex præstita occasione, vnde Hippocrates ait, *quæ relinquuntur in morbis post iudicium, recidivas facere consueverunt, quæ sententia alibi repe-*

repetita legitur. Notant meritò aliqui, eum non dixisse, recidivas faciunt, sed facere consueverunt, quasi insinualet non semper morborum fieri reuersiones. Dixi accidere præstita occasione, occasionem autem præstant tum constitutio temporis, tum morbi malignitas, tum ægri incontinentia. Temporis constitutio præcipuè austrina, in qua erraticæ contingunt febres, quæ soluuntur citrà iudicationem, hoc ita describitur ab Hippocrate. Crassus namque humor in austrina tempestate regnās naturæ maximè reluctatur, quare si quando in parte aliqua remota reponitur, nec tamen euacuatur febrem cessare facit, promptam tamen habet reuersionem.

H. r. epid.  
sect. 1. tex.  
36.

Morbi malignitas iudicationem infidam facit, infidam dico, non imperfectam, cauendum hoc loco est à Brasauolo, qui infidam iudicationem cum imperfecta confundit: sunt tamen diuersæ: nam imperfectè iudicata ægritudo non omninò abscedit, sed tamen, licet facta minor ob euacuationem, quæ quoniam imperfecta, hoc est, deminuta fuit, potuit quidem morbum minorem reddere, non potuit penitus extinguere; infida autem iudicatio liberū quidem relinquit patientem, & sanitatis specimen quoddam præsefert, nec sanitatis solū, sed etiam securitatis: quippe præcesserant coctionis signa, coctiones autē securitatem polliceri dixit Hippocrates; quod tamen in materia

teria maligna intelligi nequit: quippè hæc venenatam quandam habet conditionem, quæ non deponitur coctione; ac proindè, ex materia non maligna pars exigua relicta, superatur à natura, neque recidiuam efficere est potens; Verùm ex maligna, quantumuis minima portio, quasi scintilla ignis, potest vires acquirere eundo & incendium excitare. Hinc est, quòd in malignis febribus, & pestilentibus frequentiores sunt reuersiones quàm in alijs.

Ægroti incontinentia efficit, vt tamen non maneat materia valdè multa, sed sola praua dispositio, huic dispositioni ex prauo, aut ex superfluo victu, materia detur in qua possit debachari. Argenterius hanc dispositionem malignitatem esse ait, eam enim quæ à solis qualitatibus pendet non existimat: posse recidivas facere; propterea, ait vlcera maligna, in quibus nec calorem, nec frigus, nec humiditatem, nec siccitatem damnare possumus, postquam cicatrice sunt tecta sæpius recrudescere, ob malignam dispositionem, quæ ex liuore, nigritieque relicta in parte apparet. In his omnibus meo quidem iudicio decipitur. In primis nõ rectè malignitatem dispositionem appellat; quippè malignitas nõ disponit ad malum, sed ipsa sola est quidpiam valdè malum, quod si per aliquod tēpus, vel ex defectu materiæ, vel ex mutatione loci, non producit suos effectus, non tamen proindè censerì debet nõ

malum. deinde dispositiones in qualitatibus primis aptissimæ sunt ad inferendos morbos: quippè discrasia, quæ post febrem remanet, nisi moderetur & refrænetur; poterit materiã disponere ad putredinem si calor est, si frigus ad crassitiem obstruentem, si humiditas ad laxitatem infirmantem, si siccitas ad angustiam meatuum commeatum spirituum impediens; hæ sunt veræ dispositiones. Liur autem, aut nigrities relicta in ulcere post inductam cicatricem, sit à sanguinis portio, quæ extra vasa remansit, atque licet resoluta fuerit (aliter non poterat cicatrix induci, & plaga sanari,) manet tamen eiusdem tinctura quædam non noua, quæ non est recidivæ ulceris causa.

Offert se hic difficultas, quæ multos tenet irretitos, num scilicet recidiva sit eadem cum sua radice? ita tenent non pauci, in quorum numero est Vallesius, qui tamen contrariam sententiam non omnino improbat: quippè recidivam, & radicem, hoc est priorem morbum eisdem uniuersalibus totius morbi temporibus includi dicunt, quod monstrant exemplo Anaxionis, morbo laterali laborantis, in cuius historia dies recidivæ, & dies prioris morbi simul numerantur: siquidem vigesimo sudauit, liberatus est, vigesimo septimo redijt febris, trigesimo quarto est iudicatus. - trigesimo quarto, inquam ab initio prioris morbi.

Vall. lib. c. 6.  
tr. 65.

H. 3. epid.  
sect. 3. ægr.  
8.

Deinde

Deinde considerant febrem intermittentē, quæ inter vnam & alteram accessionē ad infabricitationem definit, suntquē per aliquot horas ægri à febre omninò liberi: neq; tamen febrem intermittentem dicimus plures morbos, sed vnum duntaxat, cur ergo recidivam & suam radicem plures morbos esse dicimus.

Tertio radix ad recidivam terminatur: quippè prioris morbi terminus ad recidivam protenditur, igitur recidiva est pars suæ radice, conveniuntquē ambo in vno tertio, hoc est vnam numero ægretudinem efficiunt.

Nihilominus magis rationi consonum est dicere, recidivam & priorem morbum specie quidem convenire, specie tamen non prorsus specialissima: nam potest prima radix esse intermittens, recidiva autem continua, vel è contra in reliquis autem conveniunt: quandoquidem quando ad vnum morbum alius genere differens successit, metastasis est, non vero recidiva. Sic Hippocrates *aliæ febres, inquit, in quartanas abscedebant*, quare hos morbos, qui ad alios diuersos consequuntur quasi abscessus quosdam imaginabatur, e. g. hydropes, quæ ex acuto morbo eueniunt, paralytes in quas apoplexiæ mutantur, & multa alia huiuscemodi.

Recidivam autem à priore radice differre numero probatur, quia morbus quilibet solutus nisi accedat recidiva per se solum integer est,



est, res autem quæ rei integræ accedit; non est parseius, sed quidpiam super additum, quod numerum augeat. Deinde supponamus morbum priorem habuisse suam constitutionem optimè ordinatam vsque ad vigesimum, tunc autem fuisse iudicatū: quis negabit morbum fuisse acutum, accedat postea recidiva, & producat ad quadragesimum? Profectò si est idem morbus iam habuit integram acuti morbi constitutionem, nunc habet constitutionem chronici, & sic vnus & idem morbus erit chronicus & acutus, quod rationi contradicit. Si verò dicatis multoties morbum acutum produci vsq; ad terminum chronicorum. hoc quidem non obstat: nam dum morbus non fuit solutus non habuit suam integram constitutionem, potuitque ex acuto in chronicum degenerare, at verò ægritudo semel soluta, & suam constitutionem sortita, non potest manere eadem & simul in aliam transmutari.

Quicquid autem in contrarium fuit adductum faciliè soluitur. Nam ad primum non admittimus eadem esse & radicis & recidivæ vniuersalia tempora: quippe si ita foret includerentur etiam dies, quibus durauit sanitas interiecta, & ex duobus morbis & vna sanitate fieret vnum, quod est risu dignum. Ad Anaxionem respondet Brasauola, eum à principio vsq; ad diem trigesimum quartum, mor-

bum lateralem habuisse: quamuis febris vigesimo die desierit, & vigesimoprimo iterum redierit. Cæterum hæc responsio non est recipienda: quippè febris, quæ cum inflammatione adest, (vt iam superius diximus) symptoma est illius inflammationis, ac proinde desinit cum morbo, deinde cum inter pathognomonica signa pleuritidis, comprehendatur febris acuta, iam si febris desijt, similiter desijt signum pathognomonicum, ac proinde desinente febre non erat pleuritis. Dicendum potius reor, Hippocratem vario modo dies numerare, nunc à principio prioris morbi, nunc à principio recidiuæ, vt constat ex historia Herophontis, quippè dum ait quinto redijt, attendit nō ad principium prioris morbi sed ad eius finem, deinde cum ait tertio die post recidiuam residebat lien, non respicit ad radicem, tandem cum dicit decimosextimo fuisse indicatum includit radicem. Hæc tamen in numerando varietas nihil nocet, dummodo consideremus recidiuam suos habere dies decretorios, cum ergo recidiua fuit quinta post nonam fuit decimaquarta à principio radicis, in hac morbus redijt: qui die tertia fuit iudicatus, hoc est die decimasextima à prioris morbi initio. Sic Anaxion recidiuam habuit die vigesimasextima, fuit verò iudicata die trigesima quarta, quæ fuit septima dies recidiuæ, & notatu dignum est, trigesimam  
H  
quar-

quartam, si radix & recidiva nō differrent numero, non potuisse morbum perfectè indicare, quem tamen iudicauit perfectissimè. Iudicauit quidem perfectissimè quoniam erat dies septima omnium iudicantium princeps.

Ad secundum dicimus inter vnam & alteram accessionem ordinem seruari, & prestitutos habere reuertendi dies, imo etiam & horas: neque vna accessio dicitur per se morbus integer, licet enim habeat peculiaria tempora causæ coniunctæ, hoc est humori in minera putrescenti respondentia, non dum habet tempora vniuersalia, quæ causæ antecedenti, nimirum materiæ intra venas esistenti, sunt debita, Iccirco post multas accessiones adhuc morbus esse in principio dicitur, quia vrina, quæ ostendit, quomodo se habeat causa antecedens, non dum signa coctionis saltem obscura præsefert.

Ad tertium, Non terminatur quidem radix ad recidivam: terminari enim vnum ad aliud tunc dicimus cum se tangunt, vt si prior morbus tangeret recidivam, cæterum quoniam mediat salubritatis tempus, non est cur dicamus recidivam esse terminum radices, ac proinde, nec eius partem. Cæterum Vallesius abscessum diuersa habere tempora à febre admittit; & affert Hippocratis verba, nempe, *recidivas autem non ita se habere, sed iudicatio-*

*num tempus in eis computari ab initio suæ radi-*

H. s. progn.  
52.

H. 1. epid.  
sect. 2. tex.  
83.

*cis.* Verum in hoc secundo decipitur: siquidem Hippocrates aliquando expresse à recidiuæ initio calculationem orditur vt videre est, vbi ait, *intermisit septimus à recidiua, indicatus est die quinto, & rursus aliquibus intermisit septimo à recidiua, indicatus est die tertio*, est quod mirer Vallesium, qui ait, Hippocratem, hic vnica m dierum computationem facere à principio totius morbi, dormitabat certè, dum hæc scribebat.

H. 6. epid.  
sect. 2. tex.  
20.

Sed adhuc poterit quispiam dubitare dicens: tanguntur quidem ratione materiæ, quæ relinquitur exprima radice; cum enim hæc sit eadem, quæ recidiuæ causa est, videtur posse dici ratione causæ se inuicem tangere: Quod autem recidiuæ causam habeant ex priore morbo relictam manifestè constat ex præcitati aphorismi verbis, quæ relinquuntur in morbis post iudicium, recidivas facere cōsueuerunt. Constat etiam, quia prior morbus non dum est omnino extinctus siquidem adhuc eius vestigia apparent, quæ Hippocrates expressit, ea sunt sitis intus relictæ, & oris exsiccatio, & insauitas, & inappetentia eadem ratione.

Quid autem relinquatur si à Galeno quæ-  
ratis, ille vobis in commento aphorismi, respondet esse humores alienos à natura corporis in quò continentur, aptos ad eius nutritionem: qui necessariò ad putredinem con-

uertun-

uertuntur , cum vero locus calidus fuerit in quo sunt collecti , facillimè putrescent. Idemmet Galenus 6. epidem. citato , bifariam intus relinqui ait, vno quidem modo humorem morbi authorem, altero autem morbosum affectum , & addit quando prædicta recidivæ futuræ signa , sitim videlicet , oris insuauitatem, & inappetentiam , narrat, intelligere intus relictum morbosum affectum . Possumus itaque ex hac Galeni distinctione colligere , tria ista signa non esse veræ recidivæ , quæ ad morbum prorsus solutum consequitur, sed recidivæ non veræ , quæ non excipit corpus in statu salubri constitutum , sed adhuc morbofo affectu laborans . Atque ita videretur responderi posse præpositæ difficultati scilicet signa illa , quæ eveniunt morbo non planè soluto non efficere quominus perfectè solvatur & recidiva sit a priore morbo saltem numero diversa.

Non tamen adhuc exhausta est difficultas : nam quamvis nec sitis adsit, nec reliqua quavis etiam non relictus sit morbosus affectus, sufficit quod remanserit humor morbum faciens , vt recidiva cum sua radice perpetuitate causæ sit eadem . Respondent aliqui, esse quidem eandem perpetuitate causæ , non tamen perpetuitate affectus , atque hoc sufficere , vt duo affectus sint, non vnus . Ego tamen aliter sentio : nempe nec perpetuitate causæ

esse vnum morbum : quippè materia, quæ relinquitur vel putrida est, sed pauca, vtpote quæ ab alia denuò superueniente aucta morbum accendere potest, vel cocta, sed quæ non potuit tota euacuari, vnde pars aliqua remansit, quæ licet non sit apta ad nutriendum, non est etiam apta ad morbum gignendum. Si est putrida nec tamen morbum efficit, nisi aucta à quantitate nouæ materiæ superuenientis, non potest dici causa eadem, vt e. g. si quis poculum vni vini biberit, à quo inebriari nequit superbibat plura alia pocula & inebrietur, non dicetur ebrietatis causam esse primum illud poculum. Sed dicetis esse saltem causam partialem; fatebor partialem, sed quæ minima sit pars totius, ac proinde à minima parte, causa non accipiet totam denominationem. Si vero materia, quæ relicta fuit est cocta, nec apta ad gignendum morbum, nisi denuò putrescat, non debet dici causa eadem; si quidem in priore morbo coctionem obtinuit, in recidiva autem propter aliquem errorem in prauam lapsa est naturam.

Porro cum Hippocrates dicat, quæ relinquuntur ex morbis post iudicium, videtur de solis morbis agere, qui per crisin terminantur; quid ergo de alijs dicendum, qui per simplicem solutionem euanescent? Crises, saltem nostro hoc tempore infrequentiores sunt,

sunt, quippè raræ fiunt crises, quod & ad veterum temperantiam reducendum est, propter quam natura erat magis compos sui, & ad calidam intemperiem illius regionis, quæ humores gignebat valdè stimulâtes, & ad medicorum peritiam, qui locum dabât naturæ, nostro hoc ævo qui medicinam faciunt, tum vt videantur aliquid agere, tum vt ægro obtemperent remedia semper expetenti, obruunt vires naturæ eiusque operationes intercipiunt.

Præcipuum autem signum, ex quo sumitur recidivæ suspicio, est defectus præcedentis coctionis: si enim vel diminuta, vel nulla cocti humoris signa adsint quâtumvis perfecta fuerit morbi solutio, nec maneat sitis, nec oris insuavitas, nec inappetentia, semper solutio ista hac infida est, postulatque medici vigilantiam, vt scilicet post solutum morbum & coctioni humoris incumbat, & euacuationi.

De magnitudine autem periculi, quod secû recidiva affert, etiam medicus sollicitus sit oportet. Verùm quidem est, recidivam semper eo nomine esse pravam, quod ægrum ex priore morbo defessum accipit, quod Galenus in libro de affectibus, in omni morbo qui alteri superuenit consideravit. Attamen si præcedens coctio fuit valde propinqua coctioni perfectæ, si euacuatio satis copiosa, sperandû est, vt materia, quæ recidivam affert, non sit

potens ad excitandū magnum incendiū, sicut accidit Herophonti, cuius prima ægritudo sudore fuit iudicata, qui sudor debuit esse nō omnino diminutus, quandoquidē adeo diminiuit, vt parum fuerit quod remansit, ideòque solum trium dierum laborem excitauit. Mensura ergo reliquiarum humoris ex mensura præteritæ tum coctionis, tum euacuationis sumenda est. Vt si præcessit coctio exigua, si exigua etiam euacuatio; recidiua expectetur valde timorosa. Sin aliter, procuiusque ratione.

*Exercitatio de Convulsione.*

G. 1. met. c. 2.

**A**ffectus, qui græcis spasmos dicitur, latinis est convulsio; vltus tamen obtinuit, vt græcum hoc nomen apud latinos retineatur. A Galeno inter eos recensetur, qui à proprio symptomate denominatur, hoc est à motu illo, qui in membris sic affectis conspicitur. Inter est tamen aliquando; num spasmos, an spasma dicatis: quippè spasma, licet pro spasmō etiam accipiatur, nihilominus spasma dicitur vnitatis solutio in neruosis fibris, sicut in osse catagma in muscūlis vlcus, & ruptio; in arterijs & venis nullam propriam habet appellationem, sed interdum vlcus, interdum vulnus, interdum etiam ruptio nuncupatur. Vt autem convulsione naturam, seu definitionem possitis comprehendere, necesse est sup-

ponere

G. c. 3. & li.  
3. eiusdem  
c. 1.  
6. Eiusdem  
operis, c. 1.



ponere id, quod in Galeni doctrina frequentissimum est, videlicet musculos non aliter operari, quam retrahendo se ad suum principium, & hanc esse propriam eorum naturaliter se habentium actionem. Supponite rursus ex eodem Galeno, convulsionem ab actione propria musculorum in nullo alio differre nisi, quia actio musculi propria, hoc est, quæ per sanitatem fit, voluntatis imperio fieri, actio vero eiusdem præternaturam, nempe convulsio, involuntaria est; quod diffusè Galenus tractat, simile quid reperietis apud eundem.

Iam ergo facile manet colligere convulsionis definitionem: est namque convulsio, ut plerique placet, contractio musculi ad suum principium præter voluntatem. Sic quidem manet convulsionis naturæ optimè explicata: si enim convulsio à musculorum sanorum motu solum differt in eo, quod præter voluntatem fit, rectè hoc addito tota huius affectus natura manet explicata. Cæterum insinuat Galenus, convulsionem esse motum, circa quod plurimæ emergunt difficultates, quas enodare, propter opinantium varietatem, non levis, sed tamen non inanis erit labor.

Offert se quæsitum valde frequens nū convulsio morbus sit, an symptoma. Galenus ab hac disquisitione abhorreere videtur, ita inquiens. *Hæc sanè in re primum videtur Sabinus falsus, quod parvam dixerit convulsionem tremo-*

G. 3. loc. affect. c. 6. & li. de tr. rig. palp. c. 6.

2. Symp. caus. c. 2. & lib. 3. de tract. com. 42. & 6. ap. 3. 3. epid. sec. 1. com.

4.

G. 3. epid. li. 4. com. 4.

rem esse. Nam toto genere inter se differunt hi affectus. Nihil verò nunc intersit, affectus voces, an symptomata, functionum noxas. His verbis actionē læsam & affectum, hoc est morbum, & symptoma posse dici insinuat. Nihilominus cum definitio ex Caleno desumpta conuulsionem motum esse statuatur, cumq; motus vitium, symptoma sit læsæ actionis, non posset ille negare, in sua met doctrina conuulsionem esse symptoma; Auicenna tamen aliter sentit videlicet esse ægritudinem hoc est morbum, nam definit dicens, *spasmus est ægritudo nervosa, qua moventur lacerti ad principia sua, & inobedientes sunt in dilatatione*. Cæterum conuulsio diuerso modo considerata potest & morbus dici & symptoma: morbus dicitur (& sic explicant Auicennam interpretes) vel quia sensibiliter lædit operationes (tunc autem abusiue, magis pro causa conuulsionis, quam pro conuulsione ipsa accipitur) vel quia est morbus in compositione, hoc est, vel in figura, vel in situ. Itaque cum conuulsionem morbum esse dicimus, eum à conuulsuius motibus separamus, quod multi faciunt appellant hos conuulsuius motus conuulsionem in fieri, vel conuulsionem spuriam, eam vero iam factam, atq; legitimam, in qua membrum omnino contractum est. Conuulsuius motus Auicenna, & sectatores eius spasmum nō proportionatum ad materiam appellant, fierique aiunt

Auic. 2.3.  
tract. 1. c. 5.

aiunt à causa molestante, & irritante naturam. Isti igitur motus conuulsui interdum in conuulsionem legitimam terminantur, quemadmodum torpor, aut stupor in paralyfim.

Diuersam suscepit viam Ioubertus, & tum Galeno, tum Vniuersæ medicorum scholæ opponitur dicens, conuulsionem non esse postquam membrum est contractum; nam tunc rigiditas appellatur, quæ uiuentibus & vita functis communis est; conuulsionem solum esse dicit cum membrum motibus agitur.

Verùm facile est & Galenum, & vniuersam medicam scholam à Ioubertis technis liberare. In primis Galenus, qui sæpè conuulsionem per motum definit, non sibi contradicit, quando eam fieri ait à solo morbo; nam tum quoque conuulsionem inter motus illegitimos recenset, qui fiunt à solo morbo; si ergo inter motus illegitimos, non negat motum esse, ac proinde non sibi met contraria loquitur. Insurgit Ioubertus, & quasi ad magnum absurdum deducens exclamat, si conuulsio à solo morbo est, motus epileptici, qui fiunt à natura irritata, non erunt conuulsio. Sed quid mirum, non erunt quidem conuulsio, erunt tamen motus conuulsui quos à vera conuulsione differre diximus, & à multis conuulsionem spuriam, ab Arabum vero familia conuulsionem non proportionatam ad materiam appellat.

pellari, quocumque autem appellentur modo non esse veram conuulsionem iam satis est demonstratum.

At motus, inquit ille, influxu est, nec conuenit rei itabili, quomodo ergo membrum retractum fixumque & immotum in motu esse dicemus? Multiplex huic obiectioni, est respondendi modus. Possumus namque conuulsionem esse motum dicere in sensu causali; quemadmodum enim ira dicitur feruor sanguinis circa cor, quoniam ex hoc feruore pulsulat, sic dicere possumus conuulsionem esse motum, quia ex antecedente fit motus; etenim membrum per motum contrahitur, & contractio, tam dicitur de motu contractionis, quam de termino eius, sicut perfectio, & coctio; sic etiam quando febris dicitur conuersio naturæ caliditatis in igneam naturam conuersionem pro conuersionis termino accipimus, ut suo loco declarabimus. Sed quid plura postquam contractionis motu pars aliqua ad contractionem, in qua formatur, peruenit motus est in suo termino, motum autem a suo termino non differre realiter schola philosophorum apud Aristotelem fatentur. Non ergo peccabit qui terminum motus cum motu confundet.

Arist. 3. ph.  
tex. 4.

Cum verò negare non posset tetanum, & alios affectus, in quibus ex utraque parte contentio fit, esse conuulsiones, licet membra sic

affe-

affecta; non mutant locum; dicit esse motum  
 tonicum (est motus tonicus; quo mobile ad  
 contraria impulsus in eodem permanet lo-  
 co, ut avis, quæ in aëre immota manet; & ta-  
 men non est ociosa, quippè ubi moritur sta-  
 tim concidit; duo luctatores parem vim ha-  
 bentes, & ille, qui aduerso flumine tanta vi sur-  
 sum natat quanta fluuius deorsum tendit) pro-  
 bat autem esse motum tonicum quia actio est:  
 nam fortius solito ibi muscoli cernuntur age-  
 re, actio vero musculorum non alia est quam  
 motus. Respondet Carrerus (& quidem non  
 extra mentem Galeni) non recte dici tonicum  
 motum, sed tonicam actionem, timet enim  
 motum appellare ubi locus non mutatur, actio-  
 nem vero sine motu esse probat tum exemplo  
 conseruationis, tum etiam resistentiæ, utra-  
 que est actio neutra autem motus. Mihi ta-  
 men magis placet motum ab actione non se-  
 parare: quippe actio, & passio eandem subeunt  
 sortem, imo apud Galenum vna pro alia acci-  
 pitur; quamuis enim sentire sit quoddam pa-  
 ti, nihilominus sensationem actionem appel-  
 lat, & vitiatam sensationem ad læsas actiones  
 reuocat, cum igitur actio, & passio ita se ha-  
 beant, cum rursus passio à motu non separe-  
 tur, (quod latè probat Aristoteles, dicendum  
 est actionem non distingui à motu. Ad exem-  
 pla vero à Carrero allata respondere possu-  
 mus conseruationem, & resistentiam (de utra-  
 que

G. v. de  
 mot. my-  
 scul. c. 8. &  
 2. ejusdem  
 c. 4. & de  
 trem. rig.  
 palp. c. 4.

Arist. 4. ph.  
 tex. . . .

que enim idem sentire oportet cum ambo cō-  
trarijs parem vim habentib, remittantur) mo-  
tu quidem fieri, cæterum mutationes & mo-  
tus, qui in breuissimis spatijs feruntur in eo-  
dem loco manere videntur hoc Galenus an  
ita sit sub dubio reliquit, & aliud tempus di-  
scutiendum transmittit.

G. I. de  
mot. mu-  
scul. c. 4.

Porro Iouberto admitto musculorum mo-  
tum in tetano & alijs, quæ ab vtraque parte  
contentionem habent, motum esse tonicum,  
aut saltem tonico similem: quippè verus toni-  
cus à facultate fit, non autem à morbo. Dicat  
tamen ille, cur tetano motum tonicum con-  
cedit, non verò in emprosthotono, aut opi-  
sthotono? Nihil aliud respondebit nisi in te-  
tano, collum manere rectum, ac proinde ex  
vtraque parte, tam antica, quam postica mu-  
sculos agere, in emprosthotono moueri ad an-  
teriora, in opisthotono ad posteriora. quare  
in tetano datur vtrinque motus, in alijs ex vna  
parte rigiditas. At inepta quidem est isthæc  
ratio, nam quoniam in tetano contrahuntur  
tam anteriores, quam exteriores musculi ac-  
tio musculorum est; in alijs quia contrahun-  
tur vel anteriores vel posteriores duntaxat,  
non est musculorum actio. Imo verò si ad Ga-  
leni exemplum recurreret, inueniret quò inæ-  
qualior est contentio, eò magis motus ratio-  
nem habere. Tres gradus constituit in tractio-  
ne lapidis (hoc enim est eius exemplum) pri-  
mus

mus quādo lapis, aut lignum, aut aliquod corpus inanimatum trahitur, nemine in contrarium deducente. Secundus quando trahitur in vnam partem, altero in contrariam trahente, vincere tamen robore priorem, & propter hoc sequi ipsum corpus, sed multo minus quā si ab alio non traheretur. Tertius cum idem æquis viribus ad contraria trahitur. In primo gradu tractum fuit corpus in tantam distantiam in quantam illud trahens voluit trahere. In secundo tantò minus trahit, quantò ab alio in contrarium fuit tractum. In tertio, quia par vtrinque fuit tractio, tractum in eodem loco permāsit, nō tamen manet immobile, perinde ac si à nemine traheretur. Iam igitur ex hoc exemplo constat, quid Iouberto respondere oporteat, in tetano contrahuntur æqualiter muscoli anteriores, & posteriores, quare ad neutram partē corpus inclinat, in empisthono mouentur anteriores tātum, in opisthono posteriores duntaxat, sunt igitur similes priori gradui, in quo diximus lapidem trahi nemine in contrarium trahente. Igitur motus tonicus, tam vni conuenit conuulsionis speciei, quā reliquis, nec est cūr differentiam statuatur Ioubertus.

Sed quoniam ait, membrum, quod erat rigidum in corpore viuente cum eadem rigiditate post mortem permanere; vnde infert, si post mortem, non est conuulsio, nec motus,  
dum

dum vixit similiter rigiditas erat, non conuulsio, neque motus. Quæram ego ab eo an ille, qui tetanum patiebatur maneat post mortem cum eadem colli rigiditate? assentire tenetur, neque enim poterit experientiæ contradicere. At ille fatetur hanc rigiditatem hoc est, tetanum, motum esse, ac subinde cōuulsionem, cur ergo in tetano hoc admittit in alijs negat? Sciat ergo rigiditatem in conuulsis ratione termini, viuenti & non viuenti, eandem esse, imò etiam & rigiditatem in animatorum v.g. fidium musicalium, at ratione principij esse res diuersas. hoc probatur ex Galeno, quem ille suæ opinioni fauere existimat: Galenus aduersus Herophilum, & Praxagoram, qui affectum virtutis mouentis neruis, & musculis tribuebant argumentum ducit ex corpore defuncto: inquit enim est in mortuis nullos neq; nerui neq; muscoli affectus experti sunt, quos pati ipsos, & Herophilus, & Praxagoras arbitrantur: deseruit autem eos omnes motus protinus vnâ cum anima, cuius instrumenta muscoli sunt, & nerui. prosequitur deinde rem declarâs exemplo cytharæ & tibicæ, quarum sonus non ipsis, sed sonatori, & tibicini debetur. Iouertus hinc colligere contendit, si vbi primum anima recessit iam non amplius in corpore illo est motus; si rursus rigiditas manet post mortem eadem, quæ erat prius; si post mortem nec est motus nec cōuulsio, ita etiam

neque

G. de trem.  
rig. palpit.  
c. 5.



neque dum vita aderat. non tamen oportebat ita colligere, sed in hunc modum. Cum affectus sit animæ siue facultatis, protinus cum anima recessit affectus, quare rigiditas, quæ in viuento affectus erat, in mortuo, quia nō adest animā, non est amplius affectus. Atque ita manet manifestum, quod iam antea dixi, nempe rigiditatem in corpore viuento, & in corpore mortuo eandem esse ratione termini, non ratione principij: quippè in viuento facultas aderat, cuius affectus erat cōtractio, in defuncto, absque facultate, contractio non magis erit affectus, quàm sit in rebus inanimatis, vt in fidibus musicalium instrumentorum. Quod autem rigiditas in corpore defuncto remanens potius cum rigiditate rerum inanimatarum, quàm cum rigiditate viuentis corporis conueniat, facile percipietis. nam res inanimata, & similiter nervi cadaueris, si scindantur non tenduntur versus suum principium, sed partim in hanc partem in illam partem ratrahuntur; at in conuulsione retractio est musculi, ac nervi versus suum principium, ratio huius rei est, quia ubi deest anima & facultas, nullum est principium versus quod musculi suam actionem peragant, & sic absente anima deest musculorum actio.

Accedo ad torturam oris, & strabismum illam à paralyfi fieri ait, hanc non à conuulsione, vt putauit Galenus, sed à relaxatione &

G. 2. sympt.  
caus. c. 2.

mollitie musculorum oculi fieri. Verum neque in tortura oris rectè se gessit, neq; in Galeni reprehensione prudenter. Et quod attinet ad torturam oris, fit quidem aliquando quia musculis eius partis relaxatis, qui sunt alterius non possunt non esse in officio, & tunc verum est, quod ille dixit, nempe partem contractam esse sanam, quod intelligatis velim medicè loquendo, quia scilicet parti contractæ, ut potè sanæ, non applicantur remedia, sed si philosophice loquamur pars illa quoniã in suo debito situ non permanet non est omnino sana appellanda. Itaque concedamus, fieri aliquando id, quod Ioubertus vult, videlicet distorqueri maxillam propter paralyfim partis laxatæ non propter conuulsionem contractæ, aliquando diximus, non semper imò hoc difficilius est, facilius verò fieri oris torturam trahente parte affecta præternaturam, altera verò in otio permanente. Quemadmodum si in manu nerui claudentes contrahuntur clausa remanet ob eorum culpam externis nihil agentibus. Atque hoc quidem commune est omnibus membris, qui oppositos habent musculos, ut scilicet vno contracto eius oppositus oriatur. De strabismo est eadem ratio, nec video cur ille magis ad musculi vnius resolutionem, quam ad eius contrarij contractionem affectum hunc referendum esse sentiat. Verum de his plura diximus quam forsitan

sitan ratio postulabat.

Quæret aliquis in quo genere symptomatum conuulsio ponatur. Et in primis in hoc conuenire oportet, quod sit læsa actio, sed cuius nam facultatis actio? nempe animalis mouentis: quippè ad motum pertinet. Galenus autem de different. Symptomatum. motu-  
 uarum actionum prima symptomata esse ait immobilitatem, & vitiosam mobilitatem, huius autem alium diminutum infirmumq; motum, alium prauum, prauorum autem alium tremulum, alium conuulsiuum, alium palpitantem, alium vibrantem. Ex his colligetis, conuulsiuum motum pertinere ad deprauatam actionem. Sed dicetis, eum conuulsiuos motus dixisse, quos nemo negat esse deprauatos, non autem conuulsionem: quippè hæc magis videtur ablata actio, quam deprauata, siquidem neruus conuulsus in termino sui motus est, in termino autem cessatio, atque quies. Cæterum Galenus de conuulsione legitima, non de spuria, hoc est de motibus conuulsiuis se intelligere declarat, dum addit. Horum symptomatum aliqua ubi in toto corpore constiterint, diuersam appellationem sunt sortita, veluti emprosthotonos, opisthotonos, & tetanos; constat autem hos affectus esse legitimas conuulsiones. Deindè Galeni mentem esse, conuulsionem referri ad deprauatam actionem: constat iam toties citato ubi con-

G. de diff.  
 symp. c. 3.

G. 2. caus.  
 symp. c. 3.

G. c. 2.

uulsionem inter motus illegitimos collocat, illegitimi deprauati censerī debent, sed multo manifestius de tremor. rigor. & palpit. vbi postquam inter alios affectus conuulsiones recensuit, ait: omnes etenim huiusmodi affectus vitiiati motus sunt, instrumentorum eorundem, quibus arbitrarij sanorum motus obeuntur.

Probari etiam potest conuulsionem esse motum deprauatum: quoniam est motus, ergo non ablatuſ, neque etiam est deminutus, vt patet, est ergo deprauatus. Quod sit motus ex Hippocrate colligi potest, in libro de vlceribus, quem Galenus citat libro de tremore, rigore, & palpit. inquit enim magnus senex. Stare vlceribus minimè conducit præfertim si crura infestent, neque sedere, neque ambulare, sed quiescere & otio vacare. Si igitur stare & sedere quieti & otio opponitur, stare & sedere est motus & actio. Sed adhuc instabit aliquis, à nobis superius est dictum, musculum conuulsum esse in termino motus, ceterum si motus suum terminum acquisiuit, non dicetur vitiiatus. Imò maxime, quippè terminum acquisiuit, quem acquirere non oportebat; sed adhuc dicet, terminum esse eundem cum termino motus à voluntate facti, quippè vt supra ex Galeno ostendimus, conuulsio à motu sanorum differt, duntaxat in eo quod sanorum motus à volun-

voluntate fit, conuulsio à morbo. Atego, aio, terminum acquisitum à morbo, licet sit idem cum termino motus sanorum ratione loci, differt tamen ratione modi. siquidem motus sanorum est liber; nempe ita est in termino vt pro arbitrio possit ibi esse & non esse, conuulsio vero musculus in termino quidem est coactus, hoc est, ita est ibi vt inde non possit distrahi.

Quæritis insuper, num sit vitiata facultas an sola actio; nam ex vna parte videtur actio dūtaxat læsa, quippe vitium est in instrumentum, quod ex morbo ineptum est ad motionem, quantumuis facultas non sit læsa; ex altera cum musculus à facultate habeat, quod operari possit, si nequit, semper dicitur facultas laborare. Cæterum in hoc dubio dicendum est, dupliciter posse considerari membrum conuulsū, vel prout est contractum & sic actio est læsa, nempe deprauata, quod satis iam manet probatum, vel prout libere nequit dilatari, & tunc impedita dicitur actio, imò ex hac parte omnino ablata. Rudius dicit impeditam actionem, vt indicet vitium esse instrumenti, nam si labefactatam dicamus, ad facultatem pertinebit. Hæc tamen grammaticalis est consideratio, dicemus igitur cogiquidem instrumentum ad deprauatum motum, nempe contractionis, facultatem vero impediri propter istum affectum atque ita re-

specū facultatis impeditæ erit liberæ dilata-  
tionis ablata actio.

G. J. meth.  
c. 1. & alibi  
sæpè.

Sed cum motus iste vitiatus symptoma sit,  
cum rursus omne symptoma morbum habeat  
à quo procedit, hic morbus curiosè ab aliqui-  
bus inquiritur. Sunt qui putent ex Galeno de-  
duci posse morbum esse continui solutionem:  
siquidem continui solutionem in membris,  
conuulsionem appellari ait; sed decipiuntur;  
nam vbi spasmus legunt, oportuisse legere  
spasma, quàm verò differant spasmus, & spasma  
initio diximus. Melius ergo est dicere  
morbum esse in compositione, videlicet in vi-  
tio pororum, quippè, siue humiditas, siue sic-  
citas (vt mox videbimus) conuulsionem fa-  
ciat, semper eam efficit meatibus præter na-  
turam dispositis, in humiditate namque dila-  
tantur in latitudinem, eorum verò longitudo  
decurtatur: in siccitate item propter defectū  
substantiæ humidæ minores redduntur. Sunt  
qui dicant morbum esse in quantitate nempè,  
si conuulsio fiat ab humido, erit in quantitate  
aucta, si à sicco in eadem diminuta, non est  
inconueniens vnum symptoma, quod non est  
pathognomonicum, esse commune pluribus  
morbis, conueniet namque omni, sed non so-  
li, potest etiam conuulsio ab humiditate, mor-  
bus esse in compositione, à siccitate verò mor-  
bus in temperamento; vno, aut aliomodo sen-  
tire cuilibet sine erroris periculo datur.

De causa maior est decertatio. Hippocrates duplicem duntaxat commemorat, inquit enim, conuulsio fit vel ex repletione, vel ex inanitione ita verò & singultus. Caterum, Argenterius, ne cum magno Hippocrate similitudines habere videatur, quas cum Galeno libenter suscipit, excusari quidem Hippocratem posse ait, imò potiùs defendi, Galenum vero nequaquam: nam Hippocrates non dixit conuulsionem fieri ab inanitione neruorum, sed quod inanitio conuulsionem pariat, id quod verum est. Siquidem per inanitionem corporis acres redduntur humores, maligni flatus, generantur, & alia mala oriuntur, ex quibus conuulsiones, præsertim, quæ fiunt per consensum excitari possunt.

Conatur deinde probare à siccitate non fieri conuulsionem: quoniam antequam tanta siccitas accedat, quanta gignendæ conuulsioni est necessaria, mors præueniet: quippè ad conuulsionem requiritur humorem illum absumi, quo nervus constat, ante quam hic absumatur, humores in vasorum cavitatibus contenti exhauriuntur. Deindè si siccitas conuulsionem facit, tabidi, qui ad summum siccitatis peruenerunt conuulsiones patiuntur, contrarium autem experimento constat. Præterea similitudinem quam affert Galenus sæpè ductam à fidibus instrumentorum musicalium, quæ siccitate dirumpuntur, & acorij,

quæ igne contrahuntur, non admittit, nam cythararum fides iam prius exsiccata, postea in loco sicco reposita, non habent partes circumuicinas, à quibus humiditatem possint surgere, vt nerui habent, coria ita contrahuntur vt non possint amplius reduci, at si quis neruum hominis, qui conuulsus periit manibus tractet eum sequacem reperiet.

Hæc tamen omnia frustra ab Argenterio sunt excogitata, & in mediū producta, siquidem facilem, & expeditam habent responsionem. In primis siccitas, quæ potens est conuulsionem facere, non est necesse vt tanta sit quantam ille supponit: si enim humiditas, quæ partes terreas glutinat, absumatur non conuulsio, sed incineratio consequetur, ad contrahendos duntaxat meatus minor siccitas sufficit, sed simul est humiditas, quæ ex carnibus circumuicinis calore liquatis ad neruos confluit, eosque humectat, quod si non fiat, conuulsio feбри superueniet, quam prauam esse dicit Hippocrates.

H. 2. aph.  
26.

Hercul. 9.  
ad Almanf.  
c. 12.

Tabidi non couelluntur: quoniam (vt Herculanus ait) siccitas in hectica est vniformis & ferè æqualis per totam nerui substantiam, ex eo quod inducta est paulatim; in conuulsione autem ab agente violento, paruo tempore inducta, nec vniformis, nec toto neruo æqualis, vnde vna pars, magis quam altera, contrahitur, è contra qui in sole aut in loco

cali-



calido permanent paulatim exsiccantur absque contractione. Sic lateres etiam in fornace si ignis sit mitis coquuntur, si fortis contorquentur. Siquis verò obijciat, colligi posse contractionem in conuulsione factam esse dū fit, aut vt loquuntur scholastici, in fieri; siquidem considerat contractionem prout sensim inducitur. Respondeo in conuulsione non nisi inductam contractionem considerari, cæterum alio modo inductam, quàm in hectica: quippè in hectica eò deuentum est, vt omnes particulæ parem obtineant siccitatis gradum, in conuulsione siccitas celeriter introducta, licet omnes partes occupauit, quasdam tamen minùs quàm alias. Fuit igitur initio tanta ab humiditate resistantia, vt propterea conuulsui fierent motus, deinde resistantia hac fere cessante motus cessauit, & pars in eo situ mansit, quem morbosa causa postulat, nempe contracta. Esse autem conuulsionis siccitatem inæqualem ex eo vel maxime constat, quod Galenus non semel dixit conuulsionem esse affectum doloris plenum, dolor autem ab inæquali intemperie fit, ideo hectica febre laborantes non sentiunt à calore febrili dolorem, quia siccitatem habent omnino æqualem. 1009  
Alia etiam potest dari ratio, cur in hectica febre non fiant conuulsiones, quæ etiam ratio à paulatino siccitatis ingressu accipitur. Nam dum paulatim partis humiditas exhauritur,

par-

G. 3. sympt.  
caus. c. 3.

partes, quæ remanent inanità, aëre replentur, quare non adest necessitas, quæ ad meatuum angustiam cogat. At verò si velociter, inæqualiter, & dispersè exsiccatur humidum, eo concursu, & dispersione loca partium concutuntur. Ex concursu autem partium propter fugam vacui cōcussio fit, ad quam sequitur cōuulsio. Etenim si siccitas fuisset moderata, neque ad concursum partium cogeret, ut vacuum impedirent, profectò utilis foret, & agilitatem præstaret: cum autem eo peruenerit, ut partes ad implendum vacuum succurrentes concutiantur, iam vitiosa erit, & cōuulsionem inducet. Hoc Galenus agnoscit, ut addiscere poterimus, ubi sic ait. Instrumentum, quò aridius est, eò magis aptum ad arbitrarium motum, nisi eo magnitudinis siccitas accedat, ut flecti membrum vix queat præ duritie, quo tempore cōuulsione sicca capi promptum est. Sic ille, qui duritiem à siccitate meritò supponit: siquidem ex siccata partes non ob aliud fortiter vniuntur, nisi ob impetum, quo ad vacuum impediendum concurrunt.

Itaque hæcenus infelicitè se Argenterium in suis obiectionibus gessisse vidistis, non autem magis feliciter se gessit in reprehendis exemplis, quibus Galenus ad cōuulsionem explicandam est usus. Nam quod ait fides cythararum non habere partes circumuicinas, à quibus humiditatem hauriant, nervos autem habere-

habere, si verum esset, vtrique nullus esset morbus à siccitate, siquidem semper vicinæ partes humectatione exsiccationem impedirét. Non tamen existimo illum morbos à siccitate negaturum, quod si negasset exhibendus esset. Sciat autem oportet siccitate meatus connuere & membrum decurtari, subinde cōtrahi: at si connuient meatus, potius humiditatem à se expellunt, quàm illam attrahant. Exemplo vobis sint madidæ vestes aquilonari aëri expositæ, quippè præ siccitate omne humidum, quod imbibitum habebant exprimunt, & ex se eijciunt. Præterea, quando nervus exsiccatus attraheret, ex vicinis partibus, vicinæ etiam partes propriæ conseruationi consulentes humiditatem sibi suam retinerent. Nec supponendum est superflua humiditate semper carnes laborare; quod si non nisi eam, quam habere oportet habeant, valenter retinebunt; sed dicetis valentiùs agere siccitatem humiditate; sit ita, sed hac vos ratione conuincam: nam tunc carnes exsiccatae trahunt rursus à nervis, nec est maior ratio in vna parte quàm in alia, sed ad sophismata labi videbimur.

Conuincam præterea Argenterium suo ipsius dogmate: inquit enim eam humiditatem, qua terrenæ partes conglutinantur, non nisi putredine posse separari. At choria & cythararum chordæ contrahuntur ex ipsius dogmate

te ob siccitatem, hoc est ob defectum humiditatis, quæ terrenæ partes glutinantur (hanc ille siccitatem esse contendit, quæ ad contractionem requiritur) nunquid igitur choria, & cythararum chordæ, quando retrahuntur, putrescunt? Choria, inquit, contracta, si manibus tractentur non cedunt, nervi autem cadauerum cedunt. Sed considerare debuerat, dari in rebus non animatis maximam contractionem, nihil enim est quod impediat, in viuente autem non tam vehemens contractio esse potest, quam mors præoccupet, ex minore igitur contractione prouenit, quod nervi cadauerum sequaces sint.

G. 13. inc.  
th. c. ult.

2. Aph. 26.

Demum, nequid desit, quod ad conuulsionem ex siccitate spectat, meritò à Galeno sæpè repetitum est, eam vix curari quidem posse, imò incurabilem omninò esse; si rationem ab eo quæritis, vobis satisfaciet inquit enim, maximum esse malū, & penè insanabile: quoniam longum tempus exigitur ad siccitatem nervorum remouendam: vehementia autem morbi tempus non expectat, sed citò vires dissoluit, & subitò exitium affert. Sic ille. Ego vniuersaliore argumento vtor sumpto ex concessis apud omnes. Morbus siccus difficilior est humido, (hoc quidem omnes admittunt, & nos alibi fusius tractabimus) conuulsio ex humiditate valdè periculosa est, (hoc quoque norunt omnes medicinam facientes) quid inde sequa-

sequatur unicuique licet inferre.

Arbitratur itaq; Argenterius convulsionē, quam à siccitate fieri dixit Galenus, non quidem à siccitate, sed ab humorum acrimonia gigni, comitem ille habet Herculem saxoniam, qui, quoniam Hippocrates in fine aphorismi citati postquam dixerat convulsionem à repletionē & inanitione fieri, adiungit ita verò & singultus: discurret per causas singultus, easque convulsioni accommodat, neque alias in hoc quam in illo affectu esse contendit, quoniam autem singultus à causa irritante fit, existimat convulsionem etiam, siue à repletionē, siue ab inanitione accidat, non aliter excitari quam per naturæ irritationem. Cæterum non colligitur ex his verbis id, quod ille existimavit, nempe singultum esse veram convulsionem, & præter causas convulsionis nullas alias habere. Est singultus motus convulsivo motui similis, à vomitu magnitudine duntaxat differens: quippe vomitu expelluntur ea quæ in ventriculi capacitate continentur, hoc autem facilius fit, quam expulsio eorum quæ in tunica ventriculi substantia imbibita sunt: hæc autem expulsio singultu peragitur, quod Galenus in commento prædicti aphorismi declarat.

Itaque esse motum convulsioni similem admittit Auicenna, qui definiens singultum dixit, esse motum sicut spasmus, quod accipisse videtur ex Galeno, ubi ait ventriculi motus,

Au. Lib. 3.  
fen. 13. tit. 5.  
c. 20.

G. 3. sympt.  
caus. 2.

qui

qui velut conuulsus est, qui in singultiendo accidit, conuulsio quidem in totum non est (ut potè, quæ in solis accidit musculis, ventriculus autem nec ipse musculus est, neque eius, sed veluti conuulsio quædam) & de differ. sympt. dicit cum igitur circum cibos venter se constringit. cæterum cum palpitatione quadam, vel tamquam conuulsione, & tremore, & vibratu eiusmodi constrictionis opus vitiosum fuerit. Sic ille, quid autem tamquam conuulsionem appellet, statim declarat inquiring. Ac palpitationem ventris clare sentimus, itemq; conuulsionem, singultum enim hoc symptoma nominant. hæc sunt eius verba, quib. dum singultum tamquam conuulsionem esse fateatur, conuulsionem esse negat: quod autem eius mens fuerit hoc negare patet, ubi non ex propria, sed ex aliorum mente, singultum quoque conuulsionis speciem esse arbitratur. Quamuis autem dicat, quod autem & singultus conuulsio sit stomachi secundum Hippocratem, nos utique nouimus, intelligere oportet pro conuulsione, conuulsioni similè affectum. Sic qualis passio est conuulsio musculis, talis conuulsio stomacho. talem dixit, hoc est similem. Tandem cur aliquando conuulsionis nomine singultum dignetur (nempè concedendum est singultui conuulsionis nomē attribui) manifestabo quando aliud fuerit sermonis propositum, non verò, quando singultus substantiam

C. 4.

G. 2. sympt.  
caus. c.

5. Aph. 4.

7. Aph. 3.

6. Aph. 39.

tiam

tiam volumus cognoscere.

Porro cum singultus passio sit conuulsioni similis, similes habebit causas; præter has autem nihil prohibet habere alias, nempe præter repletionem & inanitionem, etiam materiam mordentem, nisi velitis hanc materiam, siquidem euacuatione curatur, ad repletionem reuocare, quod quidē abusuē erit dictum: nam semper humor euacuatur, quia sua quantitate nocet, sed aliquando etiam (v̄t in hoc casu) quia sua qualitate molestat, & tunc valdē improprie repletionem adesse quispiam dixerit. Ceterum de singultu alibi expresso agemus, nunc sufficiat dicere hanc passionem & à causis fieri, ex quibus fit conuulsio, & ab alijs præterea nempe irritantibus, quod sibi contigisse narrat, si piperis aliquando immodicam quantitatem ingessisset.

Sed iam proximè ad hos accedamus, qui dum ex siccitate conuulsionem fieri posse negant, cum videant corpora exsiccata conuelli, id fieri aiunt, quia humores siccitate acrimoniam acquirūt; ob hanc autem membra morderi & effugientia hanc noxam in conuulsionem incidere; isti præter quàm quod non agnoscunt conuulsionē, sed pro ea conuulsivos motus accipiunt solamque eam admittunt, quàm diximus esse non proportionatam ad materiam, ac proinde spuriam. Dicant mihi num à simultaneis euacuationibus corpus ex-

sicca

G. 3. de loci  
affect. c. 7.  
in fine.

siccari agnoscant, non credo negaturos; dicant rursus, an corpus ab huiusmodi euacuationibus exsiccatum conuelli viderint? profecto, si medicam artem exercent, negare non possunt; quod si negauerint Hippocratem aduersantem habebunt: quippè nihil frequentius est apud eum, quam lethale signum ex conuulsione ad superfluas euacuationes superueniente accipere. Sed nunquid hanc siccitatem ab euacuatione factam existimant humoribus in corpore relictis acrimoniam tribuisse? tam subito nè isthæc acrimonia est facta? profecto monstrum loquuntur, qui hoc proferunt. Quare eos relinquo & ad alias conuulsionis causas me confero. Timeo tamen ne Galenum in contradictione reperiam à qua excusari nequeat.

H. 6. aph.  
39.

Proposuit, ut vidistis Hippocrates duas tantum causas, alteram repletionem, alteram inanitionem; repletionem humiditatem appellat medici, quia humectatio (ut Aristoteles ait) nunquam fit sine corpore, inanitionem vero siccitatem: quippè id, quod inanimatum est exsiccatum manet. Sed dantur ne præter has duas causas aliæ? certè Galenus sic ait, *Hippocrates quidem igitur conuulsionem fieri dixit ex repletionem, & euacuationem, & additum est ad aphorismum ferme in omnibus exemplaribus, sic autem & singultus, ego verò in conuulsione tertium aliquam causam supra repletionem, & euacuationem, non dum* reperij;

G al. 8. de  
cōp. med.  
per loc. c. 3.



reperiij; consideratione in primis dignum est, dictum abesse in exemplari ferè omni vt insinuaret aliqua esse exemplaria, quæ hac vltima aphorismi parte carerent. Sed de singulata iam dictum est; quod autem conuulsionem dicat se nunquam ab alia causa nisi à repletionem & euacuatione factam reperijsse, immemorem illum sui ipsius esse arguit: quippè alias alibi causas affert. nempè repletionem, mordicationem, frigiditatem, & vltimo loco inanitionem, ex qua neminem sanatum vidit, aut alium narrantem audiuit. Iam ergo præter duas causas repletionem scilicet, & inanitionem duas alias nobis affert, nempè mordicationem, & frigiditatem. Cæterum mordicationem possumus dicere potiùs esse causam conuulsiui motus, hoc est conuulsionis spuria quam veræ, Galenumque ibi cum de curandi methodo ageret, vtramq; conuulsionem tam legitimam, quam spuriam attulisse, ne quid quod ad curationem pertinet omisisse videretur, quod animadnertit Vallesius; & hæc mihi Vall. 5. cõtr. c. 16, videtur melior responsio quam aliorum, qui dicunt ex irritatione concurrere ad partem materiam, ex cuius concursu repletio fit, ex repletionem autem conuulsionem & ita ex irritatione conuulsionem ad eam quæ ex repletionem referendam esse censet. Sed frustra, tum quia irritatio, ac proindè conuulsiuus motus prior est quam repletio, vnde non potest re-

Marcell.  
Donat. hi-  
stor. me-  
dic.

pletio esse causa illius motus; tum etiam conuulsio, quæ fit ab irritante causa est motus factus à natura irritata, conuulsio autem vera à solo morbo, quod iam satis declaratum superius est, tum denique quoniam (vt annotauit Marcellus Donatus) tam potest irritatione materia deduci ad nervos, vt fiat repletio, quã etiam abduci à nervis vt fiat inanitio, ac proinde irritatio, seu ab irritatione agitatio, non magis ad repletionem quàm ad inanitionem referri debet. Tandem conuulsio ex repletionem fit, quia pars in tumorem eleuatur, vt distensio fiat secundum latitudinem, contractio verò secundum longitudinem, vt accidit fidibus cythararum positis in loco humido.

Tantum ergo abest vt inanitio generando humores acres, & mordaces conuulsionem pariat, quin potius contrarium à Galeno merito sit dictum, videlicet humores acres siccitatem efficere, à qua conuulsio: sic enim inquit: & videtur ista conuulsio (loquitur de ea quæ mordicatione fit) ijs qui ab elleboro purgantur, non dicta ab Hippocrate, aliquando fieri. Nisi per Iouem, illam dixerit quispiam fieri ex inanitione, cum humores mordaces vim habeant exsiccandi. Ex his verbis colligite humores mordaces exsiccâdo conuulsionem efficere, ac proinde, conuulsionem ex inanitione non esse dicendum fieri ob mordacitatem, sed eam, quæ ab humoribus mordacibus

cibus fit, fieri ob exsiccationem. Hanc Galeni doctrinam non attuli quia veram esse existimem, imo nec ipse constanter eam tenet, ut ostendunt verba, (nisi quispiam dixerit,) sed volui solum significare, siccitatem non gignere convulsionem media mordicatione, sed mordicationem media siccitate. Et profecto fides musicalium instrumentorum & cotia contracta à siccitate distensionem contractionemque habent, ut hinc vel maximè liceat inferre, siccitatem esse opportunam ad generandas, citrà omnem mordicationem, convulsiones.

Itaque non est dicendum mordacitatem reduci ad repletionem, quod satis manet demonstratum, nec etiam ad inanitionem: nam Galenus diuersas causas statuit dum loco supra citato numerans quatuor causas, prius posuit tres repletionem, mordacitatem, & frigiditatem; deinde addidit quartam, nempe inanitionem, quam dixit esse insanabilem. Deinde etiam frequentissimum est in Galeni doctrina quam ab Hippocrate didicit, convulsionem ab inanitione, aut insanabilem esse, aut saltem vix sanabilem, ea verò quæ ab irritatione fit facillè sanatur.

Sed quid de frigiditate dicendum est? profecto Galenus in illo 12. meth. citato causam per se præter reliquas separatam hanc recensent inquit, vel ex frigore ingente, quod ta-

le quale gelu efficit. Ex his verbis vult Carrerus inferre, frigiditatem non conuellere irritando sed congelando; mihi tamen non ita videtur, sed efficere frigidam causam id, quod exterius frigiditas & gelu efficiunt: non nè Hippocrates dixit, frigidum conuulsiones distentiones, liuores, rigores febriles efficere, sed quomodo conuulsiones efficiet? nempè mordicando, mordicationem in frigore quis non agnoscit? quis negabit frigidum neruis esse inimicum? Igitur qui mordacitatem à vehemente frigore auferre velit, contra id quod manifestum est loquetur. Quapropter videtur mihi Auicen. rectè inter causas spasmi nō proportionati ad materiam, infrigidationem recensere. Propterea nos sicut prius irritationem diximus motuum cōuulsiuorum esse causam, sic etiam eorundem causam frigiditatem statuimus. Quādo autem Hippocrates conuulsionibus per remedia calida mederi, docet, cur de moribus conuulsiuis eum loqui non admittimus, Carrerus nō admittit ceterum legislatorum more. Manifestum est autem (quod Carrerus non negat) motus conuulsiuos à frigore fieri sic Galenus ait, si frigus vel musculos thoracis apprehenderit vel neruos, durities quædam instrumentis adueniet, & motus conuulsioni similis.

Frigiditas tamen, quæ conuulsiuos motus efficit, si augeatur poterit neruos musculosq; indu-

H.5.aph.17

H.4. de arti  
cul. tex. 21.

G.6.aph.  
54.

indurando conuulsionem gignere; unde Hippocrates ait, *In febris spiritus offendens, malum: conuulsionem enim significat*, nempè spiritus offendens, hoc est respiratio interrupta, qualis in pueris plorantibus conspicitur, significat futuram conuulsionem: quippè motus ille conuulsuus, si causa augeatur in veram deueniet conuulsionem. Porro ex frigidityte conuulsionem cum auditis, intelligere oportet ex frigidityte mordicante conuulsionem spuriam, & validiore densante legitimam. Cumque præter duas illas causas repletionem, & inanitionem detur frigiditytas, Hippocratem excusabimus, qui duas illas expressit, tertiam non negauit. Hac excusatione Galenus non est dignus, qui præter duas tertiam se nunquam reperijsse fatetur.

Sunt qui frigiditytatem ad repletionem reijciant, quoniam frigiditytas difficilem difflationem facit, difficilis autem difflatio occasionem præstat ut nerui repleantur. Hoc ex Galeni doctrina accipiunt: siquidem hæc sunt eius verba, *algor autem, & frigiditytas omnis, eò quod omnia neruosa corpora efficiunt ad difflandum difficilia, sunt causa ut hæc repleantur, & hoc intelligunt a Galeno esse dictum, ut modum ostendat, quo ex frigidityte fit conuulsio & alibi non semel frigiditydum conuulsiones, & distentiones facere natura esse aptum, nempè difflationem impediendo, &*

subindè augmento humorum occasionem præstando. Verùm licet concedamus posse à frigidityte aliquando repletionem fieri, à repletionem autem conuulsionem, tunc erit causa valdè remota, nec tamen iccirco negandum est frigiditytem sæpè, prout est causa proxima, conuulsionem efficere.

Alij dicunt frigore exprimi humiditatem in neruos; hoc tamen iam superiùs refutauimus, Auicenna videtur velle congelatione facta à frigore reddi humiditatem minorem, videlicet (vt Gentilis explicat) minorem secundum extensionem, ac proindè efficiet conuulsionem ex siccityte. Verùm congelatio magis propriè, magisque per se, indurando instrumentum conuulsionem faciet, quàm materiam condensatione in minore spatio recludendo.

G. 2. d. cau.  
symp. c. 2.

Præter has causas, fieri etiam potest conuulsio ex flatu, quod Galenum non latuit: siquidem sic ait, *siue igitur ad principium tensis, siue flatus influxu impletis musculis voluntarij motus erant obiti*; hæc eadem in conuulsione accidunt, tum spiritu flatuoso in musculis gigni potente. Galenum sequitur Auicenna dicens, & non est quidem longinquum, quin sit spasmus eueniens à ventositate inflatiua sparsa: ipse enim est ex eis, quæ plurimum accidunt. Post hos Fernelius idem sentit, fieri enim ait conuulsionem à flatu crasso, qui occupat,

pat, & replet nervos, distenditque secundum latitudinem sicut humor, & contrahit secundum longitudinem.

Cæterum ut hoc aliquando ita posse accidere certum est, ita falsum quod Andreas Cæsalpinus existimavit, videlicet non ab alia causa, quam à flatuosa spirituosa substantia omnem convulsionem fieri. Id sibi persuadet quoniam cadauera eorum, qui convulsione perierunt manent laxata, non contracta. Sed hoc fundamentum est contra experientiam, manent namque convulsorum cadauera contracta quemadmodum ante interitum fuerant. Adiungit rationem, quam superius iam solvimus, nempe si à siccitate evenisset convulsio tabidos omnes debere convulsiones pati, tandem ait Hippocratem & Galenum, qui dixerunt fieri convulsionem ex repletionem, & inanitionem, non tradidisse causas immediatas, sed remotiores: ex repletionem enim fit non humore extendente, sed quia occludit meatus spiritus; inanitionem verò non nervorum, sed totius corporis, ut patet in superflua evacuatione, atque ne detur vacuum spiritus communentur & replent, quod indicat horror, qui fit in urinæ excretionem ex Aristotele.

Arist. sect.  
8. prob. 9.

Modus autem quo fieri convulsiones arbitratur, est huiusmodi. Spiritus propter causas molestantes agitantur, faciunt autem

conuulsionem, quoniam intercipiuntur propter causam, quæ valet meatus occludere: sic enim spiritus exitum non habentes distendunt quousque clausio cessat. Pulsus autem indicat flatum esse immediatam tensionis causam: nam in hoc affectu pulsus est durus, arteria ad similitudinem chordæ tensa, & sursum deorsumque agitur instar vibrantis.

Hæc omnia frustra ab hoc authore dicta censerī debent: oportuerat namque ante omnia declarare, cur flatus melius distendat, quā humor, quod certè facere non potest, quippe humores crassiores habent substantiam, & maiorem quantitatem; quā flatus; quare si humoribus exitus non pateat, multò fortius & pertinacius distendent, quā flatus; quorum est facilis dissolutio. Deinde si inanitio est totius corporis, non est cur spiritus ad neruorū cavitates ferantur ne detur vacuum. Tandem multi sunt tympanitici, multi hypochondriaci affectibus vexati, qui plurimos flatus gignunt, nec conuulsionibus tentantur. Abeat igitur cum suo hoc paradoxico & valde erroneo inuentu. Sed satis iam superque causas in examen videmur reuocasse.

Inquirere autem oportet quæ nam sit pars affecta in conuulsione? Poterit aliquis existimare eam esse neruum, & ad hoc persuadendum non deerunt in Galeni doctrina varijs satisque evidentes loci. In primis sic ait, quem-

admo-



admodum vbi vel brachium, vel crus, vel musculus vnus tenditur, ac violenter conuellitur, vnus semper neruis qui particulam mouet vitium est. Conuulsionem ad solos neruos primario pertinere affirmat. G.7.aph.13

Alij non neruis solum & musculis simul hunc affectum tribuunt, qui Galenum quoque fautorem habent, vt videre est apud eum, vbi sic habet, *verum qui musculis & neruis perficitur* G.de trem. rig. palp.c.2. (nempe motus) *per quem & manus & crura mouemus in tremoribus, conuulsionibus, rigoribus morbidis.*

Alij musculis solum, idque ex Galeno accipiunt singultus in totum conuulsio est, vt quæ solis accidit musculis. Alij ad omnes neruosas partes ex eodem sic. Ipse docuit Hippocrates conuulsionem ex inanitione & repletionem fieri corporum neruosorum, à quibus secundum electionem motus perficiuntur: sunt autem nerui, musculi, ligamenta, tendines. In hanc sententiam etiam trahi idem potest, quando singultum conuulsionem ventriculi appellat, & quando in laborantibus hysterica affectione vasa vteri conuelli dixit. G.3.caus. symp.c.2. H.5.aph.1.

Cæterum tametsi Galenus si distinctè loqueretur omne dubium posset auferre, nihilominus ex confusa eius locutione hoc vnum poterimus asserere vt eum à contradictionis nota vendicemus. Nempe cum motus voluntarius, & conuulsio ratione principij dunta-

G.lib.diff.  
symp.c.4.  
6.Loc.aff.  
c.vlt.

xat differant, quippè voluntarius à facultate fit, conuulsio à solo morbo, ratione instrumenti non differunt, sed vnum & idem est instrumentum voluntarij motus & eius qui conuulsio appellatur. Cum rursus voluntarij motus instrumentum proximum sit musculus, quotiescumque Galenus musculo conuulsionem attribuit de conuulsione legitima ac propria loquitur, quando vero alia membra conuelli dicit, impropiam quandam conuulsionem & non nisi per similitudinem talem intelligit. Postularet hic locus, vt musculum arbitrarij motus instrumentum proprium esse demonstrarem, verum quoniam res est valdè manifesta, & à Galeno sæpiùs repetita, ab alijsque vsque ad nauseam pertractata, ab hoc labore in præsens super sedebo, quem tamen commodiorem occasionem aliquando nactus accipiam.

Multa de conuulsione diximus & de tribus eius speciebus, vt de tetano, emprosthotono, episthotono, de prognosticis, quæ ab hoc affectu accipi possunt, & de affectibus à quibus in hunc periculum est labi & alijs huiusmodi, quoniam tamen horum omnium sparsim in historijs Hippocratis fit mentio, sparsim suis locis, ne confusus fiat accersis à nobis, qua poterimus diligentia tractabuntur.

*Exercitatio cur agrotantes interdum propè mortem melius habere videantur .*

**C**ontingit aliquando, vt agrotantes re ad triarios deducta, sanitatis specimen præ se ferant, quo & ægrum, & assistentes illudunt, & aliquando medicos nisi ratione & experimento sint præstantes : nam qui Hippocraticis præceptis sunt imbuti cum ante oculos habere debeant magni viri sententiam admonētis ne fides ijs habeatur, quæ præter rationem eueniunt, decipi haud quaquam possant. Huius euentus rationem reddunt aliqui, inter quos est Mercurialis ; quoniam natura quasi fatigata paululum desitit à pugna, ad quam rursus rediens occumbit. Cæterum (vt iam dixisse memini ; ) displicet mihi valdè à rebus liberè operantibus, seu ab actionibus animalibus, ad naturales, quæ necessariò agunt, argumentum deducere. Quiescit homo defatigatus, in cuius libertate est refectioni virium incumbere, non sic autem quiescit natiuus calor quamtuuis laboret : siquidem semper ad vltimum potentiæ agit.

Quæreda igitur est aliundè ratio, nec vnā duntaxat, sed plures reperio. In primis referri hoc potest ad extremum conatum, qui si non prorsus expellet malum, facit tamen abscedere à quibusdam partibus, & sic salutis spes se se incipit insinuare, donec nouo impetu excrementa

menta irruunt, & præ virium impotentia iterum abscedere nequeunt, vnde vltima perniciēs superuenit.

Potest etiam referri ad quandam veluti gangrænam, & extinctionem naturalis caloris ob spirituum defectum: nam appropinquante morte partium sensus minuitur, facultatumque cessat actio, quare symptomata etiam quodammodo cessant, hæc autem cessatio mors est.

Ad facultatis præterea debilitatem hoc ipsum referendum est: quippè debilis facultas desinit excrementa mouere, excrementa verò quieta quàm mota minùs molestant, magis tamen nocent, tacito tamen nocumento, quod suo fine pròdit.

Non displicet mihi Cardani responsio: videlicet in lethaliſ morbis dari etiam aliquã quietem, tum ob horas diei: semper enim matutina hora ægrotantibus est fauorabilis; tum ob motum materiæ, quæ aliquando accipit viam, in qua minus molestat, licet in ea non perseveret; tum ob astrorum dispositionem: certissimum namque est corpora nostra supernis lationibus esse ob noxia; tum ob comparationes causarum, vt si comparetur exacerbatio huius horæ cum exacerbatione hesternæ diei in eadem hora.

*Exercitatio de die Vigesimo.*

**N**Vmerantur dies decretorij à primo insultu ad vigesimum vsq; diem per quaternarios ; à vigesimo ad quadagesimum per septimanas ; à quadagesimo ad septesimum per numeros vicenarios, à centesimo verò per centenarios . Hinc colligo maximam vigesimi præstantiam : tres enim prærogativas habet, prima est, quod adhuc participat primam numerandi rationem , sub qua & septimus , & decimus quartus comprehenduntur , ad quos omnes per quaternarios scãdit; secunda quod principium & fundamentum est numerandi per septimanas, quas ad omnem mutationem magni momenti esse omnes norunt ; tertia quod potentiam suam vsque ad centesimum diem ostendit; siquidem ad centesimam, si rectè computatio facienda est , per multiplicationem vigesimi debet fieri .

Possumus tribus his prærogationis quartam adscribere experientiam, quam nobis Hippocraticæ historiæ præstant, cum in his frequentes iudicationes vigesima die factæ narrentur. Nam præter Philini uxorem, de qua in præsens, Cherion etiam , & Eurianaëtis filia vigesima die crifino habuerunt , vt iam hinc possimus colligere aduersus Dioclem , & Archigenem, qui vigesimum primum, non autem vigesimum decretorium esse dicebant . Quin etiam Cor-

nelius Celsus eiusdem fuit opinionis, & forsitan existimauit hanc esse Hippocratis doctrinam, cum enim Hippocratem semper sequatur si agnosceret magnum senem vigesimam diem decretoriam agnouisse, non ausus fuisset ab eo recedere. Itaque Celsus in Hippocratis libris quoties de diebus, qui iudicandi vim habent sermo incidit, semper vigesimæ primæ mentionem factam reperijt in epidem: quidē in historia vxoris Dealcis, quæ in horto decumbebat, iterum verò his verbis circuitum, qui iudicantur diebus imparibus, primus est tertius, quintus, septimus, nonus, vndecimus, septimus decimus, vigesimus primus. Præterea sudores febricitantibus boni, qui inceperint die tertio, quinto, septimo, nono, vndecimo, decimo quarto, decimo septimo, vigesimo primo, libro etiam 1. de morbis vigesimi primi mentionem facit. Hæc quidem ita sunt; verum debuerat Celsus historias superius dictas considerare in quibus crises vigesima die factæ commemorantur, vt hanc vigesimam non omitteret, quā Galenus iure optimo vigesimæ primæ prætulit, vtpotēq; frequentiores quam vigesima prima crises afferat.

Est etiam alia ratio, quæ persuadet, vigesimam diem amplexatum fuisse Hippocratem, tamquam præcipuam iudicatricem, nempe quia decretorios post tertiam septimanā omnes à vigesimo non à vigesimo primo numerat.

H. 1. epid.

4. Aph. 64.

G. lib 3. de  
dieb. dec.  
c. 7.

rat. nempe 24. 27. 34. 37. 40. quod si à vigesimo primo calcularet essent critici 25. 28. 32. 35. 42. quorum non meminit vnquam. Quid plura; non ne idem Hippocrates, vigesimum decretorium esse sancit? Imò maximè: inquit enim primus impetus in hunc modum finitur (nempe die quarto) secundus verò ad septimum producitur: tertius ad vndecimū: quartus ad quartum decimum: quintus ad decimū septimum: sextus ad vigesimum: Vocat autem impetus, quoniam in vigesimum vsque diem morbi impetu feruntur, deinceps verò multum de vehementia perdunt dicente Galeno, vsque ad vigesimum quartum quidem diem magis fieri in morbis mutationes, proximo loco succedere quæ vsq; ad vigesimum habentur. Quæ verò post hunc, ad quadragesimum vsque succedunt, paulatim vehementiam, efficaciamq; amittere, sicut à quadragesimo omnes prorsus languent, coctione potius, & abscessibus, quàm crisis morbos finientibus. Accedunt nihilominus interdum post quadragesimum crises per excretionem, sed admodum raro citra magnam vehementiam, & quæ pluribus diebus complentur.

Porro præstantia vigesimi diei ex eo prouenit, quod septimanas tres constituit. Hoc autem erit vobis facile intellectu; si ad computandum Hippocratica doctrina incedatis instructi, iuxta quam innotescit non esse numeran-

H. j. plog. j

G. i. dier.  
decret. c. 10

inerandos ad septimanas constituendas dies integros sed mutilatos, non quod vnusquisque dies seorsim mutiletur: nam integri 24. horarum assumendi sunt, sed quoniam ille dies, qui quaternarium, aut septimanam conficit mutilus debet esse: quippè nec annus, nec mensis integro die ultimo complentur. Annus trecentos sexaginta quinque dies habet & particulam insuper vnus diei maiorem, quam est pars quarta: videlicet si quadranti vnus diei centesimam vnus partis partem adiiciamus. Mensis absoluitur non triginta diebus integris sed viginti nouem cum dimidio. Sic septimana sexta diei parte indiget vt septem integros dies habeat, estq; dierum sex & horarum quatuor. Mutilandos esse dies ad comprehendendum inter decretorios vigesimum addiscimus à magno magistro, qui postquam 3. progn. citato impetus morborum (vt diximus) recensuit, inter quos vigesimum reposuit, textu sequente addit. Fieri vero non potest, vt horum vllus integris diebus ex actè numeretur: non enim annus, ac menses integris numerari diebus natura apti sunt. Hæc sunt eius verba, ex quibus colligere possumus eum vigesimum diem inter decretorios numerari voluisse, alioquin si vigesimum primum prætulisset non erat cur dierum mutilationem inculcaret.

Calculari igitur in hunc modum possumus.

Cur.



*Cursus lunarius* (iuxta quem criticorum vim debemus inquirere) seu mensis peragrationis lunæ sub Zodiaco diebus viginti & septem & triente, hoc est horis octo completur. Hoc tempus si in quatuor septimanas diuidatur, vnaquæque earum habebit dies sex & horas viginti. Accipite ergo tres septimanas & efficiant dies viginti cum demidio, ac proinde erit in confinio inter vigesimum, & vigesimum primum. Cæterum quoniam in criticorum vi indaganda, nec ab astrologis omnino recedendum est, neque adeo illis adhærendum, vt omnino physicam rationem relinquamus, considerare oportet (id, quod iam superius cæpimus dicere) decretorios, vsque ad vigesimum impetus ab Hippocrate nuncupari, & morbos eo vsque accedentes, acutissimos censere. Iste igitur impetus, ista acuties velocitatem aliquam morbo præstare debent, sit igitur velocitas talis, quæ per vnius horæ demidium duntaxat anticipare faciat, iam ergo ex viginti cum demidio remanebit solus vigesimus & nil ultra.

21 Galenus aliter à vigesimo die cum dimidio illum diem suffurari conatur, sed miserè labitur: quippè eius ratio stare nullo modo potest: existimat namque accessiones vigesima die iam inueterascere, ac proinde paribus diebus accidere, quæ verò in imparibus fiunt ad vigesimam primam delabuntur. Videtur ta-

men mihi fasciculum errorum confecisse : quippè in his paucissimis verbis tres saltem lapsus comprehendo . Primus est quod morbum vigesima die inueterascere ait , parum oblitus verborum Hippocratis sic dicentis . Hi ergo ex morbis acutissimis per quatuor ad viginti additionem terminantur . Sic Hippocrates ; si ergo vigesimo die morbi sunt acutissimi , profectò non dum hac die veterascere dicuntur . Et quis dubitat adhuc vigesimum esse terminum acutorum , qui si exactè acuti non sunt , at saltem non adhuc sunt acuti ex decidentia ; quod Galenus met non negabit : siquidem scriptum reliquit , morbum exactè peracutum quatuor diebus terminari peracutum septem , acutum exactè quatuordecim , acutum simpliciter viginti , & hinc ad quadragesimum ex delapsu acutum nuncupari .

2. Dieb. dec.  
cret. c. 12.

Alter verò error est , quod ait accessiones propterea quod iam inueterascunt paribus diebus accidere , ac proindè vigesimo , qui par est . Non est quidem negandum vigesimum diem esse parem siquidem ex duobus numeris integris sine mutilatione vnus componitur nempè ex duobus denariis , quare accessiones , quæ diebus paribus accidunt , vigesimo accidere possunt . Cæterum iam superiùs ( cum de accessionibus , quæ paribus diebus accidunt ageremus ) dixisse memini , decimum quartum esse simul parem & imparem , videlicet parem arithme-

arithmeticè, imparem medicè, ac proinde  
 posse iudicare tum accessiones, quæ sunt die-  
 bus paribus, tum eas, quæ imparibus; nam non  
 est omnino necessarium, vt dies accessionis &  
 dies criseos simul coïncidant: quamuis id ma-  
 gna ex parte ita fiat. Idem nunc de vigesimo  
 die repetendum est: arithmetica computatio  
 vigesimum parem facit; medica verò impa-  
 rem: sic quidem norma medica computandi  
 iubet, vt secunda septimana separata incipiat,  
 hoc est die octauo, tertia verò coniuncta, hoc  
 est die quartodecimo, vt secunda septimana  
 nullum diem prioris occupet, tertia verò se-  
 cundæ vltimum. Idcirco Hippocrates *septe-* H.2.aph.24  
*norum*, inquit, *quartus est index, alterius septi-*  
*manæ octauus initium, est autem & undecimus*  
*contemplabilis: ipse enim quartus est secunda se-*  
*ptimanæ. Rursus verò, & septimus decimus con-*  
*templabilis: ipse siquidem quartus est à decimo-*  
*quarto, septimus verò ab undecimo.* Hæc est  
 medica computatio: si ergo decimus septi-  
 mus, est quartus à decimo quarto, manifestum  
 est tertiam septimanam accipere in se diem  
 decimum quartum à quo incipit. Itaque vi-  
 gesimum diem morbo setiam, qui diebus im-  
 paribus exacerbantur, iudicare posse oppor-  
 tunum est. *Undecimus, quartus est accessio-*  
 Tertius tandem error, dum ait morbos qui  
 iudicantur imparibus ad vigesimum primum  
 delabi. Deus bone idemmet Galenus mor- G.4.aph.36  
 bos,

bos, qui diebus imparibus accessionem habent, citiùs iudicari vult, si citiùs, cur non in vigesimo iudicantur, sed transmittuntur ad vigesimum primum? Dicet fortasse non iudicari vigesimo, quia vigesimus nequit iudicare eos, qui diebus imparibus exacerbantur. At ego inquam, hos posse die decimo nono iudicari, vt citiùs quàm vigesimo iudicentur. Scio quid respondebit. nempè decimam nonam non esse iudicatoriam, quoniam in ea neminem iudicatum vidit Hippocrates, rarò etiam vigesimi diei iudicium ad se rapere; nam cum morbus ad eum terminum accedit, iam lentè mouetur: si enim velociùs moueretur decimo septimo iudicatus esset. Sed esto contingat ita. non nè supponimus morbum, qui diebus imparibus exacerbatur citiùs iudicari, iudicetur ergo (quoniam non vult Galenus vigesimo, nec decimo nono) saltem decimo septimo; nam cur morbus, qui velox est, & velocem postulat iudicationis diem, ad vigesimam primam, quæ tam acutorum simpliciter numerum præter greditur, transmittemus. Profectò ex hac Galeni positione dicemus citiùs terminari morbos acutos ex delapsu, quàm simpliciter acutos; siquidem simpliciter acuti vigesimo terminatur, acuti ex delapsu iam inde numerantur. Non est ergo recipienda hæc Galeni doctrina, sicut nec recipi solet in sua mensium diuisione, cum me-

dici-

dicinalem quendam mensē chymericum confingit, de quo alibi disputandi occasio dabitur.

*Exercitatio de partu laborioso.*

**P**artum ne vitiosum, an difficilem, seu laboriosum dicatis nihil refert: neque enim Mercurialem, & Rodericum de Castro recipio, qui vnum ab altero seiungunt: quod si dicatis omnem partum vitiosum esse difficilem, non tamen ē contra, difficilem esse vitiosum, quippè vitiosum dicimus, quando fœtus non exit in sua figura, laboriosum verò, quando tametsi in sua figura exeat, cum labore tamen est, ego respondebo non solum vitiosum partum appellari ob vitium figuræ infantis, sed etiam ob vitia reliquarum rerum concurrentium ad partum, & sic deueniemus ad quæstionem de nomine. Cæterum cum partum dicimus maturum, idest suo tempore factum, insinuamus, aliter abortum dicemus. Cum difficilem laboriosumve addimus, naturali difficultati, laborivè aliquid apponimus. Naturalem difficultatem appello eam, quæ ex natura rei omnibus parturientibus est communis. Occulta iudicia tua Domine, qui homini Mundi istius incolæ ingressum in domum hanc suam magnam adeo angustum parasti, ut quoties fœtus in lucem exit mira-

Pl. 138.

culi instar sit & matrem superstitem remanere, & prolem iccirco David Deo acceptam refert, quòd ex vtero matris se incolumen eduxerit : quippè ait suscepisti me de vtero matris meæ. Cæterùm quæret aliquis, si naturalis est mulieribus hic labor, quomodo eum prima parens supplicij loco habuit? foret quidem mulier in statu innocentia à partus labore, & dolore super naturali quadam ratione immunis. Ita videtur sentire Divus Augustinus, quippè cum fœtus in vtero iam ad partum fuisset maturus tunc ait, vt materna viscera sponte in tantum laxarentur, vt còmodum fœtui transitum præberent : sic ad pariendum non doloris gemitus, sed maturitatis impulsus fãminea viscera relaxaret. Sed hæc theologis relinquamus, nobis satis est ex naturali fãminei sexus constitutione necessarium esse, vt parturiat cum dolore.

14. De ciu.  
Dei c. 26.

Non est tamen vna duntaxat laboriosi partus causa, sed præcipuè triplex, vt notat author definitionum medicarum, inquiens, ægri partus tribus modis fiunt, pro gerente in vtero, pro eo quod geritur, pro exterioribus; singula perstringere erit operæpretium, ac in primis ea quæ se tenent ex parte parentis : nempe si animo non sit valdè composita, sed passionibus obnoxia, propter quas non tota incumbit actioni parturiendi. Aut si sit valdè debilis, tum natura, tum morbo v.g. si ab aliqua ægritudine

tudine adhuc conualeſcat, ſi delicata & timida ſit, adeo ut labores partus ſuſtinere nequeat, & à doloribus vincatur, ſi ſit annola videlicet, quadrageſimum attingens annum. nam hæc membra habet dura & difficulter cedentia, vel quæ tunc primum partus dolores eſt experta, hæc enim etiam non aſſuetas habet vias, vel ſit admodum obefa, quippè omenti, & vicinarum partium obefitas (ut optimè notavit Mercatus) quemadmodum conceptum impedit os uteri comprimendo, ita ſi forte accidat, ut mulier iſta concipiat impedit fætui exitum. Si etiam ſit extenuata, quippè hæc muſculoſa eſt, & ligamenta habet admodum dura. Sic etiam ſi vuluam habeat anguſtam, anguſtumve vuluæ collum, aut admodum oblongum, aut ſi hæmorrhoidas habeat inflatas ſi valdè ſicca ſit: quippè partum ſiccum obſtrices damnare ſolent, deeſt enim humiditas quæ vias oblinat. Si tandem mulier ſit anhelola, & diſpnææ obnoxia cum namque partus retento parturietis ſpiritu expellatur, ſi mulier ſit difficulter reſpirans, ſpiritum cohibens ſuffocabitur.

Sed ante quam ad alias cauſas, quæ ſe tenent ex parte fætus, & externarum rerum accedam libet prius declarare, quomodo ſe gerat mulier, in emittendo partu. Sunt enim, qui putant parturientium oſſa pubis dearticulari, ut fætui exitum præbeant, poſt partum verò rur-

sum coniungi, authoremque videntur habere Hippocratem libro de natura pueri, vbi ait, in ipso partu vniuersum dolet corpus, maximè verò lumbi, & coxendices: nam distrahuntur & diuelluntur ipsarum coxendices. Ab Hippocrate accepisse videtur Auicenna cuius hæc sunt verba, quando separatur fœtus aperitur vterus apertione tali, cuius similem efficere nō valet in alia hora, & necessarium est, vt separarentur quædam vulnere, & sustententur adiutorio Dei excelsi præparante, vel disponente ad illud deinde reuertente eas ad constitutionem naturalem, & est operatio illa validissima ex naturæ operibus. Multa alia in hanc rem ex Seuerino Pingo adducit Laurentius.

Laure. lib. 8.  
suz anato.  
q. 33.

Cæterum licet in partu partes omnes vtero circumuicinæ vim maximam patiantur & vnaquæque, vt exitum fœtui præbeat, quoad fieri potest conuellatur, vnde ilium & ossa pubis aliquantulum dehiscunt, quod Hippocrati libenter admittendum est, non tamen propterea cum Auicenna sentiendum, pubis ossa de articulationem separationemvè pati, in suam deinde articulationē symphysemq; post partum reuerti, quippè non fieret hæc separatio absq; membranæ qua per sychondrosin coniuncta sunt ruptione, nec ruptio si fieret posset postea per se ipsam sanari. Quinimo si mulieres, quæ pepererunt consulas magis de ossis sacri quam de pubis ossium doloribus



bus conquerunt? Quapropter os sacrum secundam extremam partem coccygem vocat aliqui, alij caudam valdè distendi, vt amplius relinquatur spatium existimo, atq; hanc partem piusquam aliàs lacerari absq; tamen ruptione, nam ruptio non posset absque medica manu sanari.

Ex parte fœtus difficultas pariendi oritur si ingens sit infantis corpus, aut saltem caput habeat magnum extra proportionem aliorum membrorum, sic enim ægre potest per vteri collum transmitti, fœtus etiam debilis non se ipsum ad exitum adiutans. Vnde eleganter Galenus inquit. Ad bonum partum duorum corporum vigore opus esse, & grauidæ mulieris & infantis. Multa insuper possunt fœtui accidere, vt difficulter educatur. Admiranda res contigit Aloysio meo nepotē ex filio, dum in luminis auras exiret, venam umbilicalem collo circumuolutam habebat, & cum egredi tentabat, laqueus astringebat, eumque suffocabat, quare & ab exeundi impetu se retrahebat, & obstetrix etiam eum introrsum, ne suffocaretur, impellebat. Hoc pluries est actum, sic parturitio per plures horas non sine matris, & infantis periculo durauit, donec tandem diuino Numine annuente, se se impulit, ac eo vt potuerit obstetrix manu laqueum aliquantulum relaxare: natus est omnino lividus & penè suffocatus, sed qui postea

G. 5. ap. 55.

Historia ad  
miranda:

postea halitum recepit & in meliorem colorem fuit reductus, vivitq; hodie annum agens fere octauum, decora nimis & elegante facie præditus.

Duo tamen hoc loco vobis aduerterenda duxi. vnum quæ sit figura infantis in vtero contenti, alterum quid eum impellat ad procurandum exitum. Fætum in vtero multipliciter figurari tradunt docti Viri, & expertæ obstetrices. Attamen magis omnium naturalis figura est, cum infans ita conglobatur, vt genua retracta habeat, caput vero genibus propinquum, quod in libro de natura pueri Hippocrates describit; nempe vt manus habeat ad genas, caput pedibus propinquum, ita tamen vt iudicari nequeat, an caput supra sit, an verò infra, etiam si intra vterum inspicitur fætus. Hinc accepisse videtur Aristoteles, qui hominem, ait, in se ipso conglobatum, gestari, ita vt nasum intra genu, oculos supra genua aures extra genua habeat.

A. 7. hist. animal. c. 8.

Est autem in vtero triplice veste indutus, secundinas appellant medici vel secundas, quia secundæ post fætum eijciuntur. Sunt autem duæ in humano fætu chorion, & amnios in brutis tertia allantoides chorion innumbris venis & arterijs inter textæ. Amnios siue agnina ob molliem sic dictæ fætum immediate ambit, continetque sucorem & urinam in quibus infans quodammodo innatat & tã-

quam in balneo sedens, magna fruitur commoditate, hæc si ante partum rumpatur & humiditas contenta euacuetur, tempore partus, siccitas adest, quæ difficultatem infert sin rumpatur (vt par est) dum infans exitum quaerit, humiditate vias lubricat. Cæterum hæ duæ membranæ valdè inter se coniunguntur, vnde resistunt cuilibet violentiæ, licet enim fœmina saltet, aut quomodocumque moueatur integræ permanent, magnum autem naturæ arcanum est, quod calcitratiōe pueri facillè rumpuntur, vt videatur naturæ prouidentia ad omnia circumspectans nihil eorum omisisse, quæ conferunt ad partum, de tertia tunica allantoides non est cur dicamus, siquidem in foliis brutis reperitur.

Aliud quod remanet explicandum est, quo naturæ consilio fœtus sibi egressum sollicitat. Galenus id refert, tū ad molis magnitudinem, tum ad effusi humoris mordacitatem: vbi enim infantis moles ad eam magnitudinem peruenerit, vt uterus adeo distendatur, vt distendi amplius nequeat, aut eam, cum uterus qualitate humoris in se effusi mordetur, si id non naturæ sponte, sed violenter fiat abortus est, si ex naturæ commodo partus nominatur. In hac sententia duò mihi displicent, primum quod abortum referat ad magnitudinem molis: nam cum abortiue, sit ante tempus destinatum parere, non poterit adhuc eo

G. 3. nat. fœcult. c. 12.

tempore moles corporis adeo vteri capacitatem distendere, ut amplius non possit, testum continere alterum quod mordacitati humoris in vterum effusi tribuat partum, profecto humor effundi in vterum nequit, nisi ruptis membranis fœtum inuoluentibus; at tunc iam ad partum infans cæperat prius excitari. Itaque solum relinquitur partum fieri ob magnitudinem fœtus quàm in ultimo mense tantam adeptus est, quantam iam non potest vterus sustinere.

Sed hic etiam dubitabitis, nam si ad magnitudinem fœtus referenda est partus facilitas, paruo corpore præditus infans difficilius egredietur, quod videtur esse contra experientiam. Aliqui sunt, qui paruum infantem non posse satis ab obstetricis manibus comprehendere, ac proinde difficulter exire. Ego tamen aliter respondeo. Nempè si sola causa excitans partum foret magnitudo molis rectè inferretur, ergo ubi deest ista moles difficilis est partus. Cæterum, cum duæ concurrant causæ, vna est moles corporis magna, altera alimenti defectus, non sufficit, vna duntaxat: Hippocrates in libro de natura pueri vtrâque comprehendens alimentum, & augmentum, ait, quod à matre descendit non amplius sufficiens est puero ubi decem menses præterierunt, & fœtus auctus fuerit. Et cætera quæ sequuntur, duo igitur sunt, propter

pter quæ fætus exitum quærit, nempè angustia loci, quia iam corpus adeo increuit, vt uterus distendi ampliùs nequeat, & alimenti defectus, quoniam infans iam auctus plure quam antea indiget alimento. Alimentum intelligit, tam membrorum, quàm spirituum. Sic infans & vt alimentum quærat & simul etiam aërem attrahat sufficientem; quippè iam fætus maiore utitur respiratione calcitrat impatiens, & membranas quibus inuoluitur rumpit. Ad membranarum ruptionem suspensus remanet per vmbilicarem venam, & quoniam ex vmbilico ad caput maius est pondus quàm ex vmbilico ad pedes, caput deorsum vertitur, ac proinde in partu non à pedibus sed à capite egressio fit.

Causæ externæ partû impediētes sunt vel exsiccates vt venti aquilonares, quippè siccitas & vias reddit duriores, & meatus magis angustios, vnde in regione aquilonare difficile parturiunt fæminæ. constitutio nimis calida propter virium resolutionem pariendi difficultatē affert. Atque hæ sunt difficilis & laboriosi partus causæ ad quas quàm plurimæ aliæ ab authoribus, & præcipuè ab Auicenna & Galieno allatæ facile reduci possunt.

*Exercitatio An computatio in puer peris febre  
laborantibus debeat fieri à die partus,  
an à Die febris.*

H. 3. prog.  
tcx. 10.

**V**ulgaris admodum quæstio est, & à multis pertractata vtrum quando mulier inter puerperij tempus morbo corripitur, sint dies decretorij computandi à die inuasionis morbi an à die partus. Postulat autem præsens occasio vt de ea aliquid dicamus. Offerrunt se in primis duo fulmina artis nostræ Hippocrates & Galenus qui statuiffe videntur, à partu debere fieri calculationem: quippè Hippocrates sic ait, *Parimodo iudicationes fiunt à partu*. Galenus ibidem sic. *Principium numerationis tibi fiat non quo die cæperint febrecitare, sed quo peperint, & consequenter subdit: quibusdam igitur circa secundum, aut tertium incipiunt diem à partu ex quo multi numerant futuram iudicationem, sed res non ita se habet, sed ex quo pepererint numeratio fieri oportet dierum.*

Quamuis autem ita ab illis sit lex sancita, nihilominus, in enarrandis historijs Hippocrates interdum aliter se gerit: quippè vti in Philini vxore explicauimus, supputationem à febre facit, reperietis autem eum ibi manifestè esse loquutum: siquidem febris corripuit decima quarta à partu die, deinde in progressu historiæ ait author sexta die ad noctem multum

tum dilirauit, deinde prosequitur quid septima, quid octaua acciderit. Non igitur est dubium cum decima quarta dies post partum fuerit inuasio febris, sextam postea esse à decima quarta. Respondent aliqui, inter quos est Stephanus Atheniensis, Hippocratem quando in prognosticis numerationem fieri iubet à die partus, ita esse intelligendum, ut solum hoc fiat si febris secunda, aut tertia die post partum superuenerit, non autem si acciderit sexta, aut septima, aut aliqua ex sequentibus. Huius tamen responsionis vanitas ex Epicratis historia comprehenditur: quippè Epicratis vxor secundo à partu die febre fuit correpta, & tamen à febre, non à partu, numeratio in ea fit, namque Hippocrates se ipsum declarat, inquiring, sexta die à qua febris ipsam corripuit. Similiter Dromeadis vxor, quæ filiam pepererat, postridie rigore, & febre acuta fuit apprehensa, quinto die non à partu, sed à febre obiit: quippè, ait author eam die, quo rigore & febre correpta est, ex præcordijs laborare cæpisse, postridie eius diei quo riguerat, aluum commodè reddidisse, tertio riguisse, quarta dolore præcordiorum correptam fastidiosamque subito obiisse.

Auicenna magis ad narrationem historiarum, quàm ad id, quod Hippocrates in prognosticis præcipit, respiciens, in omni euenta nulla adhibita distinctione à febre exordien-

dam

Anic. 2. 4.  
17. 2. 6. 1.

dam esse computationem existimat. Eius hæc sunt verba. *Et si pepererit mulier, deinde accidat ei febris, tunc fiat computatio ex febre, non ex partu, ex illo enim est error. Adiungit postea, & plurima quod accidit est febris post secundum aut tertium diem à partu.*

Soluunt communiter neoterici hanc difficultatem diuidentes partum, in partum naturalem, & non naturalem. Vocant non naturalem illum, qui cum difficultate fit, & cum grauib; symptomatibus, & purgatione diminuta. naturalem vocant, in quo leuia symptomata accidunt, & purgatio intra terminũ à natura præscriptum ritè, & rectè procedit. Profectò si quæstio de nomine habenda esse, ista partus non naturalis acceptio neutiquam foret recipienda: neque enim partus naturalis, & non naturalis differunt penes symptomatum grauitatem, & purgationum quantitatem, sed tempus pariendi, & modum figuramq; exeuntis fætus. Itaq; si præcocius fiat quàm conueniat, aut exeat in figura præpostera, nempe si pedes, aut brachia prius emittat, aut oblique sese constituat non naturalis est partus, si verò absoluto gestationis tempore, hoc est transacto octauo mense, & figura consueta, atque commoda eueniat naturalis censetur Penes symptomata autem partus difficilis, aut facilis appellatur, debita verò lochiorum quantitas si in partu non accidat causa dif-



difficilis partus esse potest : quandoquidem (ut diximus) siccitas difficultatem ingerit pariendi, si post partum iam ab hoc symptomate non denominatur difficilis partus, aut non naturalis, sed est causa per se aliorum symptomatum.

Porro prædicti authores cōsiderant, febrem in partu laborioso intra dies puerperij, & sic à partu computare incipiunt. Rursus considerant febrem in partu, qui feliciter successit, & tunc à febre computationem ordiuntur. Probant istam sententiam : quia partus laboriosus, quem non naturalem appellari diximus, est præter naturam, qui cum satis multas operationes lædat, non est cur non dicatur morbus, partim in intemperamento, & affluente succo, partim in prava compositione consistens. Quæ igitur febris intra purgationis tempus, in quo non rectè mulier purgatur, euenerit, ab ipso partu procedere censetur, & rationem symptomatis habet. Quemadmodum enim febris, quæ pendet ex inflammatione, aut graui vlcere, aut aliquo alio morbo, ab ipsius morbi die computari debet, non à febre, sic dicendum est si ad partum non naturalem superueniat febris. Huius rationis author mihi videtur fuisse Petrus Aponensis in suo Conciliatore.

Conc. diff.  
100.

Redarguitur tamen ex historia mulieris, quæ apud frigidam aquam in Thaso habita-

3. Epid. sec.  
3.

bat. Hæc postquam filium peperit, neq; fuit purgata, tertio à partu die, febrè acuta correpta est, cum horrore vehemente, & tamen (vt colligere licet ex historiæ contextu) Hippocrates à die febris computationem, est exorsus, quàmquàm partus fuerat non naturalis: quippè mulier non fuit purgata. Amatus Lusitanus historiam huius mulieris, quæ apud frigidam aquam habitabat, & aliam vxoris Dromeadis, & alias huius census, existimat scriptas esse ab Hippocrate tamquàm obseruatore, seu historico, non verò vt præceptore: etenim in epidemijs historias tantum referebat, & experimenta captabat, vt sententias postea in aphorismis, & prognosticis reponeret.

Abfit tamen, vt dicamus virum medicum, etiam in historijs narrandis parum medicè se gessisse. Profectò magnus vir, siue historias narret, siue artis præcepta semper vt artis est loquitur. Demus igitur quod in epidemijs historicum agat (neque hoc penitus concedendum est, siquidem ex eo libro multa addiscimus non tamquam ex historico, sed tamquam ex medico) historicus ne à sermonis proprietate abhorreere debet? minimè, quanto igitur magis artifex in arte sua, qui ex lege loqui tenetur.

Porro eius sum opinionis, vt existimem Hippocratem in prognosticis voluisse vt ex partu

Cent. 1. cur  
34. i schol.  
Vall. lib. 10  
cōtrou. c. 4

partu computatio fiat, præceptum tradens quasi in re dubia, hoc est in re, de qua dubitare aliquis posset. A febre autem computationem fieri non dixit; quia hoc erat manifestum, non tamen negavit. Itaque existimo in omni puerpera febriente, si febris accidat intra præscriptos purgationis dies, semper vno oculo attendendum esse ad horam in qua mulier cepit febrere, de quo non loquutus est Hippocrates in prognosticis, quoniam videbat neminem fore qui hoc negaret. Altero oculo ad diem partus, hoc est non ex quo partus in lucem fuit editus, sed ex quo graues parturienti dolores, & manifesta signa acciderunt. Tunc autem considerandum an fortasse dies à partu & dies à febre ita inter se cocant, vt in vna & eadem die decretorius à partu & decretorius à febre coincidant, in quo casu maiore cum ratione crisis expectanda est siue bona, siue mala, prout præcedentia signa pollicebantur: quippè ea dies duplicem habebit iudicandi vim, vnam à partu acceptam, alteram à febre. Si verò dies sit decretoria computando à febre, non verò à partu, aut è contrario si decretoria sit computando à partu, non autem à febre, considerare oportet, an partus fuerit facilis, an difficilis, vtrum purgationes rectè successerint an fuerint deminutæ, iuxta hanc considerationem ratio elicienda est, vt sciamus cui nam diei maior sit ha-

benda fides, num computationi, quæ fit à partu, an alteri quæ à febre fit.

Quod si aliquando accidat, ut dies in quo febris corripit sit decretorius (ut accidit Philini uxori, quæ decimo quarto à partu die febricitare incæpit) nulla tunc temporis est difficultas, si mul enim dies partus & dies febris vnica numeratione computantur. Atque hæc mihi videtur vera doctrina, & Hippocratis menti consona: si quis enim eius historias peruoluerit, reperiet eum modo à febre cæpisse numerare, prout se se illi offerebat occasio loquendi, tamquàm in re in qua nihil intererat si sic ut sic loqueretur. Cõstat ergo diuinum Senem in prognosticis numerationem à partu exordiantem esse, rectè dixisse, rectè etiam ab eodem numerationem à febre fuisse factam. A partu quidem tamquàm peculiari numerandi ratione, quæ parturientibus debetur, à febre autem ratione communis, in qua omnes febricitantibus conueniunt.

*Exercitatio de tempore lochij expurgantis*

*gandis destinato.*

**D**iscrimen est inter *καταμήνια* idest menstrua & *λόχεια* idest puerperia seu purgationes, quæ sunt à partu, quod illa singulis contingunt mensibus, & si retineantur morbos quidem gignunt, ut plurimum longos, hæc

autem

autem si diminutè exierint morborum acutorum, & lethalium sunt causa. Huius rei non aliundè ratio est petenda quàm ex alimonia factus, quæ ex potiore sanguinis parte fit: nam (vt Galenus ait) meliorem sanguinem ad se factus nutrimenti causa alliciens, relinquesq; deteriolem, causa est, vt prægnantes prauis humoribus repleantur. Igitur post partum euacuationem celebrem molitur natura, cui magna vis infertur si talis purgatio retineatur.

G. 3. epid.  
sect. 3. t. 32.  
agr. 2.

Tempus euacuationi à partu destinatum Hippocrates, si sana sit mulier & masculum peperit, triginta dierum esse ait, si fæminam duorum & quadraginta. Nihilominus admittit ex partu fæminæ vigesimo quinto die, & partu masculi vigesimo extra periculum esse. Idem in libello de natura pueri ex hoc præscripto purgationis spatio argumentum accipit ad probandum præscriptum dearticulationis tempus: siquidem ait. Hæc propterea produxi (videlicet periculum ex suppressa lochiorum purgatione) vt ostenderem quod in pueris membrorum discretio longissima contingit, in fæmella in quadraginta duobus diebus, in masculo in triginta. Argumèto est purgatio à partu, quæ in fæmella fit in quadraginta duobus diebus, in masculo in triginta, aut tardissimè contingat.

1. Morb.  
mul.

Sed dicetis Hippocratem sic voluisse talio-

nem rependi, necessitatem verò huius talionis non nobis demonstrasse. Verum quidem est, quod ipse ait, primis diebus ubi genitura in uteros illapsa est, paucissimum sanguinem à muliere in uteros venire, deinde copiosior; si enim acruatim, & multus semel veniret genitura spirationē habere non posset, sed sanguine multo accedente suffocaretur. Verum etiam esse viceversa fieri in purgationibus; nā sicut in de articulationibus prius paucus concurret sanguis, postea copiosior, sic è cōtrario in purgationibus, prius copiosior effluit, postea verò parcius. Caterum non video quomodo vnus euentus, alterius necessitatem afferre potest.

Existimo tamen Hippocratem aliundè articulationem fæminæ longiore tempore fieri masculi breuiore didicisse. Vt autem aliquam præfixi termini dierū probabilitatem inueniret, ad conuenientiam cōfugisse, qua inter affluxum sanguinis ad uterum, & effluxum eiusdem ab eodem esse debet. Cum verò effluxus ab utero sit manifestior, quàm affluxus in uterum ab eo, quod magis manifestum est argumentum (coniecturam potius) accipere voluit.

Sed difficultatem nobis ingerit Galen. qui de formatione fætus sic ait. *Non enim fatibus, neq; expressæ formationis, neq; motionis, neq; absolutionis, neq; egressus in lucem. præfinitus terminus est.* Quod ab Aristotele potuit accipere:

cum enim conceptio, conformatio, perfecta articulatio partus, secundum portionem suam successiue fiant, multiplex pariendi tempus multiplex etiam conformationis, & articulationis tempus nobis ostendit. Esse autem homini datum multiplex istud pariendi tempus constat, quem sequitur Albertus Magnus. Porro cum incertus sit numerus dierum quibus formatur fetus, vel dicendum est incertum quoque esse lochiorum purgandorum spatium, vel non admittenda Hippocratis argumentatio sumpta ex similitudine, aut proportionem inter tempus, conformationis, & tempus expurgationis.

Ar. 7. hist.  
animal. ca.

4. Alb. M.  
lib. 18. de  
animal. tr.  
2. c. 2.

Ceterum nulla nos ratio cogit recedere ab Hippocratis ratione, qui summum puerperij tempus voluit insinuare, ita tamen, ut terminus non sit omnino praefixus, sed cum aliqua latitudine. Igitur in tempore post partum considerare libet triplicem statum, unum necessariae purgationis, & iste ad summum primis septem diebus, in ijs, quae masculum pepererunt, ubi autem feminam peperit, quatuordecim diebus, quod Sacra pagina nos docet, nam mulierem quae masculum peperit immundam esse ait septem diebus iuxta dies separationis menstruae, si autem peperit feminam immunda erit duabus hebdomadibus iuxta ritum fluentis menstrui. Hic ne praefixus est terminus, ut aliter fieri nequeat? profecto non poterat omnibus

Leuit. 12.

vnus terminus infallibilis assignari : quippè alia alijs magis sanguinea sunt, copiosius nutritæ, verno tempore, ac vt semel dicam multæ concurrere possunt circumstantiæ, quæ purgationem augent, aut minuant. Cum autem lex vna Vniuersis promulganda foret, acceptus est ille numerus dierum, qui frequentior est & rationi magis accomodatus. Merito ergo Rodericus de Castro à Mercuriali & Cordæo discendens Hippocratis sententiam vniuersalem non esse aitinam Belgæ, & Germanæ, & quæcumque in illis viuunt regionibus, vbi fæminæ validius exercetur breuiore quidem tempore, & maiore quantitate salubrius expurgantur, sæpè ad octiduam duntaxat, vt plurimum ad quindecim dies, quem apello purgationis vnus septimanæ in partu masculi, duarum in partu fæminæ; cur fæmina plures postulet dies mox dicetur.

Secundus terminus est periculi, quem Hippocrates ait in partu masculi esse viginti dierum, in fæmina autem dierum viginti quinque intra hunc terminum puerpera in periculo versatur, vt si aliquos committat errores, non id fiat sine magna noxa, ac proinde intra hoc tempus sibi mulier summopere debet cauere, quippè adhuc vterus ex labore partus, prauam habet dispositionem. Si autem queratis cur in hoc termino exiguam constituit distantiam à partu fæminæ ad partum masculi. Responde-



bo periculum iam esse expurgationū mensura: quippè die vigesimo, & vigesimo primo satis expurgatam mulierem esse constat, sed ex præcedente labore, qui licet aliquantulum maior fuit in exclusione fæminæ, quàm in maris (quippe mas fortius se ipsum adiuuat) nihilominus paucorum dierum Differentiam isthic labor asserre potest. Itaque intra hunc secundum terminum, non adhuc licet sanguinè mittere ex brachio, nisi in maxime urgente necessitate, hoc est in pleuritide, aut peripneumonia, aut simili aliquo morbo acuto, in quo tamen præmittenda est venæ sectio ex talo, & si necessitas augeatur, sitq; omnino necessarium, ad axillarem brachij accedere, non contemnendus est status puerperij, sed dum sanguinis missio sit ligaturis, aut cucurbitulis cruribus applicitis curandum est, ut fiat retractio, medicamentum autem purgans in hoc statu valde periculofum esse solet: quippè adhuc agitationis metus viget.

Tertius terminus, quem diuturnissimæ purgationis appellat Hippocrates, est in ijs, quæ filium pepererunt dierum triginta, in ijs, quæ fæminam dierum quadraginta duorum. Sacra pagina secundiorum terminum nacta masculo triginta tres dies assignavit, fæminæ duplum, hoc est sexaginta sex. In hoc ultimo termino, quamvis iam lochia non sint velut à victima mactata, qualia in principio esse dixit Hippocrates;

crates; nihilominus adhuc uterus se se expurgat, & circa omnimodam munditiem naturam satagit. Ultra hunc ultimum terminum mulier iam extra domum exire, & solita munera obire potest, quod si acuto morbo corripiatur, nulla præcedentis partus ratio habetur. Imò in hoc termino medicatio, si necessitas postulet, conceditur, sin minus his diebus peractis poterit, & purgante medicamento uti, atque etiam balneis & omni prorsus curationi incumbere.

Sed adhuc remanet explicandum cur Hippocrates inter tempus formationis, & tempus purgationis proportionem dare voluit? Ad quod quæsitum, alius repetito exordio, respondendum est, & in memoriam revocandū id quod Hippocrates in libello de carnibus, seu de principiis scriptum reliquit, vitam scilicet hominis septem dierum esse, ubi multos euentus narrat, qui septimo dierum hebdomadarumve numero apparent, plures alios addunt aliqui, adeo ut fiat, qui dicant, Deum optimum maximum hunc numerum in delitijs habere. Cæterum numerus iste aliquando vicinis suis virtutem solet præstare, unde non solum in septimo, sed etiam circa septimum res magnæ evenire dicantur. Iam ergo his intelligetis, formationis, quæ actio præstantissima est, tempus debere per septennarium numerum inquiri, & eodem modo per septénarium etiam

etiam purgationem, criticis euacuationibus in morbo factis, respondere debere.

Habetis ergo tam formationem fœtus quam lochiorû expurgationem per septimanas fieri. Pergite ergo considerando fœmineum fœtum tardius efformari, quoniã a minore calore fit, si a minore calore fœminæ cõformatio est, sanè ex hac cõformatione plura relinquentur excrementa, si relinquentur plura excrementa ex fœmina, quàm ex masculo, plures expostulat dies expurgatio lochiorum ex fœmina quàm ex masculo. Tunc concludite in hunc modum ad formationē fœtus fœminei tempus mensuratur per septimanas, est diuturnius, quàm tempus masculi, similiter etiam ad expurgationem lochiorum ex partu fœminei fœtus per septimanas inquiritur tempus, estque diuturnius, quàm expurgatio partus masculini; igitur utrobique est eadem ratio ac propterea Hippocrates (vt supradiximus) ex manifesto purgationis tempore, argumentum sumpsit, ad id quod est occultum nempe tempus formationis.

Sed adhuc poterit aliquis dicere hoc in genere quidē verum esse, nempe tam formationis, quàm purgationis tempus mulieri, quæ fœminam peperit longius esse, & per septimanas numerari. Hinc tamen nō colligi eundem dierum formationi, & expurgationi deberi. Cui respondere oportet, eligēdos esse tam formationi

tioni quàm purgationi dies magis celebres, ac proinde cum utrobique debeant esse circa numerum septenarium, utrobique; fœmineo fœtui plures quàm masculo, non est cur dubitemus rectè factam esse comparationem inter dies formationis & dies purgationis.

Accipitur ergo primus terminus ex primo septenario, si masculus est fœtus, si fœmina ex secundo; sunt autem dies celeberrimi septimus & decimus quartus. Accipitur secundus si masculus est fœtus ex die vigesimo celeberrimo quidè & qui, ut inferius dicemus ex tribus constat septimanis; si fœtus est fœmineus transcurrit ad vigesimum quintum, qui numerando ex vigesimo inclusivè sextus est, ac proinde affinis septimo, efficietq; quatuor ferè septimanas. Accipitur tertius terminus anticipatè quidem in fetu masculo, nempe die trigesimo, qui inter indicatorios numerandus est, ex Galeni sententia. Si enim includamus numeros ex quibus septimanæ computari incipiunt, perfectæ septimanæ accedit, si verò fœtus sit fœmineus accedit ad diem quadragesimum secundum, quo nullus celebrior est: quippè in eo computatio. Quæ per septimanas fit terminatur. Itaq; quoniam vigesimus primus easdem habet vires, quadragesimus secundus easdem etiam habere debet, de quadragesimo autem, quid dicam, nisi cum Galeno in hac die morborum acutorum criticos terminari, & principium longorū esse?

esse? atq; ideo, vt Galenus ait, post quadragesimum omnes languent coctione potius, & abscissibus, quam per excretiones morbos finientes; & Hippocrates (teste eodem Galeno) hos dies, qui post quadragesimum sunt, omnes cōtemnere videtur. Denique post quadragesimum iudicia solui dixit, idem Galenus eodem libro.

G. 1. diebus  
decret. c. 12.

C. 12.

*Exercitatio de curatione coacta.*

**S**olent barbari curationem diuidere, quandam appellantes regularem, aliam vero coactam; regularem vocant eam, quæ iuxta artis regulas fit; coactam verò quando imminenti periculo medicus totus incumbens non ad causam morbi, sed ad uolentiā symptomatis, respicit. Poterit tamen aliquis hanc diuisionem, distinctionemve parui facere. Nam in curatione illa, quam coactam vocant, occurritur ei quod magis urget, at hoc non est extra artis regulas operari: quippè ab urgentibus indicationem summi consentaneum est, & à Galeno nobis traditum. Nam affectus unde primum, maximèque imminet homini periculum, hic primus curari debet. Hanc doctrinam multis illustrat exemplis.

Gal. 3. met.  
c. 9. & 1. ad  
Glauc. c. 14.  
in medio.

Deinde cum ad diuersa, & penè contraria in curatione diuellimur, vera methodus à Galeno tradita nos docet, vt eas indicationes eli-

G. 11 meth.  
c. 3.

gamus, quas scopi digniores, maioresq; præscribunt. Si verò quærat, unde nam scopis dignitas, & magnitudo proueniat? respondet ille dignitatem eorum, vel vitæ, vel sanitatis respectu esse iudicandam; magnitudinem verò duplicem esse, vel propriæ substantiæ ratione, vel declinationis à naturali habitu. Sic ille, quando igitur imminenti periculo, post positis alijs indicationibus, occurrimus, scopum habemus digniorem ratione vitæ, quando etiam viribus summoperè lapsis iuuamen afferre volumus scopum maiorem ante oculos habemus, maiore scilicet, quæ ratione declinationis à naturali statu consideratur. In his omnibus coacta est curatio, & simul regularis. Coacta, quia cogimur dignitate & magnitudine scopi ad hanc curationem, relicto priore morbo, accedere, regularis verò, quoniam, qui in hoc casu aliter operetur, contra prædictam regulam agere diceretur.

Cæterum non hæc obstant, quominus dicamus coactam curationem à regulari diuersam esse; quod si in hac coacta regulas aliquas sequimur, nihilominus regulæ istæ magis necessitatem, quam rectam agendi normam respiciunt, ideoq; vt magis propriè loquamur, curationem illam quam barbari regularem vocant, nos legitimam appellabimus, aliam verò quæ ab illis dicitur coacta, dicetur à nobis illegitima siue spuria, vt potè quæ parentem quidem

dem habet nempè indicationem: neque enim tunc medicus citra indicationem, Empiricorū more; operatur; Verūm indicatio nō legitimo partu hanc curationē edidit, sed quasi furtim, & cum periculo e.g. considerata morbi idea inaccessionibus nihil dare opoſſet, sic ſancienti optimo legiſlatore; ſi verò in acceſſionē vires langueant, & ſyncopas vel adſit, vel imminet, tunc indicatio à viribus furtim ingreſſa, aliam indicationem à morbo ſumptam fraudabit, & ſic æger intempeſtiue nutrietur. Medicus quidem optima curatione id faciet, ſed intempeſtiua nutritio, illegitima quidem eſt. Itē ſiquis phrenitide oppreſſus vigilias patiatur immodicas, quæ conuulſionem minantur, & H. 7. aph. 18. deſipientiam augent; cogimur ægrum ſoporiferis exhibitis in lethargum deducere nūquid lethargus non eſt periculoſus valdè affectus? maxime, ſed qui aliquantulum minùs veloci- G. 12. meth. c. 11. ter ad mortem currit, & ſic aliquod remedijs peragendis dabitur tempus. prudēter hoc Galenus cōſiderauit, qui de narcoticorum reme- G. 12. meth. c. 11. diorum uſu loquutus adiungit. *Interim verò, & cum æger ex tenui deſtillatione, vigilijs, & vehemente tuſſi vrgetur pauxillum eiſmodi medicamenti offero, facile noxam eiſ, ſiquis eſt uſus, ſpatio emendatum irritatus.* Sic ille de huiusmodi autem ſtupeſatientibus aliquādo nobis peculiaris erit ſermo. Nunc ſatis eſt, ea non ſine noxa fieri, ſiue intus ſumantur ſiue exterius appli-

applicentur. & hac curatione præceptum, quo caloris innati vel totius, vel partis confulere tenemur, contemnimus. Hoc quidem meritò est factum sic postulante mali urgentia; nihilominus illegitima est curatio, si quidè caloris naturalis conseruationi aliquid suffuramur, & planè cum periculo. Tandem menstrua purgatio ex omnibus sanguinis euacuationibus sola secundū naturam est, poterit tamen quantitate præternaturam fieri, esset igitur si superfluit non omnino sistenda; sed aliquid ex eo relinquendum, cum tam aliquo magno impetu fluat, adeo ut ad animi deliquium deducat patientem, tunc celeriter est cohibenda, & cucurbitula quàm maxima ad mammas, hoc est, sub mammis apponenda. Nūquid ex hac nimia retentione non timetur damnum? maxime, nempè hydropos ex sententia Galeni, & alia multa damna de quibus ex professo agit Galenus, cur ergo omnimodam retentionem molimur, cogimur certè sic impellente necessitate, neque enim mensuram habemus remediorum: quippè ex Galeno remediorum quantitas maximè coniecturalem artem medicam facit, cum igitur illegitimè operantes mulierem in retentionem mēstruorum deducimus, saltem tunc eam à præcipite virium lapsu, cōuulsionibus, & refrigeratione liberamus, tempus autem ad occurrendum malis ex retentione ortis nō deerit. Similiter hæmorrhoides,

G. 3. symp.  
caus. c. 2. in  
medic.

5. Aph. 50.

G. 5. loc. aff.  
f. c. 4.

4. De præf.  
expul. c. 5.  
2. De nat.  
fac. c. 8.

6. Loc. aff.  
c. 5.  
De rat. cu-  
rand. per  
sang. miss.  
c. 12.



des, quæ licet sint toto genere præternaturam, (quippe Galen. solas mēstruas purgationes ex omnibus sanguinis euacuationib. excipit) nihilominus, teste eodē, præternaturam adhuc non sunt, si modo tempestiuè fiant, fiunt autem tempestiuè, cum id quod contristat expellunt, cūq; melancholicū expellant sanguinem ab insania & à multis alijs morbis liberāt, & vt plurimum vtilēs sunt nisi superfluant. Si autē super fluerint in magna pericula deducere egrū possunt. Itaq; in angusto res est: nam ex vna parte retentę hæmorrhoides aquam inter cutē afferre possunt, quandoq; etiam phthisin; ex altera si superflua per has venas fit euacuatio, omnia accidunt mala, quę redundantes hæmorrhagias ex quacumque parte corporis sequi solent, sic & ex retentis, & ex fluentibus admodum noxa timetur, vt constat ex Galen. Quare si vera methodo procedendū est ad Hippocratis oraculum recurrere oportet: is vñ, à diuturnis sanato hæmorrhoidibus, si vna non seruetur, periculū est aquā inter cutē vel tabem aduenire; Hac sententia modū curationis debitū hæmorrhoidibus insinuat, nempe, vt non omninò supprimantur. Verū nulla industria fieri posse arbitror vt medicus posset aliquas hæmorrhoides sanare, aliquas apertas relinquere: quorsum ergo istud præceptum, si de impossibili tractat? vt curatione nō admodum legitima omnes hæmorrhoidas sanantes, statim post aliquam aperiamus, quæ ab ijs nos malis liberet, quibus omnimoda retentio obno-

De differ.  
symp. c. ult.

6. aph. 12.

G. 2. nan.  
fac. c. 8. & 4  
de præf. expul.  
c. 9.  
6. aph. 12.

xios fecerat. Atq; hæc erunt veluti exēpla quædam, quæ facilem reddunt illegitimam curationem, quicquid autem remanet enucleandum responsione ad ea, quæ superius in oppositum dicta sunt, declarabitur.

Ad primum dicimus cum duo vrgeant ad id quod magis vrget ea cōditione occurrēdū esse, vt alterū quod vrget minus, nō contemnamus, atq; hanc esse verā methodū, & curationē legitimā, seu regularem. Cæterum aliquando ita ei quod magis vrget occurrere impellimur, vt alterum prorsus cōtemnamus, ita cogente necessitate, & tunc, quamuis (vti diximus) ratio ita faciendum suadeat, nihilominus, quoniā non suaderet nisi præcept, periculū adest, nā & ex hac curatione periculum quoq; timetur, hanc curationē illegitimam, seu coactam appellamus e.g. si mulieri pleuritide grauiter vexatæ menses fluāt deminutè, occurremus ei quod magis vrget altero non neglecto, hoc est venam brachij axillare secabimus & simul cucurbitulas cruribus applicabimus sic enim pleuritidi, quæ magis vrget occurrimus, menses diminutos nō negligimus. Atque hæc legitima regularisq; curatione censenda est neq; n. aliquod ex ea periculū oritur, neq; illud præceptū transgreditur, sed id eligimus, quod magis ex usu est. Si verò cum redundantia valdè magna menstruorū, quæ vires resoluat, & animi deliquium inuehat simul febris adsit, occurrendum est redundantia menstruorum neglecta omninò febre, atq; ita & vinum præbe-

præbemus & astringētibus euacuationem cohibere conabimur, & intempestiuè, ac etiā copiosius quàm pro ratione febris, nutriemus. hæc cura coacta siue illegitima appellabitur: quippè tunc præceptū in curatione febris obseruandū transgredimur & in periculum augendi febrile malum incurrimus; nihilominus ratio hanc transgressionem permittit, vt scilicet cum aliquo periculo præceps periculum euitare nitamur.

Ad alterū fateor, quando diuersi concurrūt affectus eligendū esse scopum digniorem & maiorem, nego tamen in hoc casu curationem coactam esse, est namque regularis & legitima, quod vt intelligatis aduertere debetis, aliud est concurrere affectus diuersos, aliud contrarios: quādo igitur inter duos diuersos, in quibus curationis ratio vnius non contrariatur curationi alterius, potiores, maioremq; scopum electione sequimur, ex methodo operamur. At vero inter affectus contrarios non accedimus ad vnum, nisi cū præiudicio alterius, hoc autem sic necessitate cōpulsi facimus ac proinde coacta illegitimaq; curatio censetur, exemplis hoc vobis fiet manifestū. Si quis hydrope, & catarrho simul teneatur, catarrhus sua habet medicamēta caput ab humoribus crassis purgantia, arteriacis, quæ tamen dulcia sunt, & sitim excitant, tussim mitigantia; hydrops sua etiam postulat remedia, nempe hydragoga; quæ aquam è corpore educunt sitim sedantia, quare dulcibus abstinere oportet, quid faciendum? profectòs scopus, tum

ad vitam, tum ad recessum à naturali statu præstantior maiorq; est, vt hydropē curemus, hunc eligimus, curatioque ita instituta legitima est. Rursus accipite duos morbos cōtrarios nempe hypropem, & febrem putridam, hi duo affectus contrarias habent indicationes, hoc est cōtraria expositulāt remedia: tunc temporis ad febrē putridam curandam accedimus cum maximo hydropis præiudicio, & refrigerantia remedia, & cibum humidum offerimus, hæc autem curatio dicitur coacta, in qua periculum quidem evitare contendimus, alio scilicet periculo, sed quod non ita celeriter mortem minetur.

*Exercitatio de potu frigido in febribus.*

**C**VM cōstet apud omnes, tam Græcæ, quam Arabicæ sectæ authores, frigidam in ardentibus esse exhibendam, duo in examen sunt trahenda. Vnum, quid cōferat in febribus, alterum quo tempore conferat. Nam quod de vino dixit Poeta, Data tempore profunt, & data nō apto tēpore vina nocent, multo magis de aqua est dicendū: quippè ex copioso frigida potu ægroto ardēte febre æstuantī concessio subita, salus fuit non semel sequuta. Fuit ex eodem subita mors accersita, vt de quodā narrat Galenus, quæ effectuum contrarietas medicum ad huius auxilij occasionem perscrutandam adhortatur. Quod autem sit optimum remediū, & à medico magni faciendū, verba Galeni nos suadent; *maxima vero continentium febrium remedia hæc duo sunt;*

G. 1. sympt.  
caus. c. 7.

G. 9. meth.  
c. 5.

sunt, detractio sanguinis, & potio frigida, Imo eodem capite potum frigida vicarium facit venæ sectionis, vt si quis propter timiditatem sanguinem sibi mitti non patiatur, is ad frigida potio-  
 4. acut. 12.  
 nem recreat, & alibi nullum mortuum fuisse ait ex ijs, quibus frigidam propinauit.

Quod ad primū attinet videtur aquæ potus sola refrigeratione, & humectatione conferre: nam præterquā quod Hippocrates id insinuat in-  
 G. 3. acut.  
 49.  
 quiescens, aqua, quæ in acutis bibitur morbis, nullū sanè aliud habeo quod illi concedam officium; neque enim in peripneumoniacis tussim sedat, neq; sputum educit; quibus verbis videtur velle id, quod Galenus sæpè repetitū reliquit, aquæ potū febrem qua febris est iuuare, ea scilicet lege, qua cōtraria contrarijs curantur. adeo vt dicat frigidam perpetuò febris esse remedium, non tamen putrescentium humorum per aluum, vrinas, vel sudorem vacuandorum.

Ex altera parte videtur isti duo medicinæ parentes ex aquæ potu euacuationem aliquā expectare. Hippocrates enim in Metonis historia narrat fluxum vētris ad aquæ potionem sequutum: Et in epidemijs etiam vomitum laudat his  
 H. in epid.  
 in fine.  
 verbis. *In febribus acutis siticulosi, à medicis potu interdicto, aut etiam à se ipsis abstinētes, multū sibi bibere posse videntur: his aqua frigida data vt renouant prodest: biliosa enim aderunt.* Galenus etiam ad euacuationem aquæ potu vtendū censet. Dū enim damna quæ ex aqua frigida intempestiuè  
 G. 9. meth.  
 c. 5.  
 exhibita eueniunt, enarrat adiūgit, ergo quo-

ties ex his (nempè tumoribus præternaturam) febris accenditur, atq; ad eos euacuandos frigida data non conducit, ad præsens quidem non paruum affert leuamē, propterea quod iam accensam febrē extinguit: verum cū causa eius adhuc perftet, aliam denuò accēdi est necesse, atque ea quæ præcessit, nonnunquam difficiliorē, propterea quod densatum ex frigida corpus est. Ecce aquæ potū ni euacuet damnosum esse existimat, alibi etiam narrat quendam & vomitu & secessu ex aquæ potu liberali fuisse euacuatum. Longè manifestiūs Auicenna, qui de aquæ frigidæ potu loquens, ait, *& fortasse conuertitur febris ad phlegmaticā, & fortasse confortatur natura, & expellit materiam cum sudore, & vrina, & fluxu ventris, & est sanitas.*

Mihi tanè videtur aquæ potum vtrumq; præstare nempè refrigerationem, qua febrilis calor extinguitur, & vacuationē per vomitū, per aluū, per sudorem, dummodo in exhibenda cōditiones obseruemus, quas post modo ex Galen. afferemus. Itaq; in ephemera, & synocha ex sanguine non putrescēte, quæ ad ephemerās reducitur sola refrigeratione, & humectatione iuuat, in putridis, etiā euacuatione. Ceterum interrogabitis, si refrigerat & humectat copiosè exhibita, debet ne offerri febricitantib. febre hectica? Respondéo inter conditiones à Galeno assignatas vnā esse vt ille cui aquā copiosā offerimus, pro munimento habeat maximā caloris copiā. namq; calor cum in vasorum sinubus plurimus conti-

G. 10. meth.  
c. 5.

Au. 1. 4. tr.  
2. c. 7.

G. 9. meth.  
c. 5.

contineatur, vt potè: tum aërea in his substātia, tum etiam succis omnibus inflammatis, quantū a frigido patitur refrigeratus, tantū rursus calefaciēdo in ipsum agit. Ideoq; minus tuta ijs, quę exiguum sanguinem, carnemq; obtinēt, frigida pericio est: celeriter nāq; ad solidas animalis peruenit partes, nulli quod eius vim frangat occurrens: eo etiam fit, vt hecticę febres, nec perindē eam, quę prorsus sit gelida, nec multam desiderent: ceū quę extenuatis omninō, exiguiq; sanguinis corporibus incidant, iuxta hanc doctrinam Auicenna negat frigidam, vbi sit complexio pauci sanguinis, aut caliditas innata debilis. Atque hæc de primo quæsito.

De altero contentio est inter Græcos, & Arabes: licet ex Arabum familia Auicenna Græcis (vt dicemus) adhereat. Existimat Galen. non cōuenire frigide potionem, nisi cum coctionis euidentēs apparent notę, & alibi cū succi coquantur, & crassitudo eorum fuerit extenuata frigidam exhibendam esse ait. Ex quib. cōstant illū expectasse quidem coctionē, non tamen omnino perfectam. Ætius vlteriū progressus nō nisi statu, cum iam perfecta est coctio frigidā exhibet; quemadmodum etiam in particularib. accessionibus particularis status ad frigidā potionem exhibendam expectatur. Auicenna videtur expectare, donec humor sit cōcoctus: siquidem dum proponit dandæ frigidæ cōditiones, prima est, vbi materia calida, aut grossa iā digesta est.

G. 9. met. c.

5.

Æt. tetr. 2.  
serm. 1. c. 72

Rhasis non semel reprehēdit eos, qui in febre

Rhas. 1. diu-  
sion. c. 148.  
& c. 149. &  
c. 150. & 3.  
aph.

Auer. 7. col  
lect. c. 8.

causone, & synocha remoratur frigide potionis exhibitionem, & post multa narrat historiam cuiusdam hominis, qui æstate iter agens incidit in febrem acutam, cui exhibuit (quod mirum & ferè incredibile videtur) libras decem aquæ frigidæ, & calor est temperatus, & urinam fecit in quantitate nimia, & febris eius minui cepit, quæ tamen per dies quadraginta durauit. Huius hominis seruus, quoniam omnes in Domini curatione occupati, ei aquam non exhibuerunt, mortuus fuit vespere, cum casus hic mane accidisset. Auerroes hanc historiam citat & Rhasis sententiam magni facit, ac sequitur.

Si vero queratis vtriusque opinionis rationem, scire oportet, eos qui coctionem expectant, ideo id facere, tum quia ante coctionem exhibita, coctionem tardiores reddit exemplo carniū, quæ elixantur: si enim ollæ frigidam in media elixatione inijcias, tardius coquetur: tum quia si post aquæ potum euacuatio sequetur, tunc commodius id fiet, quando materia est à natura ferè superata. Alij verò, qui principio statim exhibent, persuadentur ex eo, quod si tardetur, vel vehementia caloris præter naturam, calor naturalis extinguetur, & mors aderit, vel febricitans ad hæcticam deducetur. Quibus vtrinq; rectè pensatis prudens medicus debet animadvertere, quando ex habitu, & temperamento ægrotantis ex ætate, & caloris vehementia periculum imminet, ne ad alterum duorum perducatur, aut extinctionem caloris, aut febrem hæcticam, & tunc non est cū-

stan-



standum, sicut nec Galenus ipse, qui coctionem expectat, cunctaretur, & hanc eius mentem fuisse ex eodem colligeris: quippe narrat cuiusdam iuuenis, qui in feruoribus sub canicula ex ira febricitauit (erat autem siccus & calidus) ubi in prima accessione duas hæminas bibisset, statim quidem vomit flauissimam bilem, non multo autem post etiam deorsum excreuit. Deinde cum rursus post cibum aque circiter hæminam similiter sumpisset iam febricitare desijt, & in capite sequente fatetur, tutius esse phlegmonas in præsens augere, quam sinere hominem hecticam febrem incur-rere. Hoc consiliū suscepit, & posteris inculcauit Auicenna, inquiens, & quando iterum sunt quædam prohibentia, deinde timetur nocumētum caliditatis, & sitis, & existimas, quod peruenitur per eam ad ariditatem, vel extenuationem, non prohibeas aquam frigidam, nam additio apostematis, & cruditatis eius melior est, quam extenuatio.

G. 10. meth.  
c. 5. & c. 6.

Sed quæ nam sunt ista prohibentia? iam dixi vnum esse, ut æger naturali calore, hoc est sanguine & spiritu satis abundet, sit etiam bene car-nosus. Addite in solis febribus ex sanguine aut bile, esse exhibendam, minimè in pituitosis, aut melancholicis, in quibus & cruditas, & obstructio augeri ex aque potu facile possunt. præterea ubi nulla adsit alicuius interni visceris imbecillitas, aut internus aliquis abscessus, aut dolor: his accedit cōsuetudo, quippe ij per sanitatē aque potui sunt assueti tutius in morbo eodē possunt vti.

Quan-

Quantitas, quando habitis omnibus his considerationib, aqua exhibetur, non sit mōstruosa illa à Rhafi tradita hæminarū decem: est hæmina mensura cōtinens vncias decem, Auicenna ex medicorum sententia ait dari quantitatem plurimam, a deo donec color ægrotātis fiat viridis, & tremat, tunc assignans quantitatem adiungit, quæ sit saltem perueniens vsq; ad hæminam vnā, & demidiam. erunt igitur vncie quindicim. Galenus verò nulla adhibita mensura aquam porrigit, sed ad satietatem vsque & terminum statuit, inquiens, potio autem frigida huiusmodi tanta sit, quantum frigida aqua inspirando haurire possit.

G. I. acut.

43.

Mihi sanè videtur aliud esse loqui de exhibenda aqua frigida per plures vices in toto morbi decursu, aliud de exhibenda semel aut bis copiosa nimis. Quod attinet ad primū ægrotantes febre ardente non sunt valde ab aquæ potu arcēdi, sed satis siti, siccitati, ardori est indulgendum. Quod ad secundum in febribus à nuda intemperie, vt est ephemera & synocha sine putredine, in quibus sola alteratio in cōtrarias qualitates peragenda est, non oportet coctionem expectare; quis enim in morbis, in quibus materia non peccat materiæ coctionem spectabit. In putridis si sine periculo extinctionis caloris, aut inducendæ hecicæ possumus vsq; quo appareāt coctionis notæ expectare, id quidem faciendū, sin minus non cunctandum: nam damna quæ ex aqua intempestiuè epota eueniunt, longè mino-

minora sunt quàm ea, quæ ex febrili ardore aucto possunt superuenire.

Sunt autem damna ex Galeni sententiâ, G. 9. m. h.  
c. 5. quod lentos, crassosque humores, siue hi obstructions, siue putredinem, siue phlegmonē, siue erysipelas aut scirrhum aut ædema creauerint, attenuari, digeriq; prohibent. quod si aliquando ad præsens febris extincta videatur, aliam denuò accendi necesse est, priore difficiliorem, propterea quod dēsatum ex frigida corpus est. Præterea particulæ imbecillæ, siue ex naturali, siue ex ascititia intēperie, à frigida læduntur. Alijs namq; gula adeo vehementer est affecta ut, vix deglutirent, alijs vētricus ut vix concoquerent. Alijs ventriculi os, aut iecur, aut colon, aut pulmo, aut septū trāsuerfum, aut renes, aut vesica, aut tale quidpiam aliud à frigida percussum, ad proprium opus infirmum, sed illicō, difficultate spirandi, & conuulsione, & tremore, corripiuntur: ac toto ut semel dicam nervoso genere læduntur.

Tutius ergo est cum frigidæ copiosiore haustu ut oportet stillatitias aquas assumere, quod Vallesius accepit ab Auicenna: quippè syrupum acetosum sitim sedare ait, & incidere, & soluere, & nocumētum eius non esse plurimum sicut nocumentum aque. Existimat autem syrupum valdè dilutum optimum esse quem ille, iuleb plurimæ commixtionis appellat, vulgus medicorum iuleb longum solet appellare.

*Exercitatio de morbis ex nimio vini potu.*

**I**Nter causas, propter quas Silenus ægrotavit recensentur potationes, scilicet, vini, sic par est intelligere. Verū cum morbus fuerit acutus, hoc est febris biliosa cum biliosa syncera diarrhæa, cum rursus ex crebro vini potu morbi frigidi gignantur, res est explicatione digna nec inutile quidem, ut sciatis, quid in contradictione ista sit sentiendum. Homines ebrietate frequenter correptos frigidis morbis esse obnoxios manifestū est, nullos enim magis catarrhosos, nullos paralyti plus tentatos inuenietis, quàm eos, qui vino plus nimio indulgent, pauci etiam huius sectæ homines sunt, qui in hydropem aut saltem in cachexiam tandem non incidunt. Id fieri communiter dicitur, quoniam calore vini calor naturalis suffocatur, hinc cruditates & impotentia ad coquendos cibos, ut optima sit comparatio, qua Virgilius in suis opusculis utitur inter venerem & vinum; siquidem utriusque moderatus usus sanitati confert, utriusque immodica afluēfactio ægritudines inducit, vitamque brevissimam efficit: pauci enim istorum ad senectutem se conducunt. Eleganter hoc pertrahat Galenus. *Nec vinum* (inquit ille) *semper animal calefacit aequè, ut nec oleum flammā accendit, tamen si aptissimum est ignis nutrimentum, imo si imbecilla & exigua flammæ confertim multum oleū infundatis, suffocabitis eam, prorsusque extinguētis potius quàm augebitis. Sic igitur, & vinum, ubi plus bibitur*

*bibitur quàm ut vinci possit, tantũ abest ut animal calefaciat, ut etiam frigidiora vitia gignat: quippè apoplexiæ, & paraplexia, & quæ græcè caros, & comata vocamus, & nervorũ resolutio, & comitiâles morbi & convulsiones, & tetani immodicũ vini potum comitantur, quorũ unum quodq; est vitium.*

Alia etiam est ratio præter prædictam, nempe, quia vini substantia valdè vaporosa est, ut propterea in omnibus capitis affectibus meritò vinum interdicator, vaporosa autem substantia est quia calida, & humida multa; subtiles habet partes, calidum enim in humidũ agens partesque quamplurimas reperiens, quæ attenuari quidem possunt, fumos excitat immodicos, qui incerebro recepti neq; concoqui, nec retineri possunt; quare incôcocti defluunt partesq; omnes capiti subiacentes, sed præcipuè nervos, qui cerebri propagines censentur, offendere sunt apti. Cauete igitur à Macrobio, qui falcem mittere voluit in segetem alienam, considerans hæc ægritudines frigidas, quibus vini potio occasiōem præstat, vini temperamentum frigidum esse ineptè statuit, sed de vini temperamento non est hic agendi locus, sed prohypothese illius calor & humiditas accipiatur.

Macrobi. l. 2.  
7. saturn. c. 7

Cur ergo febrem, quæ morb. est calidissimus, & diarrhæã biliosam excitauit? Respōdet Mercurialis vinum moderatum calorem naturalem fouere, immoderatũ morbos excitare calidos, immoderatissimum frigidos, utpotè quod calorem naturalem extinguir. Verũ istam trimē-

brem

G de morib.  
caus. c. 3.

brem diuisionē nusquam mihi contigit reperire: nam Galenus vinum moderatum comparat oleo flammam fouenti, superfluum suffocanti. Deinde vinum moderatum, quod excitat morbos calidos, vt calorem præternatutam excitat, sic minuit naturalem, si verò vsq; ad caloris naturalis extinctionem procedatur, frigida mors non frigidus morbus aderit: neque enim catarrhos, & alios morbos frigidos propter extinctionem, sed propter deminutionem duntaxat caloris fieri dicimus.

1. deff. feb.  
c. 2.

G. 8. meth.  
c. 7.

Mihi quidem videtur ex vini potu posse corpus præter modum incalecere, adeò vt febris excitetur, sic Galen. inter causas febrium ebrietatem reponit. Nam vini potio, velut etiam alię causę calefacientes febrē ephemeram inducere possunt. Hęc in corporib. prauo humore refertis degenerat in putridam, vt Galen. etiam fatetur. Ceterum quando dicimus morbos frigidos oriri ex ebrietate, intelligimus ex ebrietate assidua: potandi enim cōsuetudo quemadmodū & lurcandi, calorem naturalem, itā opprimit, vt ignē cōgeries lignarum. Hinc est, quod homines gulę dediti tractu temporis incidūt in hydropem. Quamuis autem hydropem ex morbi acutis fieri dixerit Hippocrates, quamuis etiam catarrhi ex intemperie cerebri calida, & aliij morbi frigidi ex causa calida oriantur, ex vini potu per se fit febris, quę est morbus calidus, per accidens verò quatenus longa assuefactione calor debilitatur, affectus frigidi pullulant.

H. 2. prog. 7.  
H. in lib. de  
ioc. i homi.

Hinc

Hinc igitur colligeris, potuisse Silenū in vna  
 cena liberaliter potare, & ex hac portione inca-  
 lescere & febrem sibi accersere possunt ex alte-  
 ra parte bibaces longo potandi usu in paraly-  
 ses, epilepsias, aliosq; morbos frigidos delabi;  
 imò disponuntur aliquando ad apoplexiam ca-  
 pite ex continua repletionē reddito imbecillo;  
 & sic ob præcedentem dispositionem superue-  
 niēte ebrietate apoplectico insultu corrigi, quib-  
 us tunc remedium erit superueniens febris, vt  
 ait Hippocrates: quippe vinum vt ait Auicēna,  
 semicrudos humores ad caput defert; qui in ce-  
 rebro præcipue imbecillo (vt supponimus) non  
 coquantur, sed crudi manent; quapropter pos-  
 sunt a calore febrili, attenuari, vnde ventriculo-  
 rum cerebri obstructio attenuatis ijs, quæ sua  
 crassitie obstruebant, soluitur, & via panditur;  
 vt virtus animalis, siue cum spiritu, siue sola ra-  
 diatione transmittatur, possit liberè transmitti.  
 Consequentione sermonis poteritis animad-  
 uertere, quemadmodum morbi frigidi, per acci-  
 dens a causa calida fiunt, posse è cōtrario mor-  
 bos calidos, similiter per accidens fieri a causa  
 frigida. Sic pleuritides & peripneumoniæ, quæ  
 inflammatione, ac subinde affectus sunt calidif-  
 simi ab aëre hyberno contingunt, non operan-  
 te frigore per se & directè, sed per accidens &  
 indirectè, quatenus, s. frigore meatūs externi  
 constipantur, & calor non diffusus, sed intus in-  
 clusus excandescit, quàm rectè Hippoc. in hye-  
 me pleuritides & peripneumonias fieri dixit.

H. 5. aph. 5.  
 Au. 3. 1. do-  
 str. 2. c. 7.

H. 3. aph. 23

*Exercitatio de recta exercitij norma.*

**H**oc etiam habet proprium exercitatio, ut si ea, ut decet, utamur, utilissima sit, sin abutamur, valde pernicioſa. Nec verò eſt cur cōmoda eius omnia, & incommoda percurramus, ſufficit, ut quod ad Silenum attinet dicamus, ſ. eum meritò ægrotaviſſe ob exercitia intēpeſtiva. Sunt autem intēpeſtiva ſi à cibo fiant: vnde prudētiffimus Hippocrates, labores, cibi, potus, res veneret omnia mediocria in quo artificioſè ſe gerit, quod Galenus non ſiluit, quippè & modum ſingularum rerum ſignificavit, addito in fine, epitheto, omnia mediocria, & tempus vniuſcujuſq; nos docuit ſcribens ſingula eo ordine quo conveniunt. Primum igitur locum ſibi vēdicat exercitatio, videlicet ante cibum, labores, ait, cibos præcedant, labores dixit, hoc eſt, exercitia: quamvis enim πόνος ideſt labor multa ſignificet pro exercitio accipi etiam ſolet, quod ex multis Galeni locis vobis fiet manifeſtum. Illud ſolum animadvertere oportet hanc ſentētiā à Galeno citari, quam valde laudat. citari etiam, ſed in his duobus locis dici eam in aphoriſmīs eſſe, cum tamen in aph. non ſit ſed 6. epid. quod notavit marginalis correctio, vnde merito colligit Foëſius Gal. contextū eſſe mutilatū.

Cur autem non niſi vacuo ventriculo corpus exerceri cōveniat, facile explicabo: ſomnus inquit (Galenus) cōcoquit, vigilia digerit, ſomnus, hoc eſt quies, neceſſaria eſt ad ciborum coctio-

nem,

Hip. 6. epid.  
ſect. 6.

G. 2. ſan.  
uend. ea. 2.

H. 6. epid.  
ſect. 4. in  
fine.

2. aph. 16.

2. Sanit. tu.  
cap. 2. & 5.  
eiufd. ope-  
ris c. 11.

G. 12. met.  
c. 3.



nem, vigilia verò, ad digestionem, notare igitur oportet digestionē licet à barbaris pro coctione accipiatur, nihilominus propriè loquētibus, accipi pro distributione alimēti per vniuersum corpus. Itaq; quemadmodum quies inseruit coctioni, sic vigilia, idest motus distributioni. Distributio autem post coctionem sequitur, vnde si quis, quando fieri debet coctio, ac proindè quies expostulatur; fiat distributio, propter exercitium, præposterè agitur.

*Exercitatio. An natura sit morborum medicatrix.*

**Q**uamuis naturæ plurima sint significata, tamen ex sententia Galeni, hoc loco per id nomen naturæ vim quandam intelligere cōuenit in his ipsis corporibus, quæ ab ea reguntur habitantem. Huius quatuor sunt ministrantes facultates: idoneorū, ac familiarium attratrix; eorundem retentrix; tertia alteratrix, & concoctrix; quarta alieni segregatrix. Porro naturam sic acceptam nō esse morborum medicatricem posset aliquis ob plures rationes sibi persuadere. Prima. Natura multo potentior est arte ex Gal. quare si naturam habemus morborū medicatricem, cur in medēdis morbis confugimus ad artem sanè minus potētem. Secunda. Natura morbos facit; non ergo morbis medetur. Non ne à natura cæco impetu humores transmittente fiunt fluxiones, & ex fluxionib. abscessus? Tertia. Quamplurimi sunt morbi in quib. nihil natura præstare potest, teste Galeno, os ni-

Gal. 6. epid. sect. 5. in principio.

Gal. 6. epid. sect. 5. com. 2.

Gal. de const. art. c. 12.

mirum ita perfractum, ut de suo loco partes cedant, membrumq; distortum reddatur, haud potest natura corrigere, & cōformare, sicut potest medicus, qui item potest luxatum reponere, quod pariter naturæ negatum est. Præterea vulnus sinitur, abscessus secatur, caro superflua vstione absumitur, horū nihil natura potest prestare. Quarta Natura expellendis morbis nō est apta: siquidem illa suauiter disponit omnia; hi ad expulsionem sui violentiam postulant, maxime quos acutos solemus nuncupare.

Hipp. 6. epi.  
in princip.

aliqui

Plin. lib. 8.  
nat. hist. ca.  
26. & 27.

aliqui

6. epid. sec.  
5. tex. 35.

Contrarium nihilominus est verissimum, & ab Hippocrate promulgatum, dum inquit, *Natura morborum medicatrices*. Hanc veritatē coniectare possumus ex naturali instinctu, quo bruta animalia prædita suis met malis medentur, ut videre est apud Plin. Quare cum ab animalibus magnam auxiliorum partem acceperimus eādem à natura didicisse gloriamur. Venæ sectionem, quæ remedium est magnum præcipuè in plenitudine ab Hippopotamo nobis aduenit: quippè Hippopotamus assidua satietate obesus exit in littus, recentes arundinum cæsuras speculatus, atq; ubi acutissimum videt stirpem, imprimens corpus venam quandam in crure vulnerat, atque ita profluvio sanguinis morbidum aliàs corpus exonerat, & plagā limo rursus obducit. Capra nos docuit quomodo pueri lactantes, si purgatione egeant, sunt purgandi, mulier capra elaterium, aut cucumerem agrestem edit, & lac ex eo assumpto purgantem facultatē

su-

suscipit. ita mulieres purgans medicamentū cū cibo edentes, pueris lactantibus contingit purgatio. canes gramen rodentes sibi vomitū prouocant. Volueris in Ægypto, quæ vocatur ibis rostri aduncitate per eam partem se perluens, qua reddi ciborum onera maxime salubre est, nobis clysteris vsum demonstrauit. Multa alia afferre possem, sed quoniam posset aliquis dicere hæc animalia sine medico sibi mederi, nō verò sine medicina, etenim non sola naturæ ope, sed medicis vtūtur auxilijs, sciat oportet me isthæc attulisse, vt ostenderem natura medicinam faciente animalium sanitatem constare; si quidem remedijs vtuntur à nullo alio, quàm à suamet natura edocta.

Pergo tamen vterius, & ostendo naturā per se ipsam esse, & medicatricem, & medicamentū: quippè illa rectè se habens in mediocritate consistit, neq; enim deficit, nec excedit, propterea iustissima ab Hippocrate & Galeno appellatur, morbus autem consistit in excessu, aut defectu, quare omni morbo natura contrariatur, omnemq; morbum tanquam suum contrarium tentat expellere. Morbum ergo non nisi calidū remedia frigida oppugnabūt, calida frigidum, & sic in ceteris: natura autem debellat morbum non quia calidus, aut frigidus est, sed quia naturæ inimicus. Ideo subitam morborum solutionē solemus crisim, hoc est iudiciū appellare, sic nēpè significātes morbum litem quandam esse inter causam morbi, & corpus nostrum, quam iu-

dicat natura . Solemus etiam dicere coctione indicare victoriam naturæ , quasi in morbis ea sit, quæ pugnat .

Neq; obiecta oppositū suadent. Nam ad primā facilis est responsio: quippè licet natura potentior sit omni arte, nihilominus multoties arte indiget ad operandū, nec est absurdū potentius ab impotente adiuuari, sic in bello Imperator nihil efficeret sine militum ministerio , & in corpore nostro, quod bene ordinate reip. respōdet cor viscus potentissimum sine pulmonis minus potentis ministerio non viveret . Secunda , concludit duntaxat naturā aliquando (quia nō ducitur intellectu) transmittere ad partem id quod transmittendū non foret, & sic morbos facere, hoc tamen non impedit quominus eadem natura morbos à se genitos possit curare, quippè abscessus à natura factos, natura suo miti, & innato calore resoluit, aut saltē eodem naturali calore simul cum calore præternaturā ad supurationem adducit. Ad tertiam. Natura simul cum medico, ut ait Gal. ad sanationē morborū concurrat, cæterum si recta trutina rem expenditis, inuenietis nihil vnquā sine naturæ consortio à medico perfici posse, posse tñ à natura fieri aliqua sine medico . Singula exēplis illustrabo. Quædam sunt, quæ à medico fieri dicuntur nō tamē prorsus absq; natura (quod Gal. forsan non animaduertit) e.g. ossium repositio à medico fit . Hæc nil proderit ni natura ligamētis articulū firmauerit. Vulnus sinitur. Sed oportet , ut

G. de cōsist.  
art. c. 12.

natura

natura fit, quæ partes diuifas cōglutinet. Sectio tumoris fit à medico vt tamē natura per fectionis aperturam quicquid præternaturā est effundat, siue fit pus, siue os cariosum. caro superflua, à medico vltione consumitur, qua tamen consumpta expectat medicus, vt natura cicatricem obducatur.

Alia sunt, quæ à natura fieri dicuntur, requiritur tamē aliqua medici opera, e.g. vlceris caui repletio, quamuis enim de const. art. citat. Gal. dicat natura vlcus cauum potest carne implere, medicus verò nequaquam, nihilominus quid in hoc medicus efficiat declarauit, inquit, ipsa namq; generatio carnis nature opus est, itaq; agro ad hanc rem nihil opus est arte medica. Vt autē quæ prouenit caro coalescat, circum hæreatq; omni ossis parti, id inde maximè eueniet, si neq; sordes super eo sit, neq; oleosa quæpiam pinguedo. Id igitur est, quod ægris medici ad carnis productionem præstant. Hæc Galeni verba prorsus declarant aliquantulum ope medica opus esse ad carnis regenerationē.

G. 6. meth.  
c. 6.

Alia sunt quæ natura per se solam efficit, e.g. spontaneæ euacuationes, quæ per crises fiunt, & morbos soluunt.

Si verò queratis quid de coctionib. sentiam, eas profectò solius nature esse existimo; nā medicus nihil aliud præstat, quàm cauere, nè impediantur, atq; ideo tēpore coctionis tenuem victum instituit, ne natura à coquendi munere diuertatur eandem ob causam iubet Hippocrates nihil mouere, neq; nouare siue medicamentis,

siue aliter irritando sed sinere, ita etiam sentit

G. de const.  
art. cit.

Gal. 1. epid.  
sect. 1. sect. 2.  
tempest. 2.  
tex. 44.

σχοπίεος.

ποίεος.

Gal. Verumtamen idem sui oblitus, ubi Hippocrates ait *maturationes excrementorum omnes vndiq; tempestiue aut bonę, & decretorij abscessus cōsiderandi*, sunt pro verbo σχοπίεος considerandū

alios etiam legere ait ποίεος faciendum quod etiam Foësius in reconditissimo exemplari manu scripto se reperisse ait. Quare Gal. faciendū etiam recipit, & iuxta hāc lectionem inquit, cōctionem efficere calefaciētia mediocriter omnia tum cibos, tum fomenta, & cataplasmata, frictionem item modicam, & balneum huius esse generis. Verūm quemadmodum fomenta, & cataplasmata in abscessibus cōctionem adiuuare fateor, ita etiam reliqua cōctioni vniuersali prodesse posse omnino non admitto, cibi enim licet mediocriter calidi non adiuuant humorum cōctionem, imo eam impediunt diuertendo scilicet naturam. Frictiones etiam, quas in consil. de puero epileptico exercitij vicem subire ait, profunt quidem ad distributionem, non autem ad cōctionem dicente eodem somnus cōcōquit, vigilia digerit, iam verò balneum calorem ad externa trahens cōctioni aduersatur, quis autē tempore, quo expectatur humorum maturatio agrum ad balneum mittere?

G. 12. meth.  
c. 3.

Tandem nulla sunt, quę medicus solus sine adiumento nature efficiat, vt hinc possitis colligere verissimam esse sententiam Hippocratis in libello de alimentis. natura in omnibus subuenit. quippē ipsa omnibus adest vel sola, vel si-

mul

mul cum medico, medicus nunquam solus, sed simul duntaxat cum natura. Quarta obiectio, naturæ ordinem collaudat in disponēdis rebus omnibus, cæterum id efficit quoad potest: nam in sanatione morborum, etiam violentiā (quando aliter fieri nequit) solet adhibere, vt constat ex perturbationibus, quas excitat tempore crisis, ex debilitate, quam euacuando inducit. Similiter medicus Hippocratico consilio adiutus studet medicinam facere tutò, citò, iucundè.

*Exercitatio Vtrum medicus sit imitator naturæ.*

**V**lgarissimum est apud medicos, medicū esse naturæ imitatore; quod tamen, controuersia non omnino caret. In primis in doloribus natura, & medicus sibi inuicem contrariantur: quippè natura ad partem dolentem transmittit materiam, vnde inflammatio, & tumor consequitur, medici autem studium est reuellere à parte affecta. Deinde natura in febrib. augens pulsum differentias ægroto auxiliatur, facit enim pulsus magnos, celeres, & frequētes, & respirationem similiter, vt maius refrigerium suscipiat cor; sic postulante nobilissimū illius visceris necessitate. At verò medicus his eisdē differentijs perterretur, ex quib. prauum euentum prædicit; & quoad fieri potest refrigerando efficit, vt & pulsum, & respirationis differentiæ ad mediocritatem reducantur. Præterea à febre

H.4.aph.58

*ardente habita, rigore superueniente solutio; sanat siquidem natura febrem ardentem inducto ri-*

gore, in quo medicus, nequaquam naturam imitabitur, neque enim ei facile est rigorem inducere, nec si esset facile expediret id facere.

H. 4 aph. 64

Uterius idem, quibus in febribus morbus regius septimo, vel nono, vel undecimo, vel quartodecimo superuenerit bonum, nisi dextrum hypochondrium obduruerit. Eritne medicus in hoc imitator naturæ & morbum regium excitabit? id quidem facere nec potest, nec debet. Tandem natura vel est communis, vel unicuique particularis, Communem imitari non pertinet ad medicum: neque enim medicus communem hominem curat, ut inquit Aristoteles, sed Calliam, aut Socratem; nec etiam oportet imitari particularem nam hæc si benè habet non indiget medico imitatore, si malè se gerit medicum correctorem, non imitatore expostulat.

Arist. 1. methaph. c. 1.

Expendere tamen oportet naturæ nostræ finem, & scopum esse corpora sana conseruare, & ægrotantia deducere ad sanitatem, & in hoc medicus cum natura conuenit: vtriusque enim vnus, & idem est scopus. Vnde quotiescunque natura ad consequendum suum finem mediâ accipit, quæ à medico accipi possint, eisdem medicus etiam vititur, ac sic naturam imitatur. Neque verò existimetis medicum in hoc à reliquis artificibus non differre; siquidem omnis ars naturam imitari dicitur. Nam licet in qualibet arte aliquod imitationis vestigium appareat, in nullâ tamen æquè, ac in medicina. Siquidem vera imitatio, & in fine, & in medijs ad finem consistit:



sistit : medicina autem in medijs vt plurimum (quando scilicet potest) cum natura conuenit, in fine autem semper.

G. 17. de  
usu part. c. 1

Polycletus (inquit Galenus) naturæ fuit imitatur, in quibus saltem eam potuit imitari, potuit autem in solis externis partibus, in quibus artem considerauit. Et alibi, Praxiteles, aut Phidias, aut alius quispiam statuarius, foris tantum materiam ornabant, qua scilicet parte licebat eam attingere, internam eius partem illaboratam, ociosam, artisq; immunem, ac neglectam reliquerunt. Cæterum ars ista, quæ apparentem duntaxat figuram efficere conatur, quomodo quæso comparabitur cum arte medica, quæ ad intima penetrans, aliquando in operibus suis naturæ vestigijs insistit, vt quando quò natura vergit per loca conferentia eò ducit, aliquando naturam errantem corrigit, vt quando natura in carnis generatione (quòd suum munus esse diximus) superfluit, medicus excessum tollens carnem ad debitam mensuram reducit, aliquando naturæ præ impotentia suum munus perficere nequeunti opem fert, vt quando post imperfectas crises medicus sanitatis operi vltimam imponit manum, aliquando denique naturam agendo superat, vt quando ex principijs originis nostræ nos ad senectutem ducit, medicus suis auxilijs aduenientem senectutem aliquantulum remoratur.

2. nat. facul.  
c. 3.

Cæterum quando dicimus medicum esse artis imitorem (quòd in Galeni doctrina passim reperietis) hoc nomine vtimur generaliter : interdum enim propriè imitator appellatur quoniam opera similia operibus naturæ exequitur,

ut si alui fluxu euacuet, aut hypercatharsi nem-  
pè per sputum, & etiam (ut est multorum opi-  
nio, quam in libro de Syntaxi prædictionum de-  
claro) per sudorem. Interdum dicitur minister,  
hoc etiam nomine ab artis proceribus insigni-  
tur: quia videlicet naturæ ministrat instrumen-  
ta, quibus illa possit agere: nam & purgatio per  
aluum, sputatio, sudor, & reliquæ euacuationes  
à natura fiunt, sed instrumentis artis, hinc est  
quod Galenus purgationem fieri ait medica-  
mento trahente, & natura expellente, hæc autem  
non expelleret nisi medicamentum ei pro in-  
strumento esset. Interdum dicitur auxiliator  
quando scilicet labenti naturæ auxilio est, ut  
quando vires reficit. Aliquando autem vincit  
naturam, & ideo Deo similem appellat Hippo-  
crates medicum philosophum, neq; aliis potest  
supra naturæ vires transcendere, nisi qui philo-  
sophicis documentis est instructus.

Non est tamen negandum naturam aliquan-  
do in suis operibus esse inimitabilem sic Gale-  
nus sanguinem spiritibus mixtum in arterijs, &  
corde esse ait, quod tantum exemplo ab arte  
sumpto non potuit probare: quippè plurimum  
differunt (ait ille) naturæ opera ab his, quæ hu-  
mana arte sunt fabricata. Similiter etiam in  
opere generationis naturam ars nulla potest  
imitari, nisi dicamus aliquando medicum, cau-  
sam infecunditatis auferendo, naturæ ministrare.

Accedo ad ea, quæ principio adducta sunt.  
primæ obiectioni respondeo, in doloribus natu-  
ram

G. 1. ap. 12.

G. 1. diff.  
feb. c. 1.

ram cæco impetu ductam humores plusquam par est ad partem dolentem transmittere. at medicus non imitatur naturam cum cæco impetu ducitur, sed cum rectè operatur, iccirco Galenus, medicum naturæ ministrum imitatorumq; esse exclamat, aliquando: nempè 1. aph. 2. quasi se ipsum declarans ab Hippocrate traditum nobis refert, ut medicus quæ rectè à natura fiunt imitetur, & 5. aph. 3 2. nos opera, quæ bene à natura geruntur imitabimur. Deniq; ut sciatis naturam fluxiones prauas molientē non dignam esse quàm imitemur, sed potius corrigamus. consulite eundem Gal. qui vos docebit animaduertendam esse naturæ inclinationem, & siquidem idonea fuerit subministremus, & adiuuemus, sin autem contrariè simul, ac noxiè fiat, prohibeamus, transferamus, diuertamus.

G. 4. aph. 2.  
6. aph. 17.  
6. epid. sec.  
2. cō. 5 1. de  
optim. sec.  
ad Tralyb.  
& sexcē s  
alijs illocis.

G. 1. aph. 21

Secundam ita soluetis. Natura, quam medicus imitatur, est illa eadem, quæ morborum medicatrix, seu medicus, ab Hippocrate, & Galeno appellatur. Nos autem in præcedente controuerſia diximus naturam sic acceptam habere secum facultates quatuor ministrantes, quod Galenus in opere de facultatibus naturalibus satis amplè declarat; est autem natura hæc quæ facultatem naturalem dicimus, pulsum verò, & respirationis opera facultatib. vitali, & animali debentur. has autem medicus nō imitatur: quis enim queat aut pulsationem cordis, arteriarum vè, aut sensum, & arbitrarium motum imitari?

Tertiæ ut respondeatis, considerare oportet

ali-

aliqua esse bona, vt signum, alia vt causam, alia etiam, & vt signum, & vt causam, ea quæ sunt bona; vt signum nō potest medicus imitari. v.g. hypostasis in vrina signum est materiam esse coctam, & est bona ratione signi, nihil enim boni præstat, sed solum aliquid boni significat. Sic rigor in febre ardente nihil boni efficit, sed solum significat humorem biliosum per membra sentiētia deferri ad quem motum sequitur alui fluxus, aut sudor, aut vomitus biliosus, propterea non potest medicus imitari; icteritia est bona vt signum, & vt causa, quia non solum significat transmissionem bilis ad cutem, sed fit ex bile transmissa, qua transmissione natura exoneratur propterea est signum, & est euacuatio, vt signum est non potest illum medicus imitari, vt autem est euacuatio imitabitur: nempe aliter facta biliosa materiæ euacuatione.

Hipp. 1.  
epid. sect. 3.  
in principio.

Ad vltimam, tum communem omnium naturam, tum vniuscuiusque propriam contemplari iubet Hippocrates: addo ego vtramq; esse dignam, quam imitemur. Nam dignoscēdis morbis, vtriusq; naturæ tam communis, quam particularis cognitionem necessariam esse dixit Hippocrates, subintelligite curandis etiam. Nam ad curationem in primis oportet naturæ communis cognitionem apprimè tenere: quis enim humana natura ignorata hominem curare poterit? cum hominum natura tribus constet facultatibus, animali, vitali, naturali, has medicus debet ex operationibus agnoscere, vt sciat quo-

quomodo illę sęnt conseruandę, & lapsę restitueudę. Deinde accedẽdum ad naturam vnius cuiusque particularem. Si enim huius hominis facultas animalis sit valida, si inquam ille ad motiones sit impiger, ad sensationes valdẽ acutus, quęcumque tarditas, quęcumq; hebetudo, malum esse ostendit, & ad curationem impellit medicum. Quod attinet ad vitalem, seu irascibilem, si mansuetus fiat ferox etiam in statu preternaturali est. In facultate naturali peccatum etiam respectu naturę particularis fiet, si ille qui suapte natura alium habeat fluidam, ad stipticitatem dilabatur. Deinde aliter curamus biliosum, aliter pituitosum, aliter melancholicum. Itaque præter communem omnium propriam cuiusque natura agnoscenda est, vt possimus rectẽ curare.

Cæterum vtriusque naturę simul & communis, & proprię notitia habenda est, non autem vnius sine altera: tunc enim si cognita daptaxat communi natura accederemus ad medicandum, locum haberet reprehensio, quę in methodicos cadit, quoniam generalem hominem curare se velle videbantur. Hoc tamen mente tenendum est fieri non posse, vt particulares hominũ omnium naturas cognoscamus, imò multoties ad ignotos curandos vocamur. quare tum ex signis propriam ægri naturam venabimur, tum etiam ad communem naturam tamquam ad Polycleti regulam respicientes quantum propria ægotantis à recto itinere

re sit lapsa assequemur. Rursus communis naturæ notionem nullo melius modo habebimus, quam ex multorum singularium comprehensione quasi per inductionē naturæ humanę condiciones comparantes. Hoc autem nos docet Hippocrates in libello de aëre, aquis, & locis, siquidem vnius regionis incolas contemplari iubet, quas habeant communes omnibus dispositiones.

*Exercitatio de fluxu sanguinis è naribus in febribus.*

G. 1. epid.  
sect. 2. com.  
63.

**P**eculiare ardentibus febribus esse dixit Gal. per narium eruptiones ferè iudicari, adeo ut in tertia constitutione libri prim. epidem. in Thaso quibuscumq; abundè erupit sanguis fuisset hos superstites: quibus parè aut prorsus nihil stillarunt nares, solos hos periisse Hippocrates narret. Cæterum ut ex eadem narratione comprehenditur adolescentulis & adultis maximè propria est isthæc euacuatio. Nec mirum si recludantur, & dirumpantur, quæ ad nares accedunt venæ: quippè sanguis sursum à calore fertur, à quo non possunt nō inflari, ac subindè referari ob spiritus efferuescentes qui vtres & dolia rumpunt veluti cum in musto ebulliente accumuluntur. Adite acrimoniam, est enim in ardentib. sanguis multa bile infectus, iccirco mordax, qui pungens narium venas eas referat, unde vnum ex signis fluxori sanguinis est lachryma spontanea, quam à mordicatione fieri manifestum est, uti à causis externis mordi-

cā-

cantibus qualem cæparum succus facere solet.

Ex dictis etiam colligetis tam esse salubrem copiosam euacuationem quam periculosam, deminutam. Imo quemadmodum copiosa tunc præstantior est cum in die decretoria accidit, ita stilla sanguinis licet semper praua habeatur in diebus tamen decretorijs magis praua censetur. Nam firmiora signa sunt tum lethalia tum salutaria quæ vel diebus indicantibus vel iudicatorijs eduntur. In hoc tamen medici prudentia requiritur: si enim ex alijs signis debilitatem naturæ arguat tunc ex hoc signo multo magis perterrebitur. Siquidem & molestiâ magnam, quæ ad expellendum excitauit & magnâ resolutionem, quæ euacuationem progredi non permittit, significat. Si tamen ex vrina aliqua incipientis saltim coctionis signa habuerit, tunc vel ob sanguinis crassitiem, vel ob meatuum densitatem, vel propter vtrumque stilatim fluere sanguinem suspicari debet, & satagere vt sanguis effluat, nam substillicidium istud copiosiorrem hæmorrhagiam pollicetur, quæ accidet maxime si impedimenta auferantur. Ita se gessit prudentissimus Hippocrates, licet enim non vsus sit quæ pertinent ad medicationem narrare, in præsentem tamen non potuit se continere quin nobis diceret artificiosam curationem ab eo ordinatam, nempe capitis lotiones quibus & meatus aperuit & sanguinem attenuauit.

Mendæ operis grauiore*s* ita corrigantur,  
leuiore*s* Lector benignu*s* sponte restituet.

*Prior numeru*s* paginam . alter lineam indicat.*

## ERRATA CORRIGENDA.

Pag. 3.	17. noctu	Nero.	82.	4.	ruinarum	yrinarum
5.	30. tamem	tamen	83.	7.	poras	poros
9.	21. quam	qua	84.	20.	ægretudinem	ægritudinem
16.	7. viam	via	86.	19.	siue sanguine	sine sanguine
	8. occlusam	occlusa	88.	29.	opiniones	opinionis
17.	5. gyptea	gypsea	89.	16.	duplice	duplici
20.	10. recedat	recedet	90.	13.	chymeram	chymeram
23.	2. experietis	experiemini	94.	4.	acore	acorem
27.	2. quam	quem	95.	14.	sanguinis	sanguini
	8. confert	conferet	100.	15.	epireusin	empyreusin
29.	4. nonnunquam	nonnunquam	112.	12.	ægretudinem	ægritudo
30.	22. Defectio	Refectio	132.	11.	deminutus	diminutus
31.	16. verustior	vetustior	141.	29.	accipisse	accepisse
36.	4. clæochroa	clæochroa	144.	29.	tertium	tertiam
38.	14. vetutiorem	vetustiore <i>m</i>	145.	5.	singulta	singulto
	15. crimonidem	crimnodem		30.	recenset	recenset
40.	10. peperiore	peni <i>o</i> riore	157.	27.	crisino	crisim
	30. varijs	vari <i>j</i>	161.	21.	demidium	dimidium
41.	8. effugerat	effugerit	164.	7.	inquam	inquam
43.	10. dylientiora	dysenteria		27.	terminatur	terminantur
47.	28. plegmonem	phlegmonē	169.	1.	conquerunt	conquerantur
49.	2. ex bile	& bile	171.	29.	abortiue	abortire
50.	30. phrenitidis	phrenitis		18.	exciccatēs	exsiccatēs
51.	1. contensum	consensum	174.	17.	peperint	pepererint
	3. phenitis	phrenitis	176.	11.	deminuta	d.minuta
52.	10. remissione	remissione		15.	esse	esset
56.	29. hypochādij	hypochōdri <i>j</i>	179.	28.	deminuta	diminuta
57.	27. inailis	inanis	180.	21.	febricitantibus	febricitante
58.	21. meningibus	meningib.	187.	14.	mensuratur	mensuratum
60.	14. meningibus	meningib.	190.	19.	operetur	operaretur
63.	4. Responde	Respondet		18.	Hydripos	Hydriops
66.	18. iudicat	indicat	193.	25.	posset	possit
67.	14. conuulsionis	convulsionis	195.	1.	præbentus	præbebitus
69.	29. corpus	corporis		13.	coatam	coactam
74.	20. progressio	progressu	196.	5.	Hydropem	Hydropem
77.	2. curationem	curatione	199.	20.	constant	constat
	39. ti.	fi.	204.	27.	tamen <i>h</i>	tame <i>n</i> si
79.	10. crauio	cranio	206.	10.	deminutionē	diminutionē
80.	15. tinnius	tiunig <i>u</i> s	207.	9.	corrigi	corripi
81.	14. testatum	testatur				